



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

ANDOVER-HARVARD LIBRARY



AH 5ZZ5 L


HARVARD DEPOSITORY
SPECIAL COLLECTION
CIRCULATION RESTRICTED


816-9
Hawaiian
1864


816.9
Hawaiian
1864

יהוה











HB

NINAU HOIKE

NO KA

MOOLELO O KA

PALAPALA HEMOLELE.

I IKEA AI

KA HANA ANA A KE AKUA A ME NA KANAKA, MAI KE
KUMU MAI A HIKI I KA WA O KA
IESU MAU LUNAOLELO:

He mea e pono ai na makua, a me na
keiki, a me na kula.

E huli oukou i ka Palapala Hemolele; ua manao ou-
kou he ola pau ole ko loko no oukou, oia hoi ka mea
nana wau i hoike. NA IESU.

He Kolu o ke Pai ana.

PAHU.

PAHIA NO NA MISSIONARI
1864.

NA INOA

O NA BUKE O KA PALAPALA HEMOLELE

NA BUKE O KE KAUOHA KAHIKO.

Kinohi.	Oihanaalii II.	Daniela.
Pukaana.	Ezela.	Hosea.
Oihanakahuna.	Nehemia.	Ioela.
Nahelu.	Eseta.	Amosa.
Kanawailua.	Ioba.	Obadia.
Iosua.	Halelu.	Iona.
Nalunakanawai.	Solomona.	Mika.
Ruta.	Kekahuna.	Nahuma.
Samuela I.	Mele a Solomona.	Habakuka.
Samuela II.	Isaia.	Zepania.
Na'lii I.	Ieremia.	Hagai.
Na'lii II.	Kanikau.	Zekaria.
Oihanaalii I.	Ezekiela.	Malaki.

NA BUKE O KE KAUOHA HOU.

Mataio.	Epeso.	Hebera.
Mareko.	Pilipi.	Iakobo.
Luka.	Kolosa.	Petero I.
Ioane.	Tesalonike I.	Petero II.
Oihana.	Tesalonike II.	Ioane I.
Roma.	Timoteo I.	Ioane II.
Korineto I.	Timoteo II.	Ioane III.
Korineto II.	Tito.	Juda.
Galatia.	Pilemona.	Hoikeana.

HE NINAUHOIKE.

§ 1.

No ke kakau ana a me ka oiaio o ka Palapala Hemolele.

1. *Heaha ka Palapala Hemolele?*

O ka Palapala Hemolele, o ka olelo a ke Akua ia i kakau pono ia'i e like me kona makemake.

2. *Nawai i kakau i ka olelo a ke Akua?*

Na na kanaka hemolele i hoolakoia e ka Uha-ne o ke Akua, ua alakai pono ia e ia; na ke Akua ko lakou ike lea i ka mea pono e kakau ai, a me ko lakou oiaio i pololei ai ka palapala; na lakou i kakau i ka olelo ana i haawi mai, ka olelo kahiko a me ka olelo hou a ke Akua.

3. *Owai ka poe i kakau i ka ke Akua olelo kahiko?*

O ka poe kaula, o Mose, o Ezera, o Nehemia, o Davida, o Solomona, o Isaia, o Ieremia, o Ezekiel, o Daniela, o Hosia, o Ioela, o Amosa, Obadia, o Iona, o Mika, o Nahuma, o Habakuka, o Zepania, o Hagai, Zekaria, a me Malaki, o lakou no ka poe i kakau i ka ke Akua olelo kahiko mamua aku o ka hiki ana mai o ka Mesia.

4. *Owai ka poe i kakau i ka ke Akua olelo hou?*

O na lunaolelo, o Mataio, o Ioane, o Petero, o Iuda*, a me Iakobo, na haumana hoahale o Iesu, a me kekahi mau lunaolelo e ae, o Paulo, a me Luka ko Paulo hoahale, a me Mareko ko Petero hoahale, o lakou a ewalu ka poe i kakau i ka ke Akua olelo hou mahope mai o ka hiki ana mai o ka Mesia.

5. *Owai ka poe e ae i hai pololei mai i ka olelo a ke Akua?*

O Noa, o Aberahama, o Isaaka, o Iakoba, o Iosepa, o Iosua†, o Elia, o Elisai, o Natana, o Ioane Bapetite, a o na kahuna pule, a me kekahi mau lunaolelo, a me na anela o ka Haku, o lakou no kekahi poe i hai pololei mai i ka ke Akua olelo, aka, o Iesu ka Mesia ko kakou. kaula nui, ka mea nana i hoike maopopo mai i ka manao o ke Akua, i ka pono io maoli.

6. *Heaha ka mea e ike ai ka Palapala Hemolele he olelo io ia na ke Akua mai?*

Eia na mea he umi, e ike ai ka palapala hemolele he olelo io ia na ke Akua mai.

1. O ka *maikai loa o ia olelo*, o ka papa i ka hewa, o ke kauoha mai i ka pono, o ka hoike mai i ka hemolele o ke Akua, a me ka mea e ola'i, he hoailona ia na ke Akua ia mea maikai, no ka mea, aole kanaka ino i haawi mai i ka olelo pono e like me ka palapala hemolele.

2. O ka *mea nui a ka palapala hemolele* i hoike mai, o ka mea mamua loa, a me ka mea mahope loa aku, a me ka mea maluna loa o ka

*Aole Isekariote. †Na laua paha kekahi i kakau.

lani, a me ka mea malalo o ka po, he hoailona no ia na ke Akua ia olelo, no ka mea, aole i loaia ia mau mea i ke kanaka wale no ke imi aku, o ke Akua wale no ka i ike wale aku.

3. O ka *like pu ana o ka olelo* a ka poe i kaku i ka palapala hemolele, o ke ku ana o ke ano o ka kekahi i ka kekahi, aole hoole iki, oia kekahi mea e ikea ai he olelo io ia na ke Akua mai, no ka mea, aole e hiki i ka poe kanaka, okoa ko lakou aina e noho ai, okoa ko lakou manawa e ola'i, okoa ko lakou oihana, aole e hiki ia lakou wale no ke hoolike pu i ka lakou mau olelo a pau e like me ka palapala hemolele, ina aole ke Akua i haawi mai ia lakou ka mea e kaku ai.

4. Ua *hooiaio mai la ka poe kaula*, na ke Akua ka olelo a lakou i hai mai ai, aole na lakou iho, aole na ke kanaka, he mea ia e ikea ai na ke Akua mai ka lakou olelo, no ka mea, he poe naauao lakou, he poe hoopono, ua kokua mai la ke Akua ia lakou, aole lakou hoopunipuni.

5. O na *hana mana* a ka poe kaula a me na lunaolelo i hana'i i hoailona no ka oiaio o ka lakou hai ana mai i ka olelo a ke Akua, ua hoike maoli no ia na ke Akua mai ka lakou i hai mai ai, no ka mea, no ke Akua wale no ka mana e hiki ai ia lakou ke hana i ka hana mana, ua hoike mai la ka Haku i kona mana pela, i ikea ai he oiaio nana iho no ka olelo.

6. O ka *wanana* mamua a ka poe kaula, ua ko maoli no malua, mai kela manawa mai a hiki i keia manawa ke ko ana, he mea ia e ikea ai na ke Akua mai ka olelo a lakou i hai mai ai.

7. Ua *hooiaio* no Iesu ko kakou Haku i ka mea i kakauia'i e Mose a me ka poe kaula. Ua kauoha mai la no oia i ka poe lunaolelo e ao aku i kanaka a pau i ka olelo ; hai mai la no oia ia lakou, "Na ka Uhane Hemolele e ao mai ia oukou, nana no oukou e alakai ileko o ka olelo oiaio a pau;" he mea ia e ikea ai ka palapala hemolele na ke Akua mai ia, no ka mea, ua ike loa o Iesu, a he mea hewa ole ia, aole i wahahee, no kona ola hou ana mai hei, mai ka make mai, e like me kana olelo, ua ikea pono ia'i kona oiaio maoli no.

8. O ka *hooiaio o na lunaolelo* kekahi ; i mai la Paulo, "O ka palapala hemolele a pau, ua haawiia mai la ia e ka Uhane o ke Akua, he mea ia e pono ai;" a 'Ke olelo aku nei makou ia mau mea me ka olelo a ka Uhane Hemolele i ao mai ai.'—A i mai la Petero, "Aole na ka manao o kanaka ka wanana i ka wa kahiko, aka, o na kanaka hemolele no ke Akua i uluhia e ka Uhane Hemolele i olelo mai ai ia." Pela ka Iesu poe lunaolelo i hooiaio ai i ka ka poe kaula kahiko, a me ka Iesu olelo, a me ka olelo i aoia mai ai ia lakou, a waiho iho la lakou i ko lakou ola nei no keia olelo, hoopaa iho la me ko lakou koko i ka mea a lakou i hoike mai ai no ko lakou manaoio ana na ke Akua ia olelo ; he mea ia e ikea ai na ke Akua mai ka palapala hemolele i kakauia'i e ka poe kaula, a me ka poe lunaolelo a Iesu.

9. O ka *mana* o ka olelo kakauia'i ma ka palapala hemolele i hoohuliia'i ma ka pono ka

poe hoolohe pono, a e hooluoluia'i ka naau o ka poe e hilinai nui malaila ; i mai la Davida, "O ke kanawai o Iehova, he hemolele ia e hoohuli ana i ka uhane : o na oihana a Iehova, ua pololei ia e hoohauoli ana i ka naau," he hoailona no ia e hoakaka mai ai na ke Akua mai ka palapala hemolele, no ka mea, aole he olelo e ae e hoohuli i kanaka ino ma ka pono.

10. He nui no ka poe kanaka *maikai*, he poe naauao, he hoopono, ka i manaoio i ka palapala hemolele, he olelo io ia na ke Akua, ua ike hoi lakou i ka pili ana o ka olelo i ka lakou mea i ike ai ; ua ike hoi ka naau i ka oiaio ; malama lakou i ka la Sabati mai ka wa kahiko mai, a me ka oihana a ka Haku i haa-wi mai i kana haumana no kona ekalesia, ua kaohi no hoi lakou ia palapala a hooili mai ia kakou e noho nei i keia manawa i ike kakou i ka oiaio o ka ke Akua olelo : he nui no ka poe kanaka *ino*, ka poe naaupo a me ka poe kolohe, ka i hoowahawaha i ka palapala hemolele, hoomaloka lakou no ka lakou hana hewa ana, makemake lakou e kinai i keia kukui malama-lama o ke Akua i pio, aole hoi e hiki ; he hoailona ia mea no ka oiaio o ka palapala hemolele ka olelo a ka Haku ; 'E lilo ana ka lani, a me ka honua, aka o ka olelo a Iehova aole loa ia e lilo.'

No ia mau mea a pau, ke manaoio nei kakou he olelo oiaio a ke Akua ka palapala hemolele.

7. *Ua kakauia ka olelo a ke Akua i aha ?*

Ua kakauia ka olelo a ke Akua i naauao ai

kanaka, i ike lakou i kana hana, a me kona manao, a me kona aloha, a me kona kanawai, a me kona makemake, a me kona nani, i pono hoi ka lakou hoomana ana ia ia, i pololei hoi ka kakou hana ana ma kana pono, i ike hoi kakou i ke ano hemolele o ka Mesia, i ola hoi ko ke ao nei me ka mahalo mau ia ia i ke ao pau ole ; no ia mau mea ua ike kakou he pono ke aloha nui aku kakou i ka lokomaikai o ke Akua, i kona haawi ana i ka palapala hemolele ia kakou, a e malama mau kakou ia palapala i pomaikai mau ai kakou. I mai la Iesu ko kakou Haku e ola'i, "Pomaikai io maoli ka poe e hoolohe i ka olelo a ke Akua a malama hoi ia."

§ II.

No ka hana ana i na mea a pau i kinohi, 4004 makahiki mamua aku o ka hiki ana mai o ka Mesia.

1. *Owai ka mea nana i hana na mea a pau ?*

O IEHOVA ke AKUA io maoli, he mea kumu ole, he mea pau ole, oia ka mea nana i hana ka lani, a me ka honua, ka anela a me ke kanaka, ka la, ka mahina, ka hoku, ka wai, ka moana, ka mauna, ka manu, ka ia, ka holoholona, a me na mea a pau loa.

2. *Pehea la i hana mai ai ke Akua i na mea a pau ?*

Me kona leo mana i hana mai ai ke Akua i

na mea a pau. I iho la ke Akua, 'I lani, ua lani; I honua, ua honua; a i ka pouli ana maluna iho o ka hohonu, i iho la ke Akua, "I malamalama," ua malamalama. I mai la Paulo, 'I ka manaoio i ike ai kakou, ua hanaia ka lani a me ka honua, e ka olelo a ke Akua.'

3. *I na la ehia kana hana ana i ka lani, ka honua, ke kai, a me na mea a pau oloko?*

I na la eono i hana mai ai ke Akua i ka lani, a me ka honua, a me ke kai, a me na mea a pau oloko, a i ka hiku o ka la, i boomaha ai; nolaila i hookapu mai ai ke Akua ia la i la hoano mau nona, i maha ai hoi kanaka, i pono ai hoi ko lakou uhane.

4. *No ke aha la i hana mai ai ke Akua i na mea a pau?*

No kona makemake no i hana mai ai ke Akua i na mea a pau nona iho, i ikea kona nani, i maikai kona aupuni, i nui wale ka po-maikai a me ka olioli mau loa o ka poe e mahalo ia ia. I mai la Solomona, "Ua hana mai la Iehova i na mea a pau nona iho."

5. *He maikai wale no anei na mea a pau a ke Akua i hana mai ai?*

Ae, he maikai wale no i ka wa i hanaia'i. 'Nana mai la ke Akua a ike he maikai loa na mea a pau ana i hana mai ai.' I aku la Davida, "Kupaianaha kau mau mea i hana, e Iehova, me ke akamai oe i hana mai ai ia lakou a pau."

6. *Heaha ke pookela nani loa a Iehova i hana mai ai i keia ao?*

O ke kanaka ke pookela i keia ao, nani loa

kona maikai, he naauao, he hewa ole, ua hanaia laua me kana wahine i ke ano o ke Akua, ua like ko laua hemolele me ka poe anela o ka lani.

§ III.

No ka haule ana, ka hookumu ana i ka hewa.

1. *Ua kupaa mau anei na anela a me na kanaka ma ka pono ?*

Ua kupaa mau kekahi poe anela, haule no kekahi poe ; na kanaka no kekahi i haule, na makua mua loa o ko ke ao nei, a ua hele hewa ka laua mau keiki, a me na mamoa a pau loa, mahope o laua ; nolaila mai ka ino o ke ao nei, a me ka ino o ka poe pau ole.

2. *Owai na makua mua loa o ko ke ao nei ?*

O Adamu a me Eva na makua mua loa ia o ko ke ao nei.

3. *Nohea mai ko laua mau kino, a me ko laua mau uhane ?*

No ka lepo mai ke kino o ke kanaka o Adamu, no kona aoao mai ke kino o ka wahine o Eva, nolaila mai i kukuluia'i e ke Akua ko laua mau kino, nana no i hana mai ko laua mau uhane a loko o ko laua mau kino.

4. *Mahea ko laua wahi i noho ai ?*

Ma ka mala i kanuia'i e ke Akua, o Edena ka inoa, i Asia, ko laua wahi i hoonohea'i e ka

Haku e malama laua i ka mala, a hewa laua, kipakuia'ku la laua iwaho.

5. Heaha ko laua mea i hewa ai ?

Eia ko laua mea i hewa ai, aole laua i malama i ka olelo a ke Akua.

6. Heaha ka olelo a ke Akua i malama ole ia'i e laua ?

Ua olelo mai la ke Akua ia laua peneia, 'E pono ke ai no olua i ka hua o na laau a pau loa o ka mala ; aka, o ka hua o ka laau i ikea'i ka pono a me ka hewa e ku ana iwaena konu o ka mala, mai ai ia, o make olua.'

7. Nawai i hoole i keia olelo a ke Akua ?

Na ka diabololo, ka moohooowalewale ; nana no i olelo aku ia Eva, 'Aole olua e make ; ua ike no ke Akua a i ka la a olua e ai ai ia hua, e kaakaa no ko olua mau maka, a e like olua me he akua la, e ike ana i ka pono a me ka hewa.'

8. Pehea aku la ka wahine o Eva ?

Manao aku la ka wahine, he hua maikai ia ke ai, he nani, he mea ia e makemakeia i mea e naauao ai, lalau iho oia i ka hua o ua laau la, ai iho la, a haawi aku la i kana kane, ai iho la no ia ; hewa pu iho la laua. I mai la Paulo, 'Ma ke kanaka hookahi i komo mai ka hewa i ke ao nei, a no ka hewa ka make, a ua kau mai ka make i na kanaka a pau, no ka mea, ua pau lakou i ka hana hewa.'

9. Aole anei laua i hookolokoloia e ke Akua ?

Ua hookolokolo koke ia no laua e ke Akua ; makau iho la laua i ka lohe ana i kona leo ;

hoino mai ke Akua i ka honua no ko laua hewa. I mai ia ia Adamu, "Me ka hou o kou lae e ai ai oe i ka ai, a hiki aku i kou wa e hoi hou aku ai i ka lepo, no ka mea, malaila oe i laweia mai; he lepo no oe, a e hoi hou ana oe i ka lepo."

10. *Aole anei i hai mai ke Akua i ke kalahala ia laua?*

Ua hai mai ke Akua ia laua i ka mamoa a ka wahine, i ka mea nana e paopao ke poo o ka moo hoowalewale; he kalahala ia e ola'i ka poe i paulele ia ia.

§ IV.

No ka make ana o Abela.

1. *Owai ka Adamu ma makahiapo?*

O Kaina, o ke kanaka mahiai.

2. *Owai kona kaikaina?*

O Abela, o ke kanaka hanai hipa.

3. *Owai ko laua mea i mohai aku ia Iehova i ka mohai maikai?*

O Abela ko laua mea i mohai aku ia Iehova i ka mohai maikai; no kona manaoio ana i ke Kalahala, i ke Keikihipa a ke Akua, ua mohai aku la ia i ka makahiapo o kana ohana hipa, nolaila i oi aku ai ka maikai o ka Abela mohai i ko Kaina.

4. *Heaha ka Kaina mohai?*

O ka mea ai o ka aina, ka Kaina mohai ana

i mohai aku ai, aole nae ma ka manaoio, aole hoi i makemakeia mai e ke Akua, no ka mea, aole e hiki ke hooluolu i ke Akua me ka manaoio ole.

5. *No ke aha la i huhu loa ai o Kaina ?*

No ko ke Akua maliiu ana mai i ko Abela mohai, aole hoi i kana, nolaila i huhu loa ai o Kaina, me ka inaina aku i kona kaikaina.

6. *No ke aha la o Kaina i pepehi aku ai ia Abela ?*

I mai la o Ioane, 'Pepehi aku la o Kaina ia Abela, no ka mea, ua pono ka ke kaikaina hana ana, a ua hewa kana.'

7. *U'ahaia o Kaina no kona hewa ?*

Ua hoobewaia iho la ia, a ua kipakuia'ku ia mai ke alo aku o kanaka, a ua hoailonaia iho la ia o pepehiia mai e kekahi kanaka.

8. *Pehea aku la o Kaina ?*

Auwe iho la ia i ke kaumaha o ka hoopai ana o kona hewa ; holo aku la ia i ka aina e malibini ai, o Noda ka inoa, a malaila ia i kuku ai i kulanakauhale, o Enoka ka inoa ; malaila i noho ai kana mau mamo a hiki mai ke kaiakahinalii.

§ V.

No ke kuanuan o Noa ma.

1. *Owai ka mea i haawiia mai e pam i ka kakahaka o Abela ?*

O Seta, o ke kanaka maikai, na Adamu laua o Eva ia i hanau, i ka makahiki hookahi haneri me kanakolu mai ka hookumu ana mai o ka honua.

2. *Na Seta ma owai, owai?*

Na Seta mai o Enoka, na Enoka o Kainana, na Kainana o Mahaleela, na Mahaleela o Iareda, na Iareda o Enoka, na Enoka o Metusala, na Metusala o Lameka, na Lameka o Noa.

3. *He nui anei na makahiki o Adamu ma, me keia mau kanaka?*

Ae; he nui no na makahiki o na kanaka ia pauku o ke ao nei, elua lau makahiki ko keka, hi, elua lau me na kanaha keu ko kekahi; eiwa haneri makahiki a me kanakolu ko Adamu; eiwa haneri me kanaonokumamaiwa ko Metusala mau makahiki, ua oi aku ia mamua o ko na kanaka a pau loa.

Heaha ko Enoka mea i oi ai?

O kona malama ana i ke Akua a me kona pomaikai ana. Ua hele pu oia me ke Akua, ua oluolu mai ia ia ia. I mai la o Paulo, 'No ka manaoio ua laweolaia'ku o Enoka i ike ole aku ia i ka make, aole ia i loohia, no ka mea, ua laweola'ku ke Akua ia ia.'

5. *Owai ka Noa mau keiki?*

O Sema, o Hama, o Iapeta, o ka Noa mau keiki ia.

6. *Pehea ka noho ana o kanaka ia manawa?*

Aole pono ka noho ana o kanaka ia manawa, ma ke kino ka nui, ma ka lealea; ua ai lakou, ua inu hoi, ua mare aku, ua mareia mai, ua

kuai aku, ua kuai mai, me ka manaoio ole i ke Akua.

§ VI.

No ke kaiakahinalii i ka wa ia Noa, 2348 makahiki mamua aku o ka Mesia.

1. *No ke aha la i manao ai ke Akua e luku mai i na kanaka o ke ao nei i ka wa ia Noa ?*

No ka nui o ka hewa o na kanaka a pau, o Noa wale no koe ; 'Ua ike iho la ke Akua he nui loa ka hewa o kanaka, ua pau i ka hewa io ka manao a ko lakou naau i kuka ai i kela la i keia la : nolaila ke Akua i manao ai e luku mai i na kanaka o ke ao nei i ke kaiakahinalii.

2. *Pehea la o Noa i pakele ai ?*

Ua ao mai ke Akua ia ia e hana i ka halelana nona. I mai la o Paulo, 'No ka manaoio, ua hoomakaukau o Noa i ka halelana e ola'i ia me ka poe o kona hale ;' pela hoi i pakele ai ia i ke kaiakahinalii, a me na mea a pau i komo pu iloko me ia.

3. *Ehia la makahiki a ke Akua i kali ai me ke ahonui a makaukau loa ka halelana ?*

Hookahi haneri makahiki me ka iwakalua i kali ai ke Akua me ke ahonui, i ka wa e hana'i o Noa i ka halelana me ka hoike aku i ka pono imua i ke alo o ko ke ao nei, a makaukau loa, i mai la ke Akua ia Noa, e komo iloko o ka

halelana, a me kana wahine, a me kana mau keiki ekolu, a me ka lakou mau wahine ekolu, a me kekahi mau holoholona, no ke kokoke loa ana mai o ka ua nui.

4. *Pehea ke ano a me ka nui o ka halelana ?*

Me he holowaa nui la ko lalo ; me he hale la ko luna ; ekolu haneri hailima* ka loa, kanalima hailima ka laula, kanakolu hailima ke kiekie, ekolu hoi ona papa, hookahi puka komo ma ka aoao, a me ka puka makani hookahi, a me na keena he nui loa.

5. *Pehea la ke Akua i lawe mai ai i ke kaikahinalii maluna o ka honua a pau loa ?*

No kona mana i ua mai ai ka ua nui hookahi kanaha la a me na po, a ua hui pu ia no ia me ka wai o ka moana nui, a me ka wai maloko o ka honua, ua hohonu ae la ka wai, a pau iho la na mauna kiekie i ka uhiia, umikunamalina hailima o ka hohonu o ka wai maluna o na mauna kiekie ; a ua hoolana ae la ka wai i ka halelana ; ola iho la o Noa ma, a me na holoholona, a me na manu, a me na mea kolo ka i komo pu me Noa i ka halelana ; aka, o na mea ola e ae a pau ma ka honua, ua papapau lakou i ka make.

6. *Mahea ka wahi i kau ai ka halelana i ka wa i emi ai ke kai ?*

Ma ka mauna ma Ararata, ma Asia i kau ai ka halelana o Noa i ka wa i emi ai ka wai.

* 800 kubita, ua like ia me 75 anana.

7. *Pehea ka loihi o ka noho ana o Noa ma iloko o ka halelana ?*

Hookahi makahiki a me ke anahulu i noho ai o Noa ma iloko o ka halelana no ke kaiakahinalii.

8. *A maloo ka honua, heaha iho la ?*

A maloo iho la ka honua, alaila puka mai lakou iwaho, hana iho la o Noa i lele, kauma-ha aku la i ka mohai i ke Akua, kau iho la ke Akua i ke anuenue ma ke ao, i hoailona no kona manao aole ia e luku hou i ko ke ao nei me ke kaiakahinalii.

§ VII.

No Babela, a me ke kahuli ana o ka olelo, a me ka laha ana o na kanaka.

1. *Mai a Noa mai anei ka laha ana mai o na kanaka a puni ka honua ?*

Ae ; ua laha mai na kanaka mai ia Noa mai a puni ka honua ; mai laila mai na lahui kanaka a pau e noho nei ma ka honua i keia manawa.

2. *Ua like anei ka olelo a kanaka a pau mahope iho o Noa ma ?*

Ae ; ua like no ; hookahi wale no olelo ; me ka leo hookahi, me ka lehelehe like ka olelo a ko ka honua a pau mahope iho o Noa ma.

3. *No ke aha la i like ole ai ka lakou olelo ma ia hope mai a hiki i keia manawa ?*

No ka manao kieke, no ko lakou manao e hana me ka pohaku ula i halepakui i kieke a hala loa i ka lani, i mea no lakou e kaulana ai, o hele liilii lakou maluna iho o ka honua.

4. *Ua oluolu mai anei ke Akua ia hana ?*

Aole. Nolaila ia i kahuli ai i ka lakou olelo i lohe ole kekahi i ka kekahi ; mai laila mai hoi ka like ole o ka na lahuikanaka olelo e nobo nei.

5. *Heaha ka inoa o ua hale pakui la ?*

Ua kapaia iho la ia o Babela, no ka mea, ua kahuliia ka lakou olelo, aole ko aku la ko lakou manao, haalele iho la lakou ia hana, a hele liilli ma ia wahi aku a ia wahi aku.

6. *Owai ka poe kanaka na Iapeta mai ?*

Na Iapeta o Gomera, a me Magoga, a me Madai, a me Iavana, a me Tubala, a me Meseke a me Tirasa ; o ka Iapeta mau keiki ia ; a o kana mau mamou, ua manaoia lakou o ko Media, a me ko Helene, a me ka nui o ko Europa a pau, a me ko Amerika.

7. *Owai ka poe kanaka na Hama mai ?*

Na Hama o Kusa, a me Mizeraima, a me Puka, a me Kanaana ; o ka Hama mau keiki no ia ; a o kana mau mamou o ko Aigupita, a me ko Kanaana mamua aku o Mose ma, a me ko Pilisetia, a me ko Aitiopa, a me ka nui o ko Aferika a pau ; a o kekahi moopuna ana o Nimeroda he kanaka ikaika nana no i hookumu ke kulanakanuhale nui o Babulona.

8. *Owai ka poe kanaka na Sema mai ?*

Na Sema o Elama, a me Asula, a me Are-

pakada, a me Luda, a me Arama ; o ka Sema mau keiki no ia, eia hoi kekahi mau moopuna ana ; na Arepakada o Sala, no Sala o Ebera, na Ebera o Pelega, na Pelega o Reu, na Reu o Seruga, na Seruga o Nahora, na Nahora o Tera, na Tera o Aberama i kapa hou ia ibo ai o Aberahama, na Aberahama o Isaaka a me Isemaela, na Isaaka o Iakoba a me Esau. A o kekahi mau mamo a Sema, o ka poe Iudaio me na Hebera a pau na Iseraela mai, a me ka poe Araba na Isemaela mai, a me ko Edoma na Esau mai ; a ua manaoia no hoi o ko Peresa kekahi, a me ko Asura a me ko Kaledaea, a me ko Suria, a me na miliona he nui loa o Asia, ma Inia, Benegale, Kiaina, Makao a me Iapana.

§ VIII.

No ke koho ana o ke Akua ia Aberahama, i ka makahiki 1921 mamua aku o ka Mesia.

1. *Ua koho mai ke Akua ia Aberahama i aha?*

Ua kōho māi ke Akua ia Aberahama i ohuana, i hookupaa ai i kona ekalesia ma ka honua, i ka wa i huli nui ai ko ke ao nei i ke kii.

2. *Mahea ko Aberahama wahi i noho ai, i ka wa o kona makuakane o Tera ?*

Aia ma ke kulanakauhale, ma Ura, o Mesopotamia ka aina, iwaena konu o Asia, a hele pu no ia me kona makuakane ma Harana, a

make aku la o Tera malaila, i ka makahiki kanahikukumamalima o Aberahama.

3. Heaha ka ke Akua kauoha ia Aberahama ma Mesopotamia?

Kauoha mai la ke Akua ia Aberahama ma Mesopotamia, peneia ; 'E hele aku oe mai kou aina aku, a mai kou poe hoahanau, a mai ka hale o kou makuakane aku a hiki i ka aina a'u e kuhikuhi aku ai ia oe, a e hoolilo au ia oe i lahuikanaka nui, a ia oe no e pomaikai ai na ohana a pau o ka honua.'

4. Ua lohe anei o Aberahama ia kauoha ?

Ae ; nolaila i hele aku ai i Kanaana : I mai la o Paulo, 'No ka manaoio i lohe ai o Aberahama, ia ia i kauohaia'i e hele aku i kahi e lilo mai ana i aina nona, a ua hele aku la no ia.'

5. Ua lilo koke mai anei o Kanaana i aina nona ?

Aole ; ua noho malihini o Aberahama ilaila, a loohia ka aina e ka wi nui, hele aku la no ia me kana wahine, me Sarai, i Aigupita, i ka aina o ka Mizeraima ; mai lilo hoi o Sarai ia Parao* i ko laila alii, aka, ua papa mai ke Akua ia ia. Alaila hoi mai laua ma Kanaana, e noho ai, i mai la ke Akua ia ia, 'E haawi aku ana au i keia aina i kau mau mamo, aka, e noho malihini aku lakou i ka aina e, a e hooinoa mai lakou e ko laila poe kamaaina eha haneri makahiki, alaila hoi pomaikai mai lakou.'

*O Parao ka inoa mau no ka poe Allii nui ma Aigupita i ka wa kahiko mai ia Aberahama a ia Solomona.

6. *'He keiki anei kana ia manawa ?*

Aole ana keiki, no ka mea, he pa o Sarai ia manawa, a kanaiwa ko Sarai mau makahiki, a kanaiwa hoi kumamaiwa ko Aberahama, kapa hou mai ke Akua ia Sarai, o Sara, alaila i mai la ia ia Aberahama, 'E hanau ana no o Sara i keiki pono i nāu, a e kapa aku oe i kona inoa o Isaaka ; a e hoopaa mau loa au i ka'u berita ia ia, a me kana mau mamo.'

§ IX.

No ka berita ia Aberahama, a me ke okipoepoe.

1. *Heaha ka ke Akua berita ia Aberahama ?*

O ka olelo ana mai o Iehova ia ia, peneia, 'E hele hemolele oe mamua o'u, a e lilo au i Akua non, a no kau keiki, a me kau mau mamo ; a e pau hoi na keiki kane a oukou i ke okipoepoeia ;' oia ka ke Akua berita ia Aberahama.

2. *Heaha ke okipoepoe ?*

He hoailona ia no ka pono o ka manaoio. Ua haawii mai no ia ia Aberahama i hoailona no kona manaoio i ka ke Akua olelo.

3. *Heaha ka olelo a Aberahama i manaoio aku ai, i hooponoia mai ai ia e ke Akua ?*

O ka olelo a Iehova ia ia i kona wa keiki ole, a elemakule nae, peneia, 'Mai loko mai oukou hooilina, a e like ana kau mau mamo me

na hoku o ka lani,' a manaoio iho la o Aberahama, he oiaio ; nolaila ia i hooponoia mai ai e ke Akua, a mahope iho okipoepoeia iho la ia i makua no ka poe a pau i manaoio i ke Akua.

4. *No ko ke Akua poe ohua a pau anei ke okipoepoe ?*

No ko ke Akua poe kanaka ke okipoepoe mai ia Aberahama a i ka Mesia, a ala hou ka Mesia, haawi mai oia i ka bapetiso e pani i ko laila hakahaka, i hoailona hoi no kona poe ohua manaoio, mai ka Mesia mai a hiki loa aku i ka hopena o ke ao nei.

§ X.

No ke kua ana o na'lii, a me ke pio ana o Lota.

1. *Nawai o Lota ?*

Na Harana, na ko Aberahama hoahanau.

Mahea ko Lota wahi i noho ai ?

Ma Kanaana ia i noho pu ai me Aberahama, a nui loa na holoholona a Aberahama, a nui no hoi ka Lota, hookaawale laua, a noho aku la o Lota ma ka papu ma Ioredane, kokoke ma Sodoma kahi o ka poe kolohe.

3. *Ua maluhia anei kona noho ana ilaila ?*

Aole maluhia ilaila, no ka mea, ua kua mai kekahi poe alii, o Kedorelaomera ma, i ko laila poe alii ; hee aku la o Bera ke alii o Sodoma,

a me Biresa ke alii o Gomora, a Sinaba ke alii o Adema, a me Semebera ke alii o Zeboima, a me ke alii o Zoara, a ua lawe pio ia'ku la o Lota e Kedorelaomera ma.

4. *Pehea la hoi ko Lota ola ana ?*

Lohe iho la o Aberahama i ko Lota pio ana, hahai aku la ia i ka poe lanakila me kana poe kauwa ekolu haneri me ka umikumamawalu, hele pu lakou me ka oi, a kua aku ia Kedorelaomera ma a lanakila, lawe ola mai la ia Lota, ua hoihoi mai hoi i ka waiwai pio a lakou i lawe aku ai.

5. *Ua lilo loa anei ka waiwai pio ia Aberahama ?*

Aole ona makemake ia waiwai, ua hoihoi ae la no ia i ka nui i ke alii o Sodoma, a o ka umi i ke kahuna.

6. *Pehea la i lanakila ai o Aberahama maluna iho o ka poe ikaika he nui ?*

No kona manaoio ia Iehova ko Aberahama ikaika ; ua kokua mai no ke Akua ia ia, ua aluia mai no ia e na kanaka ekolu, o Anera, Esekola, a me Mamere, pela no ia e lanakila ai, a ua hoomaikaiia no ia.

7. *Nawai i hoomaikai ia Aberahama i kona hoi ana mai mai ke kua mai ?*

Na kekahi kahunaalii, ke alii o Salema, o Melekizedeka kona inoa, ke alii pono, he kahunapule nui no ke Akua kiekie loa, (aole ona makua kahuna, aole ana keiki kahuna,) ua halawai no ia me Aberahama i kona hoi ana mai mai ke kua mai, lawe mai la ia i ka berena a me ka waina a hoomaikai iho la ia ia.

8. *A ola ke pio o Lota, mahea ia ia i hele ai?*
 Hoi hou aku la-no ia i Sodoma, i kahi ino, i waiwai no kona kino.

§ XI.

No ka pau ana o Sodoma a me Gomora i ka lukuia.

1. *No ke aha la i luku mai ai ke Akua i ko Sodoma a me Gomora?*

No ka nui, o ka lakou hana hewa ana, i luku mai ai ke Akua i ko Sodoma a me Gomora; i ike hoi na lahuikanaka i ko ke Akua manao paa loa e hoopai i ka hewa o ka poe hookuli.

2. *Ua make pu anei o Lota me ia poe hewa?*

Aole o Lota i make pu me ia poe hewa; ua pule aku la o Aberahama i ke Akua aole loa ia e luku mai i ka poe pono e like me ka poe hewa, a ma ka pololei wale no kana hana ana a ka Lunakanawai o ka honua a pau; ua lohe no ia i ka pule a kona ohua.

3. *Aole anei i pule aku o Aberahama i ke Akua e luku ole mai ia i ke kulanakauhale i Sodoma?*

Ua pule aku no o Aberahama i ke Akua i luku ole mai ia i ke kulanakauhale i Sodoma. Ina he umi ka poe pono iloko.

4. *Pehea mai ke Akua i ka Aberahama pule?*

I mai la ke Akua ia Aberahama, 'Ina e loaa ia'u na kanaka pono he umi, no lakou e

luku ole ai au ia kulanakauhale,' aole nae i loaa, a ua houna mai ke Akua i na anela elua e hai aku ia Lota e luku koke ia ana keia wahi, ua hookikina laua ia Lota ma e holo i kahi e ola'i.

5. *Ua lohe anei ka Lota mau hunonakane ?*

Aole ; ua hoomaloka ka Lota mau hunonakane, no ka lilo ma ka lealea.

6. *Iahaia ka Lota wahine ?*

Ua hooliloia ka Lota wahine i kia paakai, no kona lohe ole i ke kauoha a na anela, ua nana ae la ia i hope a make iho la, i ikea ai ka hewa o ka hoi hope ana ; nolaila o Iesu i olelo mai ai, 'E hoomanao i ka wahine a Lota.'

7. *Pehea ka make ana o ua mau kulanakauhale la ?*

A hiki aku la o Lota me na kaikamahine ana elua i Zoara, na Iehova i hoohaule mai ka luaipele, a me ke ahi, mai luna mai o ke ao, iluna pono o Sodoma a me Gomora, a pau iho la ko laila poe kanaka, a me na kauhale, a me ka aina, i ke ahi, pukoa ae la ka uwahi uluna.

8. *Ina i pau ka aina i ke ahi, heaha ko laila i keia manawa ?*

O ka Moanawaimake ko laila i keia manawa, ma ka aoao o Kanaana kahi o ua mau kulanakauhale la mamua.

§ XII.

No ka hanau ana o Isaaka, 1894 makahiki mamua o ka Mesia, a me ka hookuke ana ia Isemaela.

1. *A ike aku la o Aberahama i ka luku ana o Sodoma, aha iho la ia ?*

Hele aku la o Aberahama i Gerara i ka aina i Pilisetia, e pili ana ma ke Kaiwaenahonua, a mai lilo hou kana wahine i ko laila alii ia Abimeleka, no kana olelo ana, o kona kaiku-wahine ia.

2. *Ohea la ko Isaaka wahi i hanau ai ma ia hope iho ?*

Ma Gerara, ma Pilisetia, i ka wa i olelo mua ia mai ai e Iehova e hanau ai o Sara i ke keiki na Aberahama.

3. *Ehia ko Aberahama mau makahiki ia manawa ?*

Hookahi haneri ko Aberahama mau makahiki i ka manawa i hanau ai o Isaaka ke keiki pono i a ke Akua i hai mai ai ia ia mamua aku.

4. *Iahaia o Isemaela ke keiki a ke kauwa wahine a Sara i haawi aku ai ka Aberahama ?*

Ua hookuke pu ia'ku o Isemaela me kona makuwahine, me Hagara ; mai make ia ma ka nahahehele.

5. *No ke aha la i hookuke ai o Aberahama ia Isemaela i kana makahiapo ?*

No ka olelo ana mai a Iehova ia Aberahama e hookuke aku i ke kauwawahine a me kana keiki, aole e lilo ia i hooilina nona.

• 6. *Ua lilo o Isemaela i aha ?*

Ua lilo o Isemaela i kanaka pana pua, he kanaka hihii, he launa ole, noho no ia ma ka aina nahelehele ma Parana, oia no ka makua no ka poe Araba, he lahuikanaka nui, he launa ole i kanaka e, mai kela manawa a hiki i keia manawa.

§ XIII.

No ka hoao ana i ko Aberahama manaoio me ke kaumaha ana ia Isaaka.

1. *Pehea la i hoao mai ai ke Akua i ko Aberahama manaoio ?*

A nui ae la kana keiki punahele o Isaaka, a nui no hoi kona aloha a me kona olioli i ka hooilina a Iehova i haawi mai ai ia ia e pomai-kai ai na lahuikanaka a pau, alaila i mai la ke Akua ia Aberahama, 'E kaumaha mai oe ia Isaaka i mohaikuni.'

2. *Aole anei i kuihe o Aberahama i keia kauoha ?*

Aole kuihe o Aberahama i ke kauoha a ke Akua, hele no ia a kau aku la i kana keiki punahele maluna iho o ke kuahu, lalau hoi kona lima i ka pahi e pepehi ia ia, hooki koke mai la ka anela o ka Haku ia ia, no ka mea, na akaka loa kona manao paa e malama pono no i ka ke Akua olelo a pau. I mai la o Paulo, 'No ka manaoio i kaumaha aku ai o Abera-

hama ia Isaaka i kona manawa i hoaoia mai ai ; manao no ia e hiki i ke Akua ke hoala hou ia ia mai ka make mai.'

3. *No ke aha la i hoao mai ai ke Akua ia Aberahama pela ?*

Ua hoao mai ke Akua ia Aberahama pela no kona manao e hoakaka i ke ano o ka manaoio, i ike mai kona ekalesia a pau i ka pono o ka malama ana i kana olelo, a no kona makemake e hele na kanaka a pau ma na kapuwai o ka manaoio o Aberahama, a e lilo aku lakou i mamo nona, a e lilo mai hoi o Iehova i Akua no lakou.

4. *Ua hoopono mai anei ke Akua ia Aberahama no ka hoolohe ana i kona leo ?*

Ae ; ua olelo mai la ke Akua ia Aberahama, 'No ka mea, aole oe i aua mai i kau keiki pono, aka, ua hoolohe pono oe i ko'u leo, nolaila au e hoomaikai io aku ai ia oe, a e hoonui loa aku hoi i kau mau mamo e like me na hoku o ka lani ; a i kau mamo no e hoomaikaiia'i na lahuikanaka a pau o ka honua.'

5. *Heaha ke ano o ke kaumaha ana ia Isaaka ?*

He aka ia no ka mohai nui o ke Keiki a ke Akua i kaumahaia'i i kalahala no ko ke ao nei.

§ XIV.

No na keiki a Isaaka o Esau a me Iakoba.

1. *Owai ka wahine a Isaaka ?*

O Rebeka o ke kaikamahine a Betuela no



KA MOHAI ANA IA ISAACA.

Harana, ua haawiia mai ia e ke Akua i wahine na Isaaka, he pa ia, a ua noi aku o Isaaka ia Iehova nona, a ua hanau mai no ia i na mahoe, o Esau ke kaikuaana, a o Iakoba ke kaikaina, i ko Isaaka makahiki kanaono.

2. Heaha ko ka hanau mua pomaikai iwaena o ko Aberahama mau mamo ?

O ka palua ia ia o ka waiwai o kona makuakane, o ka hoolaa ana ia ia i Haku, oia ka luna o ka ohana, nona hoi ka hoomaikai ana o kona makuakane, no kana mau mamo hoi ka aina o Kanaana, a me ka hanau ana o ka Mesia.

3 Pehea la i lilo ai ia pomaikai ia Iakoba i ke kaikaina ?

I ka hoowahawaha ana o Esau i kona pomaikai, i kona pololi ana, kuai lilo laua me Iakoba, lilo aku kona pomaikai ia Iakoba, lilo mai hoi ka ai a Iakoba ia Esau : a elemakule o Isaaka, ua po na maka ona, manao iho la ia e hoomaikai aku ia Esau, aka ua kii e mai o Iakoba me ka maalea, no ka Rebeka olelo ia ia, loa ia ia ka hoomaikai ana o kona makuakane.

4. Pehea iho la o Esau ?

Ike iho la ia i ka lilo ana o ka pomaikai ana i hoohemahema ai mamua, a me ka maalea ana o kona kaikaina, uwe nui iho la me ka huhu, manao iho la e pepehi ia Iakoba a make.

5. Pehea la i pakele ai o Iakoba ?

Holo aku la ia i Padanarama, a noho iho la me Labana, me ke kaikunane o kona makuwahine, na ke Akua hoi oia i hoopomaikai.

6. *Heaha kana hana ilaila ?*

Ua hooikaika aku la oia mahope o Labana, i na makahiki ehiku i loa ia ia kana kaikamahine o Rahela i wahine nana.

7. *A pau na makahiki ehiku, pehea iho la o Labana ?*

Ua haawi malu mai la o Labana ia Lea i ke kaikuaana i wahine na Iakoba, a olelo iho la ia, 'Aole pono ke haawi mua ke kaikaina, e haawi hou aku no i ke kaikaina nau no na makahiki ehiku au e hana hou mai ai me a'u.'

8. *Owai ka Iakoba mau keiki ?*

O Reubena, o Simeona, a me Levi, a me Iuda, a me Isekara, a me Zebulona, a me ke kaikamahine o Dina, na Lea lakou i hanau mai : a o Iosepa a me Beniamina, na Rahela i hanau mai ; a o Dana, a me Napetali, na Bileha ke kauwawahine a Rahela i hanau mai ; a o Gada, a me Asera, na Zilepa ke kauwawahine a Lea i hanau mai.

9. *Ehia mau makahiki i noho pu ai o Iakoba me Labana ?*

He iwakalua makahiki e noho pu ai o Iakoba me Labana, he umikumamaha no kana mau kaikamahine, eono no na holoholona ; alaila olelo mai la ke Akua ia ia, 'E hoi oe i ka aina o kou mau makua, a i kou mau hoahanau, a owau pu kekahi me oe,' hoi aku la no ia me ka weliweli i ka huhu o kona kaikuaana.

10. *Pehea la oia i hoolaulea ai ia Esau ?*

Peneia ; ua hoouna aku la oia i na elele io na la, aole hoi ia i aloha mai ; hoi mai na

elele, i mai la, 'E hele mai ana no Esau me na kanaka hookahi lau ;' makau loa iho la o Iakoba, pule aku la ia ia Iehova e malama pono mai ; a i kana pule mehameha ana, ha-koko mai la kekahi anela me ia, a kapa hou iho la oia i ko Iakoba inoa o Iseraela, no kona lanakila ana, a ua hoomaikai mai la oia ia ia ; alaila haawi aku la o Iakoba na Esau i na holoholona hookahi lau a me na kanaha keu ehi-ku, o na kao, o na hipa, o na kamelo, o na pipi, a me na hoki ; a ike aku la ia Esau, kudu iho la oia mamua ona.

11. *Ua launa mai anei o Esau ia ia ?*

Ae ; ua holo mai no o Esau me ka oluolu, honi mai la ia Iakoba me ke aloha, uwe pu iho la laua a hoi malie aku la o Esau i kona aina i Seira ; a mahope mai, make aku la o Isaaka, na Esau laua o Iakoba i kanu iho ia ia.

§ XV.

No Iosepa a me kona poe hoahanau.

1. *Owai ke keiki punahele a Iakoba ?*

O Iosepa ke keiki punahele a Iakoba, ua oi aku ko Iseraela aloha ia Iosepa mamua o kana mau keiki a pau, aka, ua inaina lakou ia ia.

2. *No ke aha la i huhu ai ko Iosepa mau hoahanau ia ia ?*

No kona punahele ana i ko lakou makua-

kane, a no kana mau moe i ka uhane kekahi, i huhu ai ko Iosepa mau hoahanau ia ia.

3. *Heaha ke ano o kana moe i huhu ai lakou?*

O kena lilo ana i haku no lakou, oia ke ano a lakou i huhu ai, no ka mea, ua ike oia i ke kulou ana mai o ka lakou mau pua i kana, a o ke kulou ana mai ia ia o ka la, a me ka mahina, a me na hoku he umikumamakahi.

4. *He mea oiaio anei ka moe i ka uhane?*

Ae; he mea oiaio no kekahi moe i ka uhane, i ka wa kahiko; pela i hoakaka mai ai ke Akua i kona manao i na kanaka, i kekahi manawa aole i kakauia kana olelo a pau iloko o ka palapala hemolele e like me neia manawa.

5. *Heaha iho la ka ka poe hoahanau o Iosepa i hana aku ai ia ia?*

Ua manao lakou e pepehi ia ia, ua hoolei lakou ia ia ilalo i ka lua, ma Dotana, a mahope iho, kuai aku la lakou i lilo aku ia i kauwa na kekahi mau mamo a Isemaela e hele ana i Aigupita.

6. *A lilo o Iosepa i ka Isemaela u'aha iho la oia?*

Ua laweia'ku la i Aigupita a ua kuai hou ia'ku la oia ia Potipera i ka lunakoa o Parao, a ua hooliloia i puuku nona no kona malama ana i ka pono.

7. *Pehea la ko Iosepa mau hoahanau i huna'i i ko lakou hewa, i ko lakou makuakane?*

Kupenu iho la lakou i ko Iosepa kapa i ke koko o ke kao keiki, a hoike aku la ia i ko lakou makuakane, manao iho la oia ua make kana keiki punahele i ka holoholona hae.

8. *Aole anei i hoowalewale nui ia o Iosepa ma Aigupita e hana hewa?*

Ua hoowalewale nui ia o Iosepa e ka wahine a Potipera ; ua hoochune mai la ua wahine ia ia ia e moe kolohe.

9. *Ua lilo anei o Iosepa ma ka hewa, no kona hoowalewaleia mai?*

Aole o Iosepa i lilo ma ka hewa no kona hoowalewaleia mai, ua ike no oia i ko ke Akua makemake, a ua kupaa iho la oia malaila, i aku la oia, 'Pehea la wau e hana'i i keia hewa nui, a e kolohe aku i ke Akua?'

10. *Aole anei i huhu ka wahine a Potipera i kona kupaa ana?*

Ua huhu iho la ka wahine a Potipera ia Iosepa i kona kupaa ana, ahiahi aku la me ka hoomake hewa ia ia, puni iho la kana kane ia ia, a nana no i hahao hewa ia Iosepa ileko o ka halepaahao, a loihi kona noho ana malaila ; aka, o ke Akua kekahi me ia.

11. *Pehea la o Iosepa i hemo ai iwaho o ka halepaahao?*

No kona malama ana ma ka pono a me ka naauao, ua lilo ia i luna no ka poe pio iloko o ua halepaahao la, a ua hai aku ia i ke ano o ka moe i ka uhane a kekahi mau luna a Parao i paa ilaila, a make iho la kekahi, a ola hoi kekahi e like me kana olelo ; a pau ae la na makahiki elua moe iho la o Parao i ka uhane, a lohe oia ia Iosepa, kii aku la ia ia e hemo mai iwaho o ka halepaahao hoike mai ia ia i ke ano o kana mau moe.

12. *Heaha ke ano o ka Parao mau moe a Iosepa i hoakaka ai ?*

O na pipi maikai ehiku a Parao i ike ai i kana moe, o na makahiki ai ia ehiku, a ua like no me ia na opuu palaoa maikai ; a o na pipi wiwi loa ehiku, a me na opuu palaoa io ole, ehiku a Parao i ike ai, o na makahiki wi ia ehiku, aole e ulu pono ka ai ; nolaila i ao aku o Iosepa ia Parao e malama pono i ka ai o na makahiki ai ehiku

13. *Ua manao anei o Parao he pololei ka Iosepa olelo ?*

Ae ; ua lohe no Parao i ka Iosepa olelo, a ua hoolilo oia ia ia i alii malalo iho ona, nana no i hoahu ka ai a nui loa, ma Aigupita, i na makahiki ai ehiku, a hiki mai na makahiki wi i ulu ole ai ka ai, ua lako loa o Iosepa ma, i ka nui o ka ai.

14. *Ua wi iho la ka aina o Kanaana ia manawa, kahi i noho ai o Iakoba, a me ko Iosepa mau hoahanau ?*

Ae ; ua wi loa iho o Kanaana, a ua hoouna aku la o Iakoba i na keiki ana he umi e hele i Aigupita e kuai i ai na lakou o make lakou a pau i ka ai ole, kulou iho la lakou imua o Iosepa e like me ke ano o kana moe.

15. *Ua ike anei kona mau hoahanau ia ia ?*

Aole i ike ko Iosepa mau hoahanau ia ia, manao lakou ua make o Iosepa, u'alii ka hoi ia, ua ike no nae oia ia lakou, a ua olelo paki-ke aku ia lakou, a i ka lua o ko lakou hele ana ilaila, hoike mai la o Iosepa ia ia iho, i kona

poe hoahanau me ke aloha, a me ka olelo loko-
maikai ia lakou.

16. *Heaha ka Iosepa olelo lokomaikai i kona
poe hoahanau?*

I aku la o Iosepa i kona poe hoahanau,
'Owau no o Iosepa, ko oukou hoahanau, ka
mea a oukou i kuai ai e lilo ma Aigupita ; mai
huhu hoi oukou ia oukou iho no ko oukou kuai
ana ia'u, no ka mea, na ke Akua wau i hoouna
mai ia nei, mamua o oukou, i mea hoola ia
oukou a me ka oukou mau mamo. E hoi koke
oukou i ko'u makuakane e olelo aku ia ia, Pe-
nei ka olelo a kau keiki a Iosepa, ua hoolilo
ke Akua ia'u i haku maluna o Aigupita a pau ;
e hele mai oe io'u nei a e noho mai oe ma Go-
sena me kau mau keiki a me kau mau moopu-
na, a malaila hoi au e hanai aku ai ia oukou.'

§ XVI.

No ka hele ana o Iseraela ma i Aigupita, 1706 maka-
hiki mamua aku o ka Mesia.

1. *Ua lohe anei o Iakoba i ka olelo a Iosepa e
hele i Aigupita?*

Pihoihoi iho la o Iakoba i ka olelo a Iosepa,
ua hele no ia me ka hoomana i ka Haku ; a
hoomaopopo mai ke Akua i kona manao ia ia,
i mai la,, 'Owau no ke Akua, ke Akua o kou
makua ; mai makau oe ke hele ilalo i Aigupi-

ta, no ka mea, e hoolilo au ia oe i lahuikanaka nui malaila ; owau kekahi e hcle pu me oe i Aigupita, a e hoihoi hou mai no ia oe.'

2. *Ehia o Iakoba ma ia manawa?*

He kánahiku lakou o Iakoba ma, me kana mau keiki, a me kana mau moopuna, i ko lakou wa i hiki ai i Aigupita, a mahope iho, le hulehu loa.

3. *Ma ka aina hea i noho ai lakou iloko o Aigupita?*

Ma Gosená lakou i noho ai, kahi e halawai ai o Iosepa me kona makuakane me ke aloha nui, malaila hoi ia i hanai ai ia lakou, no ka mea, he aina maikai ia, a he mau mea hanai holoholona kona poe hoahanau, ua pono no ia i ka manao o ke Alii o Parao.

§ XVII.

No ka make ana o Iakoba, a me Iosepa.

1. *Ehia makahiki o Iakoba?*

Hookahi haneri makahiki o Iakoba a me kanakolu, i kona wa i halawai ai me Parao ; umikumamahiku makahiki o kona noho ana ma Aigupita, a o kona mau makahiki a pau loa, hookahi haneri me kanahakumamahiku, alaila, huipu ia me kona mau makua.

2. *A i kona make ana, pehea kana olelo?*

A i ko Iakoba make ana, hoomaikai iho la

ia no ka manaoio, i na keiki elua a Iosepa, o Menase a me Eperaima, ua kauoha iho la i kona mau iwi ia Iosepa ; hoike iho la i kana wanana no kana mau keiki a pau, no ka mea e hiki mai ana ia lakou i na la aku mahope.

3. *A make iho la o Iakoba, pehea la o Iosepa e me kona poe hoahanau ?*

A make iho la Iakoba, lawe nui aku la o Iosepa ma me kona poe hoahanau ia ia i Kanaana, waiho aku la lakou ia ia maloko o ke ana o Makepela, i ka aina a Aberahama i kuai ai i na keiki a Heta, kahi i waiho ai o Aberahama, a me kana wahine o Sara, o Isaaka a me kana wahine o Rebeka, a me Lea.

4. *A hoi pu lakou i Aigupita, pehea iho la lakou ?*

Nonoi aku la ko Iosepa mau hoahanau me ka weliweli ia ia, e kala mai i ko lakou hewa ; i mai la o Iosepa, 'Mai makau oukou ; ua manao oukou e hana ino mai ia'u, aka, ua manao ke Akua e hoolilo ia i mea e pono ai.' Pela i olelo ai o Asapa i ka Haku ma ka buke Halelu, 'Oiaio, o ka huhu o kanaka, e hoolea aku ia ia oe ; A o ke koena o ka huhu, o kau ia e komi iho ai.'

5. *Pehea lakou mahope iho, a hiki i ko Iosepa make ana ?*

Noho no lakou ma Aigupita, malama pono no o Iosepa i kona poe hoahanau, a hiki i kona makahiki hookahi haneri a me ka umi keu, i aku la oia ia lakou, 'Ua make au, a e ike mai no ke Akua ia oukou, a e lawe aku ia oukou mai keia aina aku a hiki i ka aina ana i hoohi-

ki ai ia Aberahama, a me Isaaka, a me Iakoba, a e lawe pu aku oukou i ko'u mau iwi.' Make iho la ia, ialoa lakou ia ia, a waiho iho la lakou ia ia iloko o ka pahu.

§ XVIII.

No Ioba, no ke kanaka ahonui i lauwikiia e Satana i ka makahiki 1550 paha mamua aku o ka Mesia.

1. *Ohea kahi i noho ai o Ioba?*

O ka aina o Uza ma ka hikina, kahi i noho ai o Ioba ma Asia. Ua manaoia no hoi oia he mamo na Uza ke keiki a Nahora, ko Aberahama hoahanau.

2. *Heaha ko Ioba ano?*

He kanaka kupono o Ioba, me ke ahonui loa, ua weliweli no ia i ke Akua me ke kinai i ka hewa, ua pule no ia i kela la i keia la, he lunakanawai hoopono, he lokomaikai, he nui no kona waiwai.

3. *Heaha kona waiwai?*

Ehiku tausani hipa ana, ekolu tausani kamelo, elima haneri kaulua pipi kauo, elima haneri hoki wahine; oia ka pookela o kanaka ma ka hikina, he nui no kana mau kauwa a me na keiki.

4. *Ehia ana keiki?*

Ehiku keiki kane, ekolu kaikamahine, umi na keiki a Ioba.

5 *Pehea la i pau ai ko Ioba waiwai a me kana mau keiki?*

No ka huhu hala ole ia ia o Satana ka enemi nui i pau ai ko Ioba waiwai, a me kana mau keiki he umi, no ka mea, ua ae mai ke Akua pela.

6. *No ke aha la i ae mai ai ke Akua i lilo hewa ai ka Ioba i ka mea kolohe wale?*

I ikeia pono ia ke kupaa o Ioba, e like me Iosepa i kona wa i hoowalewaleia mai ai; a i nui ae hoi kona manao i ka waiwai oluna.

7. *A lilo ka waiwai, a me na keiki a Ioba i ka la hookahi, pehea iho la ia?*

A lohe pono o Ioba i ka lilo ana o kana mea a pau, i iho la ia, 'Na Iehova i haawi mai, na Iehova no hoi i lawe aku, a e hoomaikaiia 'ku ka inoa o Iehova.'

8. *Aole anei i kolohe hou mai o Satana ia Ioba?*

Kolohe hou mai no o Satana ia Ioba, a i kekahi la i hele mai ai na keiki a ke Akua e hoike ia lakou iho imua i ke alo o Iehova, o Satana kekahi i hele pu mai me lakou mai kana holoholo ana maomao o ka honua.

9. *Pehea mai ka Haku ia Satana i kona hele pu ana mai me na anela maikai?*

Ninau mai la ka Haku ia Satana, 'Ua manao anei oe i ka'u kauwa ia Ioba, aohe ona lua ma ka honua, he kanaka hemolele, he kupono loa, he weliweli i ke Akua me ke kinai i ka hewa? Ua koi mai oe ia'u e luku hala ole ia ia, aka, ua hoopaa no ia i kona pono.'

10. *Pehea aku la o Satana i kona aki ana ia Ioba, a me ka pue ana ia ia e hewa?*

I aku la o Satana i ka Haku, 'E kikoo oe i kou lima e hoopaa iho i kona iwi a me kona io, alaila, e kuamuamu mai no ia ia oe ma kou alo ;' a o ka haawi ana mai o ka Haku, pepehi iho la o Satana ia Ioba i ka mai hehe eha loa, mai lalo o kona manea wawae a hala loa iluna a ka piko o kona poo.

11. *A eha loa o Ioba i ka mai hehe, me ka hoomanawanui loa, pehea iho la kana wahine ?*

A hoomanawanui iho la o Ioba i ka eha loa, hoowalewale mai la kana wahine ia ia e hana hewa, i maila, 'Ua hoopaa anei oe i kou pono ? e aho e kuamuamu aku i ke Akua, a make iho.'

12. *Heaha ka Ioba olelo i kana wahine ?*

I aku la o Ioba i kana wahine, 'Ua like kau olelo me ka ka wahine lapuwale ; ea, o ka pono wale no ke loa ia kakou ma ka lima o ka Haku, aole anei o ka ino kekahi ?'

13. *Pehea kona mau makamaka ?*

Hoopaapaa mai la kana mau makamaka ekolu o Elipaza, o Biledada, a me Zopara, manao lakou i hookamani oia, hoole iho la o Ioba ; a ua ao pono mai o Elihu ia lakou.

14. *A hoihe pono mai ke Akua i kona mana a me kona maikai, pehea ka Ioba olelo ia ia ?*

I aku la o Ioba i ke Akua, 'Ua lohe au ia oe, i ka lono ana o ka pepeiao, aka hoi ano la, ua ike aku ko'u maka ia oe, nolaila au e hoowahawaha ai ia'u iho, ma ka mihi hoi maloko o ka lepo a me ka lehu.'

15. *Ua pomakai hou anei o Ioba mahope iho o kona poino ana ?*

Ae ; ua nui loa ko Ioba pomaikai mahope

iho o kona poino ana ; no ka mea, ua lanakila ka lokomaikai o ka Haku maluna o ka huhu o ka diabololo ; a ua hoomaikai mai ke Akua ia Ioba. Umikumamaha tansani hipa ana, aono tausani kamelo, hookahi tausani kaulua pipi kauo, hookahi tausani hoki wahine. Ehiku hoi ana keikikane, ekolu hoi kaikamahine mai-kai. Hookahi haneri makahiki a me kanaha ana i noho pomaikai ai, alaila, pomaikai loa aku la kona uhane i ke ola loa.

16. *Ua kolohe mau mai anei ka diabololo i ko ke ao nei ?*

Ae ; ua kolohe mau mai no ka diabololo i ka poe pono a me ka poe hewa, ua niania oia i na hoahanau, ua hoopunipuni, ua lulu i ka hua ino, ua hoowalewale no : a o ka poe manaoio ole wale no ka i lilo loa ia ia. I mai la o Petero, 'E noho malie, e makaala, no ka mea, ua kaahela ko oukou enemy ka diabololo, me he liona hae la, e imi ana i ka poe e pau ia ia.

17. *Aole anei he pono ke hoomanawanui a me ke kinai i ka hana hewa a ka enemy ?*

He pono no ke hoomanawanui a me ke kinai i ka hana hewa a ka enemy, e like me Iosepa, a me Ioba, a me Iesu ; ua hele mai ka Mesia e kinai i ka hana a Satana. I mai la o Iakobo ka lunaolelo, 'E hoomanawanui oukou, e hookupaa i ko oukou naau, ua kokoke mai ka hiki ana mai o ka Haku ; ua manao kakou, o ka poe ahonui ka pomaikai ; ua lohe oukou i ka hoomanawanui ana o Ioba, a ua ike hoi oukou i ko ka Haku hope, he ahonui loa ka 'ku, he lokomaikai wale.'

§ XIX.

No ka luhi hewa o ka mamo a Iseraela ma Aigupita, a me ka loa ana o ke kaula no lakou o Mose.

1. *A make na keiki a Iseraela ma Aigupita pehea ka noho ana o kana mau mamo ilaila ?*

A make o Iosepa ma me kona poe hoahana, ua hooluhihewaia iho la na mamo a Iseraela ma Aigupita i ke aupuni o kekahi alii i ike ole ia Iosepa, aka, ua hoonui ke Akua ia lakou a lehulehu loa. Nolaila i hoohana ai o Parao ia lakou, a komikomi iho ai ia lakou i ko lakou ikaika nui ana'e, a kauoha aku la e pepehi i ka lakou mau keikikane a pau i hanau mai, aole nae lakou i emi iki, ua mahuahua mau ae no hoi lakou a loa ia lakou ke kaula nui.

2. *Owai ke kaula nui i hanau ia wa e pakele ai ka Iseraela i ka lima o ko Aigupita ?*

O Mose, kahi keiki maikai, ke kaula nui i hanau ia manawa, i mea e pakele ai ka Iseraela i ka lima o ko Aigupita poe hookano.

3. *Pehea la o Mose i pakele ai i ka make a Parao i hooili ai maluna o na keikikane ?*

No ka manaoio i huna ai kona makuwahine ia ia i na mahina ekolu, alaila, waiho aku la oia ia ia ma ka waakome, ma ka muliwai, hele ae la ke kaikamahine a Parao i ka auau ilaila, loa iho la o Mose ia ia, lilo oia i keiki hookama nana, a ua kii aku la o Miriama i ko laua makuwahine e hanai ia ia nona; noho



O KA LOAA ANA O MOSE.

pomaikai no ia me he keiki la na ke Alii i na makahiki hookahi kanaha, me ke akamai loa i na palapala a pau o Aigupita.

4. *Ua ike anei o Mose me ke aloha i ka luhi hewa o kona poe hoahanau ?*

Ae, ua ike no o Mose i ka luhi hewa o kona poe hoahanau, ua aloha no oia ia lakou ; no ka manaoio i haalele ai oia ia Parao ma, a hele pu me ko ke Akua poe kanaka e hooponopono ia lakou ; a i ka pepehi ana o ko Aigupita kanaka i ka Hebera, pepehi iho la o Mose ia ia.

5. *A lohe o Parao i ko Mose hoopai ana i ka hewa o kona kanaka, pehea iho la laua ?*

A lohe o Parao i ko Mose pepehi ana i kona kanaka, manao iho la ia e make o Mose ia ia ; holo aku la o Mose i Midiana, noho pu iho la malaila me Ietero, a make o Parao, a lilo ae la ke aupuni o Aigupita i kekahi Alii hou, o Parao no kona inoa.

6. *Heaha kona ano a me kana hana ana ?*

He alii hoohanohano no ia, ua paakiki loa kona naau ; ua hooluhi hewa hou iho la oia i na mamo a Iseraela, aole nae ia i lohe i ka ke Akua olelo, ua hoounauna oia i ka poe Hebera i kela hana, i keia hana, a kaumaha loa lakou.

7. *No ke aha la i hooku ai ke Akua ia Parao i alii nui i kona manao ole ma ka pono ?*

Ua hooku ke Akua ia Parao i alii nui, i ikea pono ia'i ko ke Akua mana i kana mau hana kupaianaha i ko Aigupita, a i hookaulana nui ia'i kona inoa ma ka honua a pau, i ka hoopa-

kele ana i kona poe kanaka, a i kona luku ana ia Parao ma me na koa ona maloko o ke Kai-ula, no ko lakou hoomaau ana a me ko lakou hookuli ana.

§ XX.

No ka malihini ana o Mose ma Midiana, 1538 makahi-
ki mamua aku o ka Mesia.

1. *Owai ko Mose mau makua ?*

O Amerama ka pua a Levi, oia ko Mose, makuakane, o Iokobeka kona makuahine.

2. *Owai ka Mose wahine ?*

O Zipora ka Mose wahine, ke kaikamahine a Ietero, ke kahuna ma Midiana.

3. *Heaha ka inoa a Mose i kapa iho ai i kana hiapokane ?*

Ua kapa iho la o Mose i ka inoa o kana hiapokane o Geresoma, no ka mea, ua malihini o Mose ma ia aina e.

4. *A kilo o Mose i malihini ma Midiana, hea-
ha kana hana ilaila ?*

Malama aku la i na holoholona a kona makuahonowaikane, a ua alakai aku la oia ia lakou ma ka mauna o ke Akua, ma Horeba.

5. *Heaha ka mea kupanaha a Mose i ike ai
ma Horeba ?*

Ua ikea ka Haku ia ia iloko o ka lala laau e lapalapaia'na e ke ahi, aole nae i pau ka laau.

6. *No ke aha la i kapaia iho ai ka Haku, he Anela no Iehova ?*

No ka mea, o ka Mesia paha ia, o ka mea a ka Makua i hoouna mai ai, ua kapaia iho la ia he Anela, he elele, he mea e hoounaia, aole nae i hanau kona kino kanaka ia manawa.

7. *Heaha ka ka Haku mea i hoike mai ai ia ia iho ia Mose ma ka lalalaau, i lapalapaia e ke ahi?*

Ua hoike mai la ka Haku ia ia iho ia Mose i ka lala laau, i lapalapaia e ke ahi, e hooikai-ka i ko Mose naau, a e kauoha mai ia ia e hoi aku i Aigupita, io Parao la, e i aku ia ia e kuu mai i ka Iseraela, a e hana aku hoi i na hana mana imua i kona alo, a e alakai mai hoi i ko ke Akua poe kanaka iwaho o Aigupita.

8. *Heaha ka hoailona a ka Haku i haawi mai ai ia Mose i manaoio ai o ka Iseraela ia ia ?*

Ua hoolilo iho la ka Haku i ko Mose kookoo i naheka [i moo-omole] a i ka olelo a ka Haku, lalau iho la Mose ma kona huelo, lilo hou ae la ia i kookoo iloko o kona lima. I mai la ka Haku, e hoolei i ke kookoo imua i ke alo o Parao, a e lilo no ia i naheka.

9. *Ua ae anei o Mose i ka ka Haku kauoha ia ia e hoi i Aigupita e hana i kana hana malaila ?*

Ae ; ua ae aku no o Mose i ke kauoha a ka Haku i kauoha mai ai ia ia, aia i hoomaopopo mai ka Haku i hoalawehana nona.

10. *Owai ko Mose hoalawehana a ka Haku i hoomaopopo mai ai nona ?*

O Aarona, o kona kaikuaana, oia ko Mose hoalawehana i keia mau hana nui a ka Haku i haawi mai ai ia laua.

11. *Aole anei i hoi mua o Mose ia Ietero ?*

Ua hoi mua no o Mose ia Ietero, e uwe aku ia ia, a e hoomakaukau hoi i kana wahine, me kana mau keiki, e hoi pu me ia i Aigupita ; i mai la o Ietero ia ia, 'E hoi oe me ka maluhia.'

§ XXI.

No ka hoi ana o Mose a me ka mea e poino ai o Parao ma, 1491 makahiki mamua aku o ka Mesia.

1. *A i ka hoi ana o Mose i Aigupita, mahea la oia i halawai ai me Aarona ?*

Ma ka mauna o ke Akua, o Sinai kekahi inoa, o Horeba kekahi inoa, kokoke no ma ke kai e moe ana iwaena o Asia a me Aferika, o ke Kaiula ka inoa.

2. *A hele pu o Mose laua o Aarona io Parao la, heaha ka laua olelo ia ia ?*

Ua hoakaka mua laua i ka Iseraela i ko ke Akua manao, alaila, i aku la Mose ma ia Parao, 'Ke i mai nei o Iehova ke Akua o Iseraela, e kuu mai oe i ko'u poe kanaka.'

3. *Pehea mai o Parao i ka laua olelo ?*

I mai o Parao, 'Owai la o Iehova, i hoolohe ai au i kona leo ? Aole au i ike ia Iehova ; aole au e kuu aku ia Iseraela.' Hoohana nui ae la oia ia lakou i ka hana i ka pohakuula, aole nae i haawi aku i ka mauu e pono ai, a hiki mai maluna ona ka mea e poino ai ko Aigupita a pau.

4. *Heaha na hana mana a ka lima o Mose i hana ai i poino ai ko Aigupita ?*

O ka hoolilo ana i ka wai o Aigupita i koko, a o ka hoopihā ana i ka aina i na rana, [na moolelele,] a me na uku, a me na makika, a o ke ahulau ana o ka holoholona, a o ka puu-puu pēhu o na kanaka, o ka huahekili, o na uhini, a o ka pouli ano e i na la ekolu, a me ka make ana o na hiapo a ko Aigupita a pau ; oia na mea i poino ai o Parao ma a me ko Aigupita a pau ; ua hoopaaiki loa no nae o Parao i kona naau.

§ XXII.

No ka Moliaola a ka poe Hebera.

1. *Ua poino pu anei ka poe Hebera me ko Aigupita i na mea i poino ai o Parao ma ?*

Aole poino pu ka poe Hebera me ko Aigupita ia mau mea i poino ai o Parao ma, no ka mea, ua malama mai ke Akua i kona poe kanaka, a ua hoopai i ka hewa o kona enemi.

2. *Heaha ka ahaaina i loa i ka Iseraela i ka wa i ola'i ka lakou hiapo, a make ko Aigupita ?*

O ka ahaaina o ka mohai moliaola, he mea i hoomanao ai ke ola ana o ka lakou poe hiapo iloko o na hale i kapipiia na hoakakea i ke koko o ka hipakeiki, i mohaiia'ku i ke Akua a aiia'i, a he mea ia e malamaia i kela makahiki

i keia makahiki no ko ke Akua hoola ana ia lakou mai ka hooluhihewa ana mai o Aigupita.

3. *Heaha ke ano o ka moliaola ?*

O ke keikihipa i kaumahaia'ku ai no ka moliaola, he aka ia no ka Mohai nui, i kapaia'i o ke Keikihipa a ke Akua, no ka mea, oia ka Alana maoli i kaumahaia'ku ai e ola'i ka poe a pau i manaoio aku i kona koko. I mai la o Paulo, 'O Kristo o ko kakou Moliaola ka i kaumahaia'e la no kakou.'

4. *A pau ia aka, heaha ka mea i pani i ka hakahaka o ia ahaaina moliaola ?*

A pau ke aka o ka moliaola a ka poe Hebera, haawi mai la o Iesu i ka Ahaaina a ka Haku e pani i kolaila hakahaka, i hoailona hoi no kona kino, a me kona koko ; oia ka ahaaina mau no kona ekalesia.

§ XXIII.

No ka puka ana o ka Iseraela a me ka make ana o Parao ma i ke kai, 1491 makahiki mamua aku o ka Mesia.

1. *Heaha ka mea a Parao i kuu ai i ka Iseraela mahope iho o kona hookuli loa ana i ka nui o na mea i poino ai ?*

O ka umi o na mea i poino ai, o ka make ana o na hiapo, oia ka mea i kuu ai o Parao i ka Iseraela ; ua hala ka iwa, ua hookuli no ia,

a ike iho la ia ua make na hiapo a pau iloko o ko lakou hale a pau, alaila, i aku la o Parao i Mose ma, 'E ku iluna, e hele aku oukou mai loko aku o ko'u poe kanaka, olua, a me na mamopu a Iseraela; a ua hookikina ko Aigupita ia lakou e hele aku mai ka aina aku; i iho la lakou, 'Ua pau makou i ka make.'

2. *Ua pomaikai anei ka hele ana o ka Iseraela mai Aigupita mai?*

Ae; ua pomaikai no ka hele ana o ka Iseraela mai Aigupita mai; ua ko iho la ka ke Akua olelo mua ia Aberahama hookahi lau makahiki a me kanakolu mamua aku o ua puka ana la, a ua noi lakou i ko Aigupita waiwai a ua loa nui mai; ua hele nui lakou a pau me ko lakou holoholona; ua ola no hoi ko lakou pio ana.

3. *Ehia la mamoa a Iseraela i puka mai ai mawaho o Aigupita?*

Eono haneri tausani o na kanaka, a ua like no paha me ia na wahine, a ua like no hoi paha me ia na kamalii; aneane paha elua miliona o lakou a pau, na mamoa a Iseraela i puka mai ai mawaho o Aigupita.

4. *Heaha ka mea a ka Haku i kauoha mai ai i na mamoa a Iseraela e hoolaa ia ia?*

O na hiapo a pau i hanau mai a kanaka, a me na holoholona, oia ka ka Haku i kauoha mai ai i na mamoa a Iseraela e hoolaa ia ia, no kona hoola ana ia lakou, me kona lima mana.

5. *A pau i ka hele na mamoa a Iseraela mai Gosena aku, aole anei lakou i alualuia mai?*

Ua alualu mai no o Parao ma, me na kaa-kaua eono haneri i waeia no ke kaua, a me na kaa a pau o Aigupita, a me ko lakou luna a pau, a me na lio, a me na koa hooholo lio, a me ka puali kaua a pau o Parao. Ua alualu nui lakou i ka Iseraela, a loa ma ke Kaiula, weliweli lakou.

6. *Pehea la i pakele ai ka Iseraela i ko Aigupita poe kaua he nui wale?*

Ua kahea lakou ia Iehova, nana no i kaua i ko Aigupita, e pono ai ka Iseraela ; ua olelo mai la oia ia Mose e o aku i kona kookoo maluna o ke kai, i kaawale ai ia, a ua hele okoa na mamo a Iseraela ma ke alanui hou mawae-na o ke Kaiula ; ua like ke kai me ka pali ma ka lima akau a ma ka lima hema ; a puka loa aku lakou i kela aoao ; hahai iho la o Parao ma mahope o lakou, a hiki iwaena konu o ke kai, o hou ae la o Mose i kona lima maluna o ke kai, hookui ae la ke kai, me kona ikaika, maluna pono o ko Aigupita poe, papapau iho la lakou i ka make iloko o ke kai. He oiaio hoi keia olelo a Solomona :

“O ka mea i ao pinepine ia’ku, a hooolea no i kona ai, E luku koke ia mai no ia, aohe mea e ola’i.”

7. *A pau ae la o ko Iseraela enemy i ke kai, a ola lakou i ka Haku, pehea mai lakou?*

‘A uhi ae la na wai i ko lakou poe enemy,

‘Aole hookahi o lakou i koe mai.”

‘Alaila manaoio lakou i kana olelo,

‘Memele aku la lakou i kona nani,

‘O Iehova ka’u e oli nei, no ka mea, ua nani kona lanakila ana;

‘O ka lio, a me ka mea nana ia i hooholo kana i kio-la i ke kai;

‘O Iehova, oia ko’u ikaika, a me ka’u mele,

‘Ua lilo hoi oia i mea e ola’i no’u.’

8. *Ua kupaa anei ka Iseraela i keia manao aloha i ka Haku?*

Aole i kupaa loa ka Iseraela i keia manao aloha i ka Haku; ohumu koke no lakou ia Mose i ka makewai, a ua ohumu aku la ia Iehova i ka pololi;

‘Ua hoopoina koke lakou i kana mau hana,

‘Aole hoi lakou i kiai i kana kauoha.’

9. *O ke aha la ka mea i alakai ia Iseraela mai Aigupita aku a hiki i Kanaana?*

O ka anela o ka Haku, o ke kia ao i ke ao, o ke kia ahi i ka po, oia ka mea i alakai ia Iseraela, i ko lakou hele ana mai Aigupita aku a hiki i Kanaana, i ka aina a ke Akua i haa-wi mua mai ai no lakou; a kau malie ua kia la, noho iho la lakou, aole hele; a hele aku la ua kia la, hele aku la no lakou mahope ona, ma kana wahi i alakai ai.

§ XXIV.

No ka wai ma Mara, a me ka pohaku ma Horeba, a me ka mane a Iseraela i ai ai ma ka nabelehele.

1. *Pehea la i pono ai ka wai mulea ma Mara?*
A hiki o Iseraela i ka wai mulea ma Mara,

ekolu la o ko lakou makewai ana, ohumu iho la lakou ia Mose, a ua hoike mai ke Akua i ka laau e pono ai, na Mose ia i hoolei iloko o ka wai mulea, ono iho la ua wai la, ola hoi lakou.

2. *A ohumu hou na mamo a Iseraela i ka wai ole, ma Horeba, pehea la i pono ai?*

Na Mose i hahau ka pohaku ma Horeba, i ka olelo ana mai o ka Haku ia ia; na ke Akua hoi i hookahe mai ka wai mai loko mai o ka pohaku, i loa nui mai ai ka wai i na mamo a Iseraela, a me ko lakou holoholona a pau.

3. *A make na mamo a Iseraela i ka wi, a ohumu iho la i ke Akua i ka peloli, pehea la i loa'i ia lakou ka ai?*

Ua haawi lokomaikai mai no ke Akua i na manu i kapaia na selu, he nui wale, a me ka mane i ai no na mamo a Iseraela, i ko lakou hele ana ma ka nahahehele.

4. *I ka manawa hea ko lakou ohi ana i ka mane?*

I na kakahiaka o na la a pau i ohi ai lakou i ka mane e waiho ana ma ka ili o ka honua, o ka la Sabati wale no ka i koe; a i ke ono o ka la i hoomakaukau ai na mano a Iseraela i ai no ka la Sabati o Iehova.

5. *He aka ka mane no ke aha?*

He aka ka mane no ka berena e ola'i, no ka berena mai ka lani mai; i mai la o Iesu, 'Owau no ka berena e ola'i'.

6. *Ehia la makahiki a ke Akua i hanai mai ai ia Iseraela i ka mane?*

Ai iho la na mamo a Iseraela i ka mane,

hookahi kanaha makahiki, a loa ia lakou ka ai maoli ma Kanaana, alaila pau ka mane.

7. *No ke aha la i malama loa ai lakou i hookahi omera o ka mane?*

Ua malama loa na mamo a Iseraela i ka omera mane, i mea e hoike ai i ka lakou mamo, ia hanauna aku, ia hanauna aku, i mea e kaulana ai hoi ko ke Akua mana, a me' kona loko-maikai.

8. *I ko Iseraela kaahela ana i ka nahelehele, hookahi kanaha makahiki, nohea mai ko lakou kapa?*

O ko lakou kapa no i komo ai ma Aigupita, oia no ke kapa no na mamo a Iseraela i ko lakou kaahela ana i ka nahelehele, aole i nahaeae i na makahiki hookahi kanaha. No ka hana mana, a me ke ahonui o Iehova ko lakou wai, a me ka lakou ai, a me ko lakou kapa, a me ko lakou lanakila ana maluna o ko lakou poe enemy.

§ XXV.

No ke kua ana mai o Ameleka.

1. *Owai ka poe i kua mai ia Iseraela ma Repidima?*

O na mamo a Ameleka ka moopuna a Esau, o lakou ka poe i kua mai ia Iseraela ma Repidima, a mahope mai, kua pinepine lakou ia Iseraela, a hiki i ke aupuni ia Hezekia.

2. *Owai ko Iseraela alihikaua ma Repidima ?*

O Iosua ko Iseraela alihikaua ma Repidima, a mai laila mai no hoi a hiki i ka manawa e komo ai lakou i Kanaana me ke kipaku i ko laila kanaka.

3. *Pehea la i lanakila ai ka Iseraela ma Repidima ?*

I ko Iseraela kaua ana me ka Ameleka, ma Repidima, pii aku la o Mose i ka puu, me ke kookoo o ke Akua i kona lima, a kau ae la kona mau lima iluna, alaila lanakila aku la o Iseraela, a emi iho la kona mau lima ilalo, alaila, lanakila mai la o Ameleka ; koo ae la iluna o Aaron a lau o Hura i ko Mose mau lima, a lanakila loa o Iosua ma.

4. *Pehea ko ke Akua manao ia Ameleka ?*

Manao ke Akua e kaua mau ia Ameleka, a pau lakou i ka nalowale.

§ XXVI.

No na kanawai umi o Iehova.

1. *Mahea la i haawi mai ai o Iehova i kona mau kanawai umi ?*

Ma ka mauna o ke Akua, ma Sinai i haawi mai ai o Iehova i kona mau kanawai umi, no na kanaka hoi a pau i lohe i kana olelo.

2. *Pehea ka haawi ana mai o ke kanawai ma Sinai ?*

Ua iho mai la ka Haku maloko o ke ahi, iluna o Sinai, me ka uwila, ka hekili, ke ao, a me ka leo o ka pu e kani nui ana ; haalulu iho la ka mauna a me na kanaka o Iseraela ; alaila, hai pono mai la o Iehova i kona mau kanawai i kakauia e kona lima ma na papa pohaku ; a, nahaha ia mau papa, kalai hou o Mose i na papa pohaku hou, a kakau hou mai ke Akua ia mau kanawai maluna iho, a malama loa ia iho la ua mau papa la, ua kapaia iho la ia he mau papa hoike.

3. *O ke aha ke kanawai i papa mai i ka manao aku a me ka hoomana aku i na akua e ?*

O ka mua ia o ke kanawai : 'Aole ou akua e ae imua o ko'u alo.'

4. *O ke aha ke kanawai i papa mai i na kii akua a pau ?*

O ka lua ia o ke kanawai : 'Mai hana oe i kiikalai nou, aole hoi i ke kii i like ai me ko ka lani iluna, a me ko ka honua ilalo, a me ko loko o ka wai malalo i ka honua ; mai kulou oe ilalo ia lakou, aole hoi e malama ia lakou ; no ka mea, owau no o Iehova o kou Akua, he Akua lili e hoopai ana i ka hala o na makua i na keiki, a i ke kuakahi, a i ke kualua o ka poe inaina mai ia'u ; e aloha ana hoi i na tausani o ka poe i aloha mai ia'u.'

5. *O ke aha ke kanawai i papa mai i ka hoo-hiki ino i ka inoa o ke Akua ?*

O ke kolu ia o ke kanawai : 'Mai hoo-hiki ino oe i ka inoa o Iehova o kou Akua ; no ka mea, aole e hoopono o Iehova i ka mea e hoo-hiki ino i kona inoa.'

6. *O ke aha ke kanawai i papa mai i ka hana ma ke kino i ka la kapu, a me ka paani, a me ke lealea ma keia ao, i ka la o ka Haku ?*

O ka ha ia o ke kanawai : 'E hoomanao i ka la Sabati i hoano ai ia la. Eono la e hana ai oe i kau hana a pau ; aka, o ka hiku o ka la, he Sabati ia no Iehova no kou Akua, aole oe e hana, aole oe, aole hoi ko keikikane, aole hoi ko kaikamahine, aole hoi kau kauwakane, aole hoi kau kauwawahine, aole hoi kou holo-holona, aole hoi kou kanaka e i komo iloko i kou ipuka ; no ka mea, i na la eono i hana iho ai o Iehova i ka lani, a me ka honua, a me ke kai, a me na mea a pau maloko o ia mau mea, a i ka hiku o ka la oia i hoomaha ai ; nolaila, hoi i hoomaikai iho ai o Iehova i ka la Sabati i hoano ai ia.'

7. *O ke aha ke kanawai i kauoha mai i ka malama pono me ka hoolohe a me ka hoomaikai i na makua ?*

O ka lima ia o ke kanawai ; 'E malama oe kou makuakane, a me kou makuwahine, e loihi ai kou mau la maluna o ka aina a Iehova a kou Akua i haawi mai ai ia oe.'

8. *O ke aha ke kanawai i papa mai i ka pepehi wale, a i ka huhu hala ole, a i ke umikamalii, a me ka naauauwa e make, a me ka powa, a me ke kipi, e me ke kaula wale aku ?*

O ke ono ia o ke kanawai : 'Mai pepehi kanaka oe.'

9. *O ke aha ke kanawai i papa mai, i ka moe i ka hai, a me ka hookamakama, a me ke koaka, a me na moe ino a pau, a me ka manao ino ma-laila ?*

O ka hiku ia o ke kanawai : 'Mai moe kolo-he oe.'

10. *O ke aha ke kanawai i papa mai i ka aihue, a i ka lawe wale, a i ka hao wale, a i ka hookaha, a i ka wawahi hale, a me ka aie wale aole e hookaa aku ?*

O ka walu ia o ke kanawai : 'Mai aihue oe.'

11. *O ke aha ke kanawai i papa mai i ka wahae, a me ka epa, a me ka ahiahi, a me ka hoino wale ia hai ?*

O ka iwa ia o ke kanawai : 'Mai hoopuni-puni oe i kou hoalauna.'

12. *O ke aha ke kanawai i papa mai i ka makee waiwai, a me ka pili waiwai, a me ke kii aku o ka naau e loa wale mai ka hai i nele ai ia ?*

O ka umi ia o ke kanawai : 'Mai kuko wale oe i ka hale o ko hoalauna, aole hoi oe e kuko i ka wahine a ko hoalauna, aole hoi i kana kauwawahine, aole hoi i kona pipi kauo, aole loa hoi i ka mea a kou hoalauna.'

13. *He mea mau anei keia mau kanawai umi no na aina a pau loa ?*

Ae ; he mea mau loa no keia mau kanawai umi no na aina a pau loa a hiki loa aku i ka hopena, aole loa hoi e pau.

14 *Pehea la i haawia mai ai na kanawai e ae o Iehova ia Iseraela ?*

Na Iehova i hai mai na kanawai e ae ia Mose, nana no ia i hai mai i ka Iseraela ; alaila, palapala iho la i na kanawai ma ka buke, i ike ko ke ao nei a pau.

§ XXVII.

No ka Penetekoseta, a me ke Kauhalelewa, a me ka Pahuberita, a me ka Nohoaloha, a me ka Halelewa, a me ka Pahukapu, a me ka Hoanoloa.

1. *Ehia ka Ahaaina nui a Iehova i haawi mai i ka Iseraela ?*

Ekolu Ahaaina nui ; o ka Moliaola, o ka Penetekoseta, a me ke Kauhalelewa.

2. *Ehia la i aia ai ka Moliaola ?*

I ka Ahaaina Moliaola, i kapaia he ahaaina berenahuole, ua aia ka berena hu ole i na la ehiku, ia makahiki aku ia makahiki aku.

3. *Heaha ka Penetekoseta ?*

He Ahaaina ka Penetekoseta na ka Iseraela no ka hoomaka ana e ohi i ka ai, ia makahiki aku ia makahiki aku, a hiki i ka manawa o na lunaolelo i pomaikai ai i ka Uthane o ke Akua.

4. *Heaha ka ahaaina Kauhalelewa ?*

He ahaaina ia na ka Iseraela no ka pau ana o ka ohi ai, ua kapaia he ahaaina kauhalelewa, no ka mea, ua noho na mamo a Iseraela i na la ehiku, i ahaaina ai maloko o kau-

halelewa ; a o ka walu o ka la, hoakoa-
koa lakou me ka hoomaikai i ke Akua ; oia ka
la a Iesu i hea ai, 'Ina makewai kekahi, e
hele mai ia io'u nei e inu ai.'

5. *Heaha ka pahuberita ?*

O ka pahu ia o ke Akua i kauoha mai ai ia
Mose e hana'i, kahi e waiho ai ke kanawai, a
me ka omera mane, a me ke kookoo o Aaro-
na ; ua kapaia iho la kona pani goulda, he no-
hoaloha, no ka mea, malaila i noho ai ka nani
o ke Akua, a malaila hoi i ikea mai ai ka lo-
komaikai o ka Haku.

6. *Heaha ka halelewa hoike ?*

O ka halelewa ia a ke Akua i kauoha mai
ai ia Mose e hana'i, i ka papa, i ke kia, i ka
lole, a me ka ili, i hale pule no lakou, mai ka
manawa o lakou ma Sinai, a hiki i ka manawa
i hana'i o Solomona i ka luakini.

7. *Pehea ka nui o ka halelewa ?*

Kanakolu kubita o ka loa o ka halelewa,
umi ka laula, umi ke kiekie, he like me ka
lanai nui i uhi'a i ka ili holoholona.

8. *Ehia keena o ka halelewa ?*

Elua keena o ka halelewa, ua pakuia i ka
lole mawaena, ua kapaia ke keena mua, o ka
pahukapu ; a o ke keena maloko aku, ua ka-
paia iho la ia o ka nohoaloha ; a ua paia ka
halelewa i ka pa lone nui mawaho, he nani no.

9. *Heaha ko loko o ka pahukapu ?*

O ke kuahu kukuni ala, o ka papa no ka
berena hoike, a me ka ipu kukui goulda, ehiku
manamana e aa mau ana.

10. *Heaha ko loko o ka hoanoloa ?*

O ko loko o ka hoanoloa, o ke kapuahi goulā, a me ka pahuberita, me kona nohoaloha, a me na kerubima, a me na papa kanawai o ke Akua, a me ka nani o Iehova iwaena o na kerubima ; a ua kau iho la ke kia ao, a me ke kia ahi maluna iho o ka halelewa mawaho, no ia mau mea i kapaia iho ai ka halelewa he wahi e noho ai o Iehova.

11. *Mahea la i kaumaha aku ai ka Iseraela i na holoholona ?*

Ma ke kuahu, mamua o ka puka o ka hale i waiho ai ka pahuberita, kahi i kaumaha aku ai ka Iseraela i na holoholona, i mohai na ke Akua.

12. *No ke aha la ia mau mohai a ka Haku i kauoha mai ai i ka Iseraela ?*

He aka no ia mau mohai no ke Keiki a ke Akua, ua kauohaia mai no ia e ka Haku, i kahe ke koko o na holoholona, i mea e hoike pinepine i ka Iseraela i ke koko o ka Alana nui, ka mea e kala ai ka hewa o ko ke ao nei, a o ka poe i ike i ke koko o na mohai, a manaoio i ka Mesia, ua ola lakou ia ia.

13. *Iawai ka malama o ka halelewa ?*

Ia Aarona, a me ka mookahuna, mai ia ia mai ka malama o ka halelewa, a me na oihana a pau olaila, a ua kokua mai na pua e ae a Levi ia lakou.

§ XXVIII.

No ka pipikeiki goula, a me ka hoopololi ana o Mose.

1. *I ka wa o Mose ma Sinai me ka Haku, heaha ka hana hewa nui a ka Iseraela?*

Ua hana iho la o Aarona, a me na mamo a Iseraela i ke kii akua, he pipikeiki goula, i like me ko Aigupita akua hoopunipuni, a hoomana iho la lakou ia mea lapuwale.

2. *Pehea la o Mose i kela hewa nui?*

Ua hai mai ke Akua ia Mose i ko lakou hewa, iho mai la ia, a ike mai i ko lakou hoomana ana i ke kii, me ka uhauha, a me ka lealea, nahaha iho la ia ia na papa kanawai, a olelo iho la e pepehiia na mea e lilo i ke kii.

3. *Ehia la na mamo a Iseraela i make i ka pahikaua ia la, no ko lakou hoomana ana i ka pipikeiki?*

Ekolu tausani o na mamo a Iseraela i make i ka pahikaua, ia la no ko lakou hoomana ana i ka pipikeiki, me ka hoowahawaha ia Iehova.

4. *Ua pii hou ae la anei o Mose maluna o Sinai?*

Ae; ua pii hou ae la no o Mose maluna o Sinai, i maopopo mai ka manao o ke Akua ia ia, hookahi kanaha la ona i noho ai ilaila, me ka ai ole i ka berena, a me ka inu ole i ka wai, i ka wa i kamailio mai ai ka Haku me ia.

5. *A pau ko Mose noho ana maluna o Sinai, pehea iho la?*

Hoi mai la o Mose, mai luna mai o Sinai, ua hoomalamalama mai ka ili o kona maka, a

hoakaka mai la ia i ka manao o ka Haku, hana iho la ia i na mea a ke Akua i kauoha mai ai.

§ XXIX.

No ka hele ana o ka Iseraela mai Sinai a hiki i Kadesa-barenea.

1. *Pehea la ka loihi o ko Iseraela noho ana ma ka nahelehele o Sinai?*

Hookahi makahiki i noho ai na mamoa a Iseraela ma ka nahelehele o Sinai, a maopopo na kanawai umi a me na kanawai e ae, a me na oihana aka, a paa hoi ka pahuberita a me ka halelewa ko lakou hale pule, a lilo o Aarona i kahuna nui, haalele iho la lakou ia wahi e hele i Kadesa-barenea e pili ana ma Kanaana.

2. *I ko lakou hele ana mai Sinai aku, heaha ka Mose olelo ia Hobaba i kona kaikoeko no Midiana?*

I aku la o Mose ia Hobaba, 'E hele ana makou i ka wahi a Iehova i olelo mai ai, 'Na'u ia e haawi aku ia oukou,' e hele pu mai oe me makou a e hana maikai aku makou ia oe, no ka mea, ua olelo mai nei o Iehova i ka pono no ka Iseraela.'

3. *A haliia'e ka pahuberita imua, heaha ka Mose olelo?*

A haliia'e ka pahuberita imua, i aku la o Mose, 'E ku ae oe iluna, e Iehova, e hoopue-

huia kou poe enemi, e auhee hoi imua o kou alo ka poe inaina ia oe.'

4. *A kuu iho la ka pahuberita, pehea ka Mose olelo?*

A kuu ka pahuberita, i iho la o Mose, 'E hoi mai, e Iehova, i na tausani lehulehu o ka Iseraela.'

5. *A hiki lakou ma Kadesa-barenea, heaha ko lakou mea i komo ole ai i Kanaana i ko lakou aina?*

No ka manaoio ole i ka ke Akua olelo, no ka mea, ua hoouna aku la o Mose i na kiu he umikumamalua e kaahale i Kanaana, kanaha la ko lakou kiu ana ia aina, a hoi mai, haanui lakou i ka ikaika o ko laila poe kanaka, a me ka pa pohaku o na kulanakauhale, i iho la, 'Aole lakou e auhee ia kakou.' He umi o lakou i haanui, uwe iho la i ka makau na mamo a Iseraela, huli hou ko lakou manao ma Aigupita.

6. *Pehea na kiu elua i koe, o Kaleba a me Iosua?*

Ma ka manao oiaio o Kaleba laua o Iosua, ua hoike mai laua i ka pono o ka aina, manao laua e hoomalielie aku i na kanaka.

7. *Pehea la na kanaka ia Kaleba ma?*

Aole makemake na kanaka i ka olelo pono a Kaleba a me Iosua, i aku la lakou, 'E aho e hailukuia laua.'

8. *Pehea mai ke Akua, i ko lakou manaoio ole, a me ko lakou ohumu ana?*

I mai la ke Akua, 'Aole e komo keia poe kanaka i Kanaana; e hoi ma ka nahahehele, a pau na makahiki hookahi kanaha, a o na kanaka i hala ko lakou mau makahiki he iwa-

kalua, e pau lakou i ka make ma ka nahelebele, o Kaleba a me Iosua wale no e koe;’ a ua hohoi mai lakou a kokoke ma ke Kaiula.

9. *Iahaia o Mariama i ka ohumu ana o laua me Aarona ia Mose, ma Hazerota?*

Ua loohia o Miriama e ka mai lepera i kona ohumu ana ia Mose, o ua kipakuia ia iwaho i na la ehiku, aka, ua ola kona mai, no ka mea, ua pule aku o Mose i ka Haku nona.

§ XXX.

No ka make ana o Kora ma.

1. *Owai la o Kora?*

He pua o Kora na Levi, he kanaka hookano, ua ohumu oia, a me Datana, a me Abirama, a me Ona, ia Mose a me Aarona, ua ku e mai lakou i ka Haku, manao lakou, e hoolilo ia lakou iho i kahuna nui, i iho la, ‘No ke aha la olua i hookiekie ae ia olua iho maluna o ke anaina kanaka o ka Haku.’

2. *Ehia na luna o ka Iseraela i hahai mahope o ua mau kanaka ohumu la?*

Elua haneri me kanalima luna o ka Iseraela i hahai mahope o Kora ma, ua ku e mai ia Mose ma.

3. *Pehea la Mose ia Kora ma?*

Ua kii aku o Mose ia Kora ma e huli mai, aole nae lakou i lohe, i aku la o Mose, ‘Na Iehova e hoike mai i kana mea i makemake

ai ; ina e hamama ka honua i kona waha, a moni iho i keia mau kanaka, a me ko lakou, alaila, akaka kona hoouana ana mai ia'u, a me kona huhu ana mai ia lakou nei.'

4. *Iahaia o Kora ma?*

Ua huhuia mai o Kora, a me Datana, a me Abirama, a ua hamama ka honua i kona waha malalo iho o lakou, a pau lakou i ka moniia, a me ko lakou mau hale, a me ko lakou ohua, a me ko lakou waiwai, ua pau lakou i ka make ; aka, o na keiki a Kora ka i pakele.

5. *Iahaia na luna i hahai ia Kora ma?*

Ua lukuia mai lakou, ua pau i ke ahi a ka Haku, mai ka poe luna i hahai ia Kora ma, a kukuni hewa i ka mea ala.

6. *Pehea na mamo a Iseraela i ka make ana o Kora ma?*

I ka make ana o Kora ma, ua ohumu hou na mamo a Iseraela ia Mose, a me Aarona, i iho la, 'Ua make na kanaka o ka Haku ia olua.'

7. *Iahaia ka poe i ohumu hou i ka make ana o Kora ma?*

Ua huhu hou ia mai ka poe i ohumu hou, ua loohia lakou i ka mai luku.

8. *Ehia la kanaka ohumu hou i ka make ana o Kora ma.*

Umikumamaha tausani kanaka, a me na haneri ehiku, i pau i ka mai luku.

9. *Pehea la i oki ai ka mai luku i koe mai ai kanaka.*

Olelo aku la o Mose ia Aarona, e kuni i ka

mea ala i kalahala no na kanaka ; holo kiki aku la o Aarona iwaena o ke anaina kanaka, me ke kuni i ka mea ala, i kalahala no lakou, ku iho la ia iwaena o ka poe make, a me ka poe ola, oki iho la ua mai luku la.

§ XXXI.

No ka wai ma Meriba, a me ka make ana o Miriama, a me Aarona, 1452 makahiki mamua aku o ka Mesia.

1. *Mahea la i make ai o Miriama?*

A hala na makahiki kanakolukumamahiku, a hiki na mamo a Iseraela i Kadesa, i ke kulanakauhale ma ke kihi o Edoma, malaila i make ai a Miriama ; a ohumu hou na kanaka ia Mose, a me Aarona i ka wai ole.

2. *Pehea la i loaa ai ka wai malaila ma Kadesa?*

I mai la ke Akua ia Mose, 'E lalau oe i ke kookoo, e houluulu olua me Aarona i na kanaka, a e olelo aku oe i ka pohaku imua o ko lakou alo, a e haawi mai no oia i kona wai.'

3. *Pehea la ka Mose hana laua o Aarona ma ka pohaku, ma Kadesa?*

Ua houluulu ae la laua i kanaka ma ka pohaku ma Kadesa, a ua pau aho o Mose i ko lakou ohumu pinepine ana, lalau iho la i ke kookoo, hahau iho la i ka pohaku, a ua kahe nui mai ka wai, aole oia i olelo i ka pohaku,

ua nuku aku nae i kanaka, kapa iho la ia lakou, he poe kipi.

4. *U'ahaia o Mose a me Aarona, i ko laua lohe ole ma Kadesa i kapa hou ia'i o Meriba?*

No ka lohe ole o Mose a me Aarona, ua papaia mai la laua e ke Akua, i mai la oia, 'Aole olua e alakai i keia anaina kanaka iloko o ka aina a'u i haawi aku ai ia lakou.'

5. *Mahea la i make ai o Aarona ke kahuna nui?*

Ma ka mauna ma Hora i make ai o Aarona i ka wa i hiki ai ka Iseraela malaila; olelo mai la ke Akua, e pii o Aarona maluna o ka mauna e make ai; a ike ka Iseraela ua make o Aarona, kanikau lakou ia ia i na la kanakolu.

6. *Iawai ka Aarona oihana?*

Ua lilo ka Aarona oihana ia Eleazara i kana keiki, a ua hookomo aku la o Mose ia ia i ko Aarona kapa kahuna nui.

§ XXXII.

No ka mookeleawe.

1. *No ke aha la i ohumu hou ai ka Iseraela mahope o ka make ana o Aarona?*

No ka mea, ua luhi lakou i ko lakou kaapu-
ni ana i ka aina o na mamo a Esau, o Edoma
ka inoa; ua nonoi aku o Mose i ko Edoma

alii, e hele malie lakou mawaena o kona aina, ma ke alanui o ke alii ; hoole loa mai la ia, a ua ohumu ka Iseraela i ke Akua, a ia Mose no hoi kekahi.

2. Pehea la i hoopaiia'i keia ohumu ana ma ke bihi o Edoma ?

Ua hookuu mai la ka Haku i na mooahilele, i eha ai lakou, ua nahunahuia na kanaka, a ua nui no ka poe i make.

3. Aole anei i mihi ka Iseraela i ko lakou hewa ?

Ua mihi no keia poe kanaka hou, i mai la lakou ia Mose, 'Ua hewa makou, ua ohumu makou ia Iehova, a ia oe, e pule aku oe ia Iehova, e lawe aku i na moo mai o makou aku nei ;' a pule iho la o Mose no na kanaka me ka lokomaikai.

4. Pehea mai ka Haku i ka Mose pule ana'ku, e lawe aku i na mooahilele ?

Kaoha mai ka Haku ia Mose, e hana i ka mookeleawe, a kau ae maluna o na laau, i ola ka mea eha ke nana aku ia ia.

5. Ua ola anei ka poe i nana aku i ka mookeleawe ?

Ae ; ua hana iho la o Mose i ka mookeleawe, a kau ae ia ia maluna o ka laau, a o ka poe i eha i na mooahilele, a nana aku i ka mookeleawe, ua ola no lakou, e like me ka ka Haku olelo.

6. Heaha ke ano o ka mookeleawe a Mose i kau ai iluna ?

He aka no ia no Iesu, ka mea i kaulia'i ma

ke kea, i ola'i na kanaka i eha i ka hewa, ke nana lakou ia ia. I mai la Iesu, 'E like me ka Mose kau ana iluna i ka moo ma ka aina nafelehele, pela no hoi ke Keiki a ke kanaka e kaulia'i, i ole e make ka mea paulele ia ia, i loa ka hoi ia ia ke ola mau loa.'

§ XXXIII.

No ka make ana o na mea hookuli.

1. *U'ahaia ke kanaka i houluulu ai i na laau wahie i ka la Sabati?*

Ua hopuia a paa ke kanaka i houluulu i na laau wahie i ka la Sabati, ua hooheuaia e ke Akua, a ua hailukuia a make, e like me ka ke Akua olelo ia Mose.

2. *U'ahaia ka Selomita keiki ka mea i hooheiki ino i ka inoa o Iehova?*

Ua hooheuaia ka Selomita keiki e ka Haku, no kona hooheiki ino ana i ka inoa o Iehova me ke kuamuamn, a ua luku ia i ka pohaku, no ka mea, aole i hoopono mai ke Akua i ka mea i hooheiki ino i kona inoa.

3. *No ke aha la i make koke ai i ke ahi a ka Haku mai na keiki a Aarona, o Nadaba, a me Abihu?*

No ka mea, ua mohai aku o Nadaba, a me Abihu i ke ahi e, aole i kauohaia mai e ka Haku, nolaila i luku koke ia mai ua mau keiki la a Aarona i ke ahi a ka Haku mai.

4. *Owai kekahi alii nui i papa mai i ka hele ana o ka Iseraela iwaena o kona aina ?*

O Sihona ke alii o ka Amori, o Hesebona kona kulanakauhale i noho ai ma ka hikina o Ioredane, nonoi pono aku o Mose ia ia e hele malie lakou ma kona alanui, hoole loa mai no ia, aole make hele ka Iseraela iwaena o kona aina e hiki pono ai i Kanaana ; ua aa mai la ia e kana me ka Iseraela.

5. *U'ahaia o Sihona i kona aua a i kona kaua ana mai i ka Iseraela ?*

Ua haawiia mai la oia e ka Haku a me kona aina i ka lima o ka Iseraela, a ua pepehiia o Sihona i ka pahikaua, a me kona poe kanaka, a ua lilo mai i ka Iseraela kona aina a pau e moe ana ma ka hikina o Ioredane, mai ke kahawai o Arenona, a hiki i ke kahawai o Iaboka, na Mose ia aina i haawi i ka Reubena a me ka Gada i mau okana aina no lakou e noho ai.

6. *A lilo ko Sihona i ka Iseraela, owai kekahi alii i kaua hou mai ia lakou ?*

O Oga ke alii no Basana, no ka aina ma ka hikina o ka loko nui o Genesareta, o Ederei kona kulanakauhale ma ke kahawai o Gadara, oia ke kaua mai i ka Iseraela, mahope iho o ka lilo ana o ko Sihona aina i ka Iseraela.

7. *U'ahaia o ko Basana alii, i kona kaua ana i ka Iseraela ?*

Ua haawiia mai la oia e ka Haku i ka lima o ka Iseraela, ua pepehiia iho la o ko Basana alii, a me kana mau keiki, a me kona kanaka,

ua pau lakou i ka make, ua lilo mai la kona aina i ka Iseraela, na Mose ia i haawi aku i ka Menase, malaila i hoonohoia'i kekahi mau mamoa a Iosepa, he nui loa.

8. *A hiki ka Iseraela i ka papu o Moaba e ku pono ana i Ieriko, owai ke alii i manao e kipaku ia lakou?*

O Balaka ko Moaba alii, ua makau iho la oia i ka Iseraela i ka lehulehu loa a me ka ikaika o lakou; kii aku la oia i ke kaula ino e hele mai e hoino i ka Iseraela, i hiki pono ia ia ke kipaku aku ia lakou e like me ka mea i haaleleia e ke Akua.

9. *Owai ke kaula ino a Balaka i kii aku ai e hele mai e hoino i ka Iseraela?*

O Balaama, o ke kaula ino no Arama,* ma ka aina e moe ana ma ka muliwai nui ma Euperate, ma ka hikina.

10. *Pehea iho la o Balaama i ka Balaka olelo.*

Ua holo mai no o Balaama maluna o ka hoki i ka olelo a Balaka, no ka mea, ua makemake no ia i ka uku no ka hewa, a halawai oia me ka anela, ma ke alanui, mai make ia ia, hili ae la a moe ka hoki, hahau huhu o Balaama ia ia, a ua papa ka hoki ia Balaama me ka leo kanaka; a hiki io Balaka la, aole loa i ae mai ka Haku ia Balaama e hoino i ka Iseraela, o ka hoomaikai wale no.

*O Suria paha ka inoa hou.

11. *Pehea la i hewa ai ka Iseraela ia Balaama a me Balaka?*

Ua ao aku la o Balaama ia Balaka e hoowalewale aku i ka Iseraela i hewa io lakou imua i ke alo o Iehova.

12. *Heaha ka Balaka mea e hoowalewale aku ai i ka Iseraela?*

O na wahine moe kolohe no Moaba a me Midiana, a o na ahaaina no ko lakou akua hoopunipuni, oia ka Balaka mea e hoowalewale aku ai i ka Iseraela, ai iho la lakou i ka mohai ino i hoolaaia'ku ai i ka daimonio, moe kolohe no hoi, a ua huhuia mai e ka Haku.

13. *Uaaha ka poe mamo a Iseraela i lilo i ko Moaba akua hoopunipuni ia Baala Peora?*

Ua lukuia mai la ka poe i lilo ia Baala Peora; iwakaluakumamakolu tausani i make i ka mai luku i ka la hookahi; iwakaluakumamaha tausani i pau i ka mai luku no keia hewa nui, i ka lili mai o ka Haku ia lakou.

14. *Pehea la i oki ai ka mai luku ma Moaba?*

I ka manawa i uwe ai o Mose ma, ma ka puka o ka halelewa, hele pu mai la o Zimeri ka pua a Simeona, laua o Kozebi ka wahine no Midiana, (he mau kaualii,) komo laua iloko o kekahi halelole, hahai aku la o Pinehasa, ka moopuna a Aarona, make pu laua ia ia i ka houia i ka ihe no ko laua hewa; oki iho la ka mai luku; a hoolilo ke Akua ia Pinehasa i kahuna nui a me kana mamo ia hanauna aku ia hanauana aku, no kona manao ikaika ma ka ke Akua.

15. *Pehea iho la ko Midiana poe kanaka?*

Kaouha mai la ka Haku ia Mose e hoopai i ko Midiana ; kua aku la ka Iseraela ia lakou, pau lakou i ka make, me ko laila mau alii elima, o Evi, a me Rekema, a me Zura, a me Hura, a me Reba, a me ke kaula ino, o Balaa-ma, ua pau lakou i ka pahikaua.

§ XXXIV.

No ka helu ana o ka Iseraela, a me ka make ana o Mose.

1. *I ka Mose helu ana i na mamo a Iseraela ma ka nahelehele o Sinai, ehia na kanaka i hala ko lakou mau makahiki iwakalua?*

I ka Mose helu ana ma Sinai, mahope iho o ka puka ana iwaho o Aigupita, eono haneri kumamakolu tausani, elima haneri me kanali-ma, [603,550,] kanaka oo, i hala ko lakou mau makahiki iwakalua, a ua pau lakou i ka make ma ka nahelehele, elua wale no i koe.

2. *A i ka Mose helu hou ana i ka Iseraela ma Moaba, kokoke e komo i Kanaana, ehia na kanaka?*

A pau i ka make kela poe manaoio ole, a helu hou o Mose i na mamo a Iseraela, eono haneri kumamakahi tausani, ehiku haneri me kanakolu* kanaka oo, e hiki ke hele i ke kaua;

* 601780. Hookahi lehu, elima kini, eha lau, ekolu kanaha a me ka umi keu.

ua hala ko lakou mau makahiki iwakalua ; okoa hoi na pua kane a pau a Levi, iwakalua-kumamakolu tausani lakou, ka poe i laa i ka ke Akua hana.

3. *Ehia ko Mose makahiki i ka wa i pau ai kana mau hana a pau i ke ao nei ?*

Ekolu kanaha ko Mose mau makahiki i kona wa i hoopau ai i kana mau hana a pau i ke ao nei, aole i pouli kona maka, aole hoi i nawali-wali iki kona kino.

4. *No ke aha la i pii aku ai o Mose iluna o Pisega ma ka mauna o Nebo ?*

Ua pii aku la o Mose iluna o Pisega i ike aku ai kona mau maka i Kanaana, a e make iho ai ilaila ; na ka Haku no ia i kanu ma kekahi awawa o Moaba, aole ike kona halelua.

5. *Iawai la ka Mose oihana ?*

Ua lilo ka Mose oihana ia Iosua, oia ka lunakanawai no ka Iseraela mahope iho o ka make ana o Mose, o ke kaula nui.

6. *Owai ke kaula e like ai me Mose ?*

O Iesu ke kaula e like ai me Mose, he oi loa aku no nae ia ; oia ka mea e lohe ai ko ke ao nei, ia ia hoi ka olelo e ola'i, o Mose no kekahi i manaoio aku ia ia.

§ XXXV.

No ka hele ana o ka Iseraela iwaena o Ioredane, i komo ai i Kanaana, 1451 makahiki mamua aku o ka Mesia.

1. *Aole anei i minamina ka Iseraela ia Mose ?*

Minamina ka Iseraela i ka make ana o Mo-se, kanakolu la o lakou i kanikau ai ia ia, alaila olelo aku la o Iosua, e hoomakaukau e hele ma o iho o Ioredane.

2. *Pehea la ka hele ana o ka Iseraela iwaena o Ioredane?*

A makaukau ae la o Iosua, a me ka lehu-lehu o ka Iseraela, hali aku la na kahuna i ka pahuberita imua o ka Iseraela, a komo ko lakou mau wawae ma ka lihiwai o ua muliwai nui la, alaila, hookaawaleia'e la o Ioredane, a kaawale loa kona wai, hele nui ae la lakou iwaena, ku iho la na kahuna me ka pahuberita iwaena konu, a pau ka Iseraela i ka hala ma kela kapa.


3. *Heaha ka hoailona a ka Iseraela i waiho ai ma Gilegala?*

Waiho iho la ka Iseraela i na pohaku umikumamalua, mai lalo mai o Ioredane, ma Gilegala kahi i hiki ai lakou i Kanaana, i hoailona no ke kaawale ana o ka muliwai i hele ai lakou iwaena ma ka lepo maloo, i mea hoi e hoomanao ai ka lakou mamo i ka mana, a me ka oiaio o Iehova.

§ XXXVI.

No ka lilo ana o Ieriko a me Ai ia Iosua ma, me ka Iseraela.

1. *Pehea la i lilo ai o Ieriko ia Iosua ma?*
O ke kulanakauhale nui o Ieriko, ua puni i



HIOLO KA PA O IERIKO.

ka pa nui, ua paa i ke paniia na ipuka o ka pa, no ko lakou makau i ka Iseraela, ua kaapuniia o Ieriko e ka Iseraela, i na la ehiku, he umikumamakolu ko lakou poai ana, alaila, hooho nui ka Iseraela, a hiole wale iho la ka pa o Ieriko no ka manaoio, pii aku la ka Iseraela, pau ko Ieriko i ka lukuia, o Rahaba ma wale no koe.

2. *Heaha la ko Rahaba mea i make ole ai, i ka wa i lukuia'i ko ke Akua poe enemi a pau ma Ieriko?*

No kona manaoio i make pu ole ai ka wahine o Rahaba, me ka poe i manaoio ole, ua hookipa oia i na kiu a Iosua, a huna hoi ia lana, a ua huli pu oia me ko ke Akua poe ohua.

3. *A kii aku ka Iseraela e kaula aku ia Ai, heaha ko lakou mea i hee ai i ko Ai?*

O ka hewa o Akana, i huhuia mai ai ka Iseraela e ka Haku, nolaila i hee ai lakou, a ua make kekahi poe, i ko lakou kaula ana i ko ke kulanakauhale i ko Ai.

4. *Heaha ko Akana hewa i huhu mai ai ka Haku i ka Iseraela?*

Ua pale ae o Akana i ka ka Haku olelo, ua lawe hoi oia nona i waiwai pio ma Ieriko, a huna malu hoi ia mea a ke Akua i hookapu mai ai.

5. *U'ahaia o Akana, o ka mea i hewa'i ka Iseraela?*

A i ka pule a Iosua, olelo mai la ka Haku ia ia, 'He hewa io iwaena o ka Iseraela, e

hailona oe ia lakou a pau, i loa ka mea hewa; a ua hailonaia lakou a pau, loohia iho la o Akana, a ua hailukuia oia me kona poe a pau.

6. *A pau ia hala, pehea la ko Iosua kauhau ana ia Ai?*

I ka olelo ana mai a ka Haku ia Iosua, kauhau aku la oia i ko Ai, a ua lilo koke mai no ua kulanakauhale la ia ia, a ua pau ko laila poe i ka lukuia, he umikumamalua tausani, a ua puhia na hale i ke ahi.

§ XXXVII.

No ka make ana o ko Kanaana poe alii, a me na kanaka i lilo ai ko lakou aina i ka Iseraela.

1. *Owai ka poe i hele maalea mai ia Iosua e noi mai i ola, aole make kauhau?*

O ko Gibeona, ko ke kulanakauhale nui o ka poe Hevi, ua makau lakou, a hele mai me ka maalea, e noi mai ia Iosua i ola, a ua ae aku o Iosua ia lakou, a ua hoohiki ko Iseraela mau luna i ke Akua, aole e make ko Gibeona, no ka mea, ua manao lakou, no ka aina loihi aku lakou.

2. *Owai ka poe i huhu i ko Gibeona, a i aa i ke kauhau ia lakou?*

O Adonizedeka ke alii no Ierusalema, a o Hohama ke alii no Heberona, a o Pirama ke alii no Iaremuta, a o Iapia ke alii no Lakisa, a

me Debira ke alii no Egelona, ua hele nui mai ko lakou poe e luku i ko Gibeona, no ko lakou hui pu ana me ka Iseraela.

3. *U'aha kela mau alii elima i kava i ko Gibeona ?*

Ua auhee koke lakou ia Iosua ma, a ua pau lakou i ka lukuia, a me ko lakou poe kanaka, aole koe iki mai, ua pau i ka make i ka pahikaua, a i ka huahekili a ka Haku mai; a lilo mai la ko lakou mau kulanakauhale, a me ke lakou aina i ka Iseraela.

4. *Ia la i kava ikaika loa ai o Iosua ma, heaha ka hana mana i hanaia'i ia la ?*

I aku la o Iosua, 'E ka La, e kau malie oe maluna o Gibeona, a o oe, e ka Mahina, ma ke awawa o Aialona;' kau malie iho la ka la a me ka mahina, i na hora umikumamalua, i pau ai ko Iseraela poe enemi, no ka mea, o Iehova ka mea i kava mai no lakou, i lilo mai ai ka aina o Kanaana i ka poe mamo a Aberahama, a me Isaaka, a me Iakoba, e like me ka ke Akua olelo ia lakou mamua loa aku.

5. *Ehia alii ma Kanaana i pau ia Iosua, a i na mamo a Iseraela, i ke kava ana i na makahiki eono ?*

Eia na'lii i pau ia Iosua, a i na mamo a Iseraela : O ko Ieriko alii, a o ko Ai, a o ko Ierusalem, a o ko Heberona, a o ko Iaremuta, a o ko Lakisa, a o ko Egelona, a o ko Gezera, a o ko Dibira, a o ko Gedera, a o ko Horema, a o ko Arada, a o ko Libena, a o ko Adulama, a o ko Makeda, a o ko Betela, a o ko Tapua,

a o ko Hebera, a o ko Apeka, a o ko Lasarona, a o ko Madona, a o ko Hazora, a o ko Simerona-merona, a o ko Akesapa, a o ko Taanaka, a o ko Megido, a o ko Kedesu, a o ko Iokeneama, a o ko Dora, a o ko Gilegala, a me ko Tireza, he kanakolukumamakahi alii i pau i ka lukuia, me ko lakou poe kanaka, a lilo mai ko lakou mau aina, a me ko lakou mau kulanakauhale i ka Iseraela.

6. *No ke aha la i kauoha mai ai ke Akua i ka Iseraela e luku i ko Kanaana ?*

No ka mea, ua nui wale ka hewa o keia mau inamo a Hama, ikaika lakou i ka malama i na akua hoopunipuni, a ua kauoha mai ke Akua i ka Iseraela e luku ia lakou, o hoowalewale lakou i ka Iseraela i ko lakou kii, a me ko lakou kolohe wale.

7. *Pehea ka haawi ana o ka aina o Kanaana i na ohana a ka Iseraela ?*

Ua hailonaia na okana umi o ka aina o Kanaana, a ua lilo i ka Simeona ohana kekahi okana, a i ka Iuda kekahi, a i ka Dana kekahi, a i ka Beniamina kekahi, ma Iudea ko lakou mau okana eha ; a i ka Eperaima kekahi, a i ka Menase kekahi, ma Samaria ia mau okana elua ; a i ka Isekara kekahi, a i ka Zebulona kekahi, a i ka Asera kekahi, a i ka Napetali kekahi, ma Galilaia ko lakou mau okana eha, aole hoi i loa ka Levi ohana ka okana aina, aohe o lakou okana.

8. *Heaha ka mea i loa i ka Levi ohana iwae na o ko lakou hoahanau ?*

O na kulanakauhale hookahi kanaha me kumamalu, a me na kulanakauhale eono i puuhonua e ola'i no ke kanaka hala ole, i make hewa ai ke kanaka, a o ka umi o ka waiwai o ko Iseraela aina a pau, na ke Akua ia i haawi mai i ka Levi, no ka mea, ua hoolaaia lakou ma ka oihana hemolele a ka Haku.

9. *No ke aha la i lilo ai ka Levi oihana ma ka oihana hemolele a ka Haku?*

Ua hoolaa ke Akua i na hanaumua kane a ka Iseraela a pau, aka, ua lilo keia oihana hemolele i ka Levi, no ko lakou ikaika paha : na Levi mai o Mose a me Aarona, a i ka wa i lilo ai ka Iseraela i ka pipikeiki goulda, a kabea aku la o Mose, 'Owai ma ko Iehova aoao, e hele mai oia io'u nei,' hui pu koke ia'e la me ia ka Levi mau mamoo kane a pau, a lilo lakou i kumu ao kanawai, a me ka malama i na mohai, a me na mea a pau maloko o ka hale o ke Akua.

10. *Mahea la i kukuluia'i ka halelewa iloko o Kanaana?*

Ma Silo, ma ke kulanakauhale ma Samaria i kukuluia'i ka halelewa no Iehova, malaila no i waihoia'i ekolu haneri makahiki.

11. *Ehia makahiki o ko Iosua lunakanawai ana ma Kanaana?*

He iwakaluakumamalima makahiki o ko Iosua lunakanawai ana ma Kanaana, a ua malama pono ka Iseraela ia Iehova i ko Iosua mau makahiki, a me na makahiki o na luna i ike pu me ia i na hana mana a Iehova, nui no hoi ko lakou pomaikai ia manawa.

12. *A nui na makahiki o Iosua, heaha kana olelo i ka Iseraela ?*

Olelo aku la o Iosua i ka Iseraela, 'E hooikaika oukou, e malama pono i na mea a pau i kakaunia ma ka buke o ke kanawai o Mose, e makau aku ia Iehova, a e malama ana ia ia me ka naau a me ka oiaio, a ina he mea ino i ko oukou manao ka malama ia Iehova, e koho oukou, i keia la, i ka oukou mea e malama aku ai, aka, owau nei la a me ko'u hale, e malama aku makou ia Iehova.'

13. *Pehea na kanaka i ka Iosua olelo ?*

I aku la ka poe kanaka ia Iosua, 'O Iehova ko kakou Akua, ka makou e malama ai, a o kona leo ka makou e hoolohe ai.' Pela hoi lakou, aka hoi, aole e like ka hoolohe ana o ka lakou mau keiki.

§ XXXVIII.

No na Lunakanawai o ka Iseraela.

1. *A nalo iho la o Iosua, a me kela hanauna a pau, pehea ka noho ana o ka Iseraela ma ia hope iho ?*

A pau kela hanauna i ka nalo, hihia iho la ka lakou mau keiki i na kii, aole o lakou alii ia manawa, a lanakila mai na kanaka e maluna o ka Iseraela, aka, ua haawi ke Akua ia lakou i na lunakanawai, i na alihikaua hoi e pono ai.

2. *A hooluhi mai ke alii no Mesopotamia i ka Iseraela, owai ko lakou mea i pakele ai ?*

O ka hunona a Kaleba, Oteniela ka mea i pakele ai ka Iseraela i ka lima o Kusanarisa-taima, ke alii no Mesopotamia, i ko lakou wai kahea aku ai ia Iehova, a maluhia lakou i na makahiki hookahi kanaha ; a make Oteniela, hewa hou ka Iseraela, a lilo aku lakou i ka lima o Egelona, ke alii no Moaba.

3. *Owai ka lunakanawai i make ai o Egelona, ke alii no ka mamo a Moaba, ke keiki a Lota ?*

O Ehuda, he pua na Beniamina, ka lunakanawai i make ai o Egelona, ua o malu aku oia i kona opu i ka pahi oi lua ma kona lima hema ; a hui pu ka Iseraela me ia, a luku aku lakou i ko Moaba, he umi tausani kanaka ; alaila, noho lanakila ka Iseraela i na makahiki elua kanaha.

4. *Owai ko Ehuda hope i kipaku ai i ko Pilisetia ?*

O Samegala, ka mea i pepehi i ko Pilisetia, eono haneri kanaka, a make lakou i ka hahau pipi.

5. *A hooluhi mai o Iabina, ke alii o Kanaana i ka Iseraela, i na makahiki iwakalua, owai ka mea i pakele ai lakou ?*

O Debora, he kaulawahine, he lunakanawai no ka Iseraela, oia ka i kii aku ia Baraka, ke keiki a Abinoama, a kauoha aku la ia ia e hele me ka Napetali, a me ka Zebulona, e kipaku aku ia Sisera ma, i ko Iabina alihikaua, me kona poe kua he nui loa.

6. *Ehia kaakaua hao o Iabina ?*

Eiwa haneri ko Iabina mau kaakaua hao, he mea ia e weliweli loa ai.

7. *U'ahaia o Sisera ma me kona poe kaua ?*

Ua haawiiia mai lakou i ka lima o Baraka ma e lukuia, a ua pau i ka make ko Sisera poe i ka pahikaua, aka, o Sisera ka i haalele i kona kaakaua, a mahuka malu aku, a komo iho la me ka paupauaho iloko o ka halelole o Hebera ka pua a Hobaba, a i kona hiamoe ana, makia iho la o ka Hebera wahine o Iaela i ke poo o Sisera i ke kui me ka hamare, alaila, maluhia ka Iseraela i na makahiki hookahi kanaha.

8. *Pehea la o Debora i ka make ana o Sisera ma ?*

Mele aku la o Debora me Baraka ia Iehova, i aku la,

'Pela e make ai kou mau enemi, e Iehova ;

'Aka, e hoohalikeia ka poe aloha ia ia me ka la e puka mai ana i kona nani.

'E hoolohe mai e na'lii, e lono mai hoi, e na luna,

'Owau hoi la, e oli aku au ia Iehova,

'E hooiea aku au ia Iehova, ke Akua o Iseraela.'

§ XXXIX.

No Gideon a me kana mau keiki.

1. *A huli hou ka Iseraela i ka hewa, a wa hooluhi hou ia lakou e ko Midiana, i na makahiki ehiku, owai ko lakou mea i ola'i ?*

O Gideona ka lunakanawai i ola'i ko lakou pio ana i ko Midiana, i ka wa i hele pu mai ai ko Midiana, a me ka Ameleka, a me ka Isemaela, i pau ai ko Iseraela aina ia lakou, he nui wale lakou, ekolu kini a keu aku na mano.

2. *Ehia na kanaka i hele pu me Gideona i ke kaua ?*

Kanakolukumamalua tausani o ko Gideona poe kanaka i hui pu me ia ; i mai la ke Akua, 'He nui loa keia ;' a ua hoi aku la he iwakaluakumamalua tausani, koe mai he umi tausani. I hou mai la ka Haku, 'He nui no keia poe, a o ka poe e palu i ka wai, o lakou ka poe i hiki ai ia'u ke haawi aku i ko Midiana i kou lima.' Ekolu wale no haneri keia poe ; a hoo-puni lakou i ko lakou poe enemī, i ke au-moe, ma ko lakou lima na pu puhi, a me na kiahaooma, o na ipu kukui ko loko, wawahi lakou i na kiahaooma, pupuhi lakou i na pu, me ka olelo aku, 'O ka pahikaua a Iehova, a me Gideona,' naholo koke ko Midiana, me ke kaka hewahewa ia lakou iho i ka pahi, pau loa lakou i ke auhee, alaila, alualu aku la o Gideonā ma, a me Napetali, a me ka Asera, a me ka Menase, a me ka Eperaima.

3. *Ehia la mau enemī o Gideona ma i pau i ka make ?*

Hookahi haneri me kanakalu tausani o ko Gideona ma mau enemī i pau i ka make ; alaila, maluhia ka Iseraela i na makahiki hookahi kanaha, i ka manawa ia Gideona.

4. *I ka ka Iseraela olelo ana ia Gideona, 'I alii oe maluna o makou,' pehea la o Gideona ?*

I aku la o Gideona ia lakou, 'Aole au e alii maluna o oukou, aole hoi ka'u keiki, aka, o Iehova ke alii maluna o oukou.'

5. *A make o Gideona, owai ke keiki ana i kipi?*

O Abimeleka, ke keiki a Gideona i kipi, ua pepehi wale aku i kona mau hoahanau a pau, o Iotama wale no ka i pakele aku. He kana-hiku o lakou i make, a ua hoalii oia ia ia iho maluna o ka Iseraela, ekolu makahiki; a mahope iho pino no ia, ua pa iho la kona poo i ka apana pohaku kaapalaoa a ka wahine i pehi iho ai, mai luna iho o ka hale pukaua. Ua hoopai ke Akua ia ia i kona hewa.

6. *Owai ka lunakanawai mahope iho o Abimeleka?*

O Tola, he pua na Isekara, ka lunakanawai no ka Iseraela i na makahiki he iwakalua, a mahope iho ona o Iaira, he iwakalua makahiki; alaila, hana hewa hou ka Iseraela i ka lakou malama ana i na akua hoopunipuni, a ua hooluhiia mai lakou e ko Pilisetia, a me ka Amona, i na makahiki he umikumamawalu.

§ XL.

No Iepeta.

1. *Owai ko Iseraela alihikaua i hee ai ka mamo a Amona, a kekahi keiki a Lota?*

O Iepeta ka lunakanawai o ka Iseraela, oia ka alihikaua i hee ai ka Amona, no kona manao oiaio, ua hoohiki aku ia i ke Akua, i aku

la, 'Ina e haawi mai oe i na mamo a Amona iloko o ko'u lima, alaila, o ka mea i puka e mai, mai loko mai o na ipuka o ko'u hale, e halawai me au i ko'u hoi ana mai me ka maluhia, mai na mamo a Amona mai, e lilo loa aku oia ia Iehova.

2. *A nui ka make o ka Amona, a lanakila loa o Iepeta, heaha ka mea i halawai me ia i kona hoi ana i kona hale ?*

O ka Iapeta kaikamahine hanau kahi ka mea i halawai me ia ; minamina iho la ia, aka, ua hooko aku o Iepeta i kana mea i hooiki ai, a ua hoolilo loa i kana kaikamahine i ke Akua, aole loa ia i lilo i ke kane.

3. *A huhu hala ole ka Eperaima ia Iepeta, chia o lakou i make ?*

Hookahi kanaha tausani o ka Eperaima i make i ko lakou huhu, a me ka lakou hana hewa wale aku ia Iepeta ma, me ko Gileada.

4. *Owai na lunakanawai mahope mai o Iepeta ?*


O Ibezana, a me Abedoma, alaila, hewa hou ka Iseraela, a ua haawii'ku i ka lima o ko Pilisetia.

§ XLI.

No Samesona.

1. *Owai o Samesona ?*

O ke keiki ia a Manoa, no ka ohana o Dana, he kanaka ikaika loa o kona kino, a no kona



SAMESONA E HOOHILO ANA I KA HALE.

manaio i lilo ai o Samesona i lunakanawai, i pakele ai ka Iseraela i ka lima hooluhi o ko Pilisetia.

2. *Pehea la kona ikaika nui ?*

He Nazerite o Samesona no ka Haku, aole ia i inu i ka waina, aole hoi i ka mea awaawa, aole hoi i koli i kona lauoho, ikaika loa ia i kona wa i malama pono ai i ka Haku, a i kona hele ana aku e mare i ka wahine no ko Pilisetia, make koke i kona lima ka liona i uwo ia ia.

3. *A haawiia'ku kana wahine e kona makuakane ia hai, pehea la o Samesona i hoopai ai ia hewa ?*

Nakinaki papalua i na huelo o na alopeke ekolu haneri, me na momoku ahi iwaena, a hookuu aku ia lakou i na mahina ai, a pau i ka wela ka lakou palaoa : a puhu ko Pilisetia i kana wahine, a me kona makuakane, pepehi iho la o Samesona ia lakou he nui wale.

4. *A kii ko Pilisetia poe kaula ia Samesona, pehea iho la ia ?*

Nakinaki ka Iuda ia Samesona a paa i ke kaula, a haawi aku ia ia i ko Pilisetia poe kaula, mokumoku wale na kaula ia ia, pepehi aku la oia ia lakou me ka iwi a o ka hoki, hookahi tausani kanaka o Pilisetia i pau i ka lukuia e ia.

5. *Pehea la i pio aku ai o Samesona i kona mau enemy ?*

Ua lilo oia i ka hoowalewaleia e kekahi wahine no Pilisetia, a ua koli kolohe ia kona lauoho, nawaliwali iho la ia e like me ke kanaka

e, pio koke aku la i ko Pilisetia, a ua poaloia kona mau maka e lakou.

6. *Pēhea la i ikaika hou ai o Samesona, i hoopai aku ai i keia hewa o ko Pilisetia?*

A ulu hou ae ko Samesona lauoho, i ka wa i kaumaha nui aku ai ko Pilisetia i na mohai i ko lakou akua ia Dagona, a piha loa ko lakou luakini i ka lehulehu o kanaka, ekolu tausani maluna ae, pule aku la o Samesona i kona Akua, 'E Iehova ke Akua, e hoomanao mai ia'u, e hooikaika mai oe ia'u i keia manawa.' a ua lohea kana pule, lalau iho la oia i na kia nui i paa ai ka luakini, hoohiolo koke iho la oia i keia luakini nui maluna iho o lakou, make pu iho la lakou me ia.

§ XLII.

No ke kaus ana o ka Iseraela me ka Beniamina.

1. *No ke aha la i kaula aku ai ka Iseraela i ka Beniamina?*

No ka mea, ua moe kolohe kekahi poe o Gibeā, o ke kulanakauhale o ka Beniamina, a ua make ka wahine a kekahi pua a Levi ia lakou, aole hoi ka Beniamina i ae mai e hoopaiia'ku ka hewa o ua poe kolohe la; no ia mea i kaula ai lakou.

2. *Eka manawa hea keia kaula ana me ka Beniamina?*

I ka manawa ia Pinehasa ke kahuna nui, ke keiki a Eleazara, ke keiki a Aarona, i ko lakou manawa alii ole i kua ai lakou ia lakou iho, me ka poino pu i ka nui o ka make.

3. *Ehia la o lakou i make i keia mokuahana ana?*

Hookahi kanaha tausani kanaka o Iseraela i make i ka Beniamina, no ka pololei ole o ka lakou hana; i wakaluakumamalima tausani kanaka kua o ka Beniamina, a me ka lakou wahine a pau, a me ka lakou poe keiki, i pau i ka make i ka Iseraela, eono wale no haneri kanaka i koe, pee iho la lakou i ka nahelehele, aneane pau i ka hokaiia keia ohana o ka Iseraela, no ko lakou hewa.

§ XLIII.

No Ruta.

1. *Owai o Ruta?*

He wahine o Ruta no ka aina e, ka aina pouli o Moaba, he mamo na Lota, e noho ana i ka malu o ka make, a na huli mai ma ka pono, ma ke Akua o Iseraela e ola'i.

2. *Pehea la ko Ruta huli ana mai ma ka pono, ma ke Akua e ola'i?*

I ka wi o Kanaana, hele aku la o Elimeleka me kana wahine o Naomi i Moaba; a make o Elimeleka, mare aku la ka laua mau keiki i na

wahine no Moaba ; o Orepa ka wahine na Kitiona, o Ruta ka wahine na Mahelona. A make aku la ua mau kane la, hoi mai la o Naomi, ukali mai la kana mau hunona wahine ; manao iho la o Naomi e hoihoi aku ia laua ; uwe iho la laua, a o Orepa kai hoi aku, aka, o Ruta ka i hahai loa mai i kona makuahonowaiwahine i Betelehema, me ka haalele loa i ko Moaba mau akua hoopunipuni.

3. *Heaha ka Ruta olelo maikai ia Naomi, i kona koi ana ia ia e hoi aku i Moaba, a i kona poe kanaka, a i kona mau akua ?*

I aku la o Ruta, 'Mai hoihoi mai oe ia'u e haalele aku ia oe, a e hoi aku mai ko'u hahai ana ia oe, no ka mea, ma kou wahi e hele ai, malaila au e hele ai ; ma kou wahi e moe ai, malaila au e moe ai, o kou poe kanaka, no'u ia kanaka, o kou Akua, no'u ia Akua, ma kou wahi e make ai, malaila au e make ai, malaila hoi au e kanuia'i ; o ka make, oia wale no ko kua mea e kaawale ai ; ina aole, me ia hoi e hana mai ai o Iehova ia'u.'

4. *Ua pomaikai paha o Ruta i kona huli ana mai me ka paulele loa ?*

Ua pomaikai wale o Ruta, o Iehova kona Akua e ola'i, ua lokomaikaila mai no hoi ia o kekahi kanaka waiwai o ka Iseraela, o Boaza, ke kanaka pono i mare ia ia ; a na laua mai o Obeda, na Obeda o Iese, na Iese o Davida, mai laila mai hoi ke kuauhau a hiki i ka hanau ana o Iesu.

§ XLIV.

No Hana, a me Samuela, a me Eli, a me kana mau keiki, a me ka lilo ana o ka pahuberita, i ka makahiki 1120-mamua aku o ka Mesia.

1. *Owai ka makuwahine o Samuela?*

O Hana ka makuwahine o Samuela, kekahi wahine a Elekana i malama pono i ka Haku, ua nonoi aku oia ia ia i keiki kane nana, a ua hoohiki aku i ke Akua, e hoolilo loa i kana keiki ia Iehova, i kona mau la a pau.

2. *A loa ia Hana kana keiki o Samuela, a hoolaa ia ia i ka Haku, e noho pu ia me Eli, ma ka halelewa, heaha ka Hana olelo?*

Pule aku la o Hana, i aku la, 'Ke hauoli nei ko'u naau ia Iehova; nana no e malama mai na wawae o kona poe haipule; a o ko Iehova mau enemi, e pau lakou i ka ulupaia; mai ka lani mai oia e hoohekili mai ai maluna o lakou.'

3. *Owai o Eli?*

He kahuna nui o Eli, he lunakanawai hoi ia no ka Iseraela, aole nae ia i kaohi i kana mau keiki ma ka pono, nolaila ia i huhuia mai ai e ke Akua.

4. *Owai ka Eli mau keiki?*

O Hopeni a me Pinehasa, he mau kahuna no ia mau keiki a Eli, aole hoi laua i malama pono i ka ke Akua olelo, ua hookaha i ka mo-hai, a me ka moe kolohe.

5. *Aole anei i ao aku o Eli i kana mau keiki kolohe?*

Ua ao aku no o Eli i kana mau keiki, aole no laua i hoolohe mai, aole hoi o Eli i hoopai i ko laua hewa, aole hoi oia i hoonoho ia laua : mawaho, i oki ko laua kahuna ana.

6. *Pehea la i hoopaiia'i keia hewa o Eli, o me kana mau keiki ?*

Na ke Akua no i hoopai i ko lakou hewa. Kaua mai ko Pilisetia, a ua hēe ka Iseraela ia lakou, a manao ka Iseraela o ka pahuberita ka mea e pono ai, kii lakou e lawe, hele pu o Hopeni a me Pinehasa me ka pahuberita e kaua i ko Pilisetia, make ka Iseraela ia lakou he nui wale, make pu ua mau keiki la a Eli, a lilo ka pahuberita o ke Akua i ko lakou poe enemy ; a lohe o Eli ia mau mea me ka haalulu, haule iho la ia, hai iho la kona ai.

7. *Pehea iho la ko Pilisetia i ka pahuberita o ke Akua ?*

Ua waiho aku la ko Pilisetia i ka pahuberita iloko o ka Hale o Dagona, o ko lakou akua kii, a i ka po, hina iho la o Dagona imua o ka pahuberita ; kukulu hou lakou ia ia, a ia po iho, hina hou iho la ua akua lapuwale la, hemo loa iho la ua akua lapuwale la, hemo loa iho la kona poo, a me kona mau lima.

8. *Pehea ka hoihoi ana o ka pahuberita mai Pilisetia mai ?*

A pau na mahina ehiku, o ka waiho pio ana o ka pahuberita i ka aina o ko Pilisetia, manao lakou e hoihoi ia ia i ka Iseraela no ka makau, kauia'e la ia ma ke kaa, na na pipi makuwahine i hoihoi i ka pahuberita i ka aina o ka Iserae-

la, a loa ia lakou me ka olioli, kaumaha lakou ia mau pipi i mohai no ke Akua.

9. *Pehea ka Samuela olelo i ka Iseraela mahope iho o ka loa hou ana mai o ka pahuberita?*

Olelo aku la o Samuela i ka Iseraela, 'Ina e huli oukou ia Iehova, me ko oukou naau a pau, e haalele i na Akua e, e hoomakaukau i ko oukou naau no Iehova, a e malama aku ia ia wale no, alaila, e hoopakele mai oia ia oukou i ka lima o ko Pilisetia.

10. *Ua lohe anei ka Iseraela ia Samuela?*

Ae; ua lohe ka Iseraela i ka Samuela olelo, i iho la lakou, 'Ua hana hewa makou i ka Haku, e pule oe ia Iehova i ko kakou Akua, no makou i hoola mai oia ia kakou mai ka lima mai o ko Pilisetia.'

11. *Ua ko anei ka Samuela olelo?*

Ae, ua pule aku la o Samuela ia Iehova, a ua lohe mai no ia; a hookokoke mai ko Pilisetia e kua ia lakou, hoohékili mai la o Iehova maluna o ko Pilisetia, pau lakou i ke auhee me ka lukuia imua o ka Iseraela, ko iho la ka Samuela olelo, a me ka Hana, kukulu iho la o Samuela i ka pohaku, kapa iho la ia i kona inoa, o 'EBENEZERA,' i iho la, 'UA KO KUA MAI O IEHOVA IA KAKOU A HIKI LOA IA NEI.

§ XLV.

No ka lilo ana o Saula i Alii.

1. *Owai o Saula?*

He keiki ia a Kisa, he pua na Beniamina, he maikai kona kino, aohe lua iwaena o ka Iseraela.

2. *Pehea ka lilo ana o Saula i alii no ka Iseraela?*

A loihi ko Samuela lunakanawai ana maluna o ka Iseraela, alaila, olelo mai la lakou ia ia, E haawi mai oe ia makou i alii, i like pu makou me na aina e, i kua aku hoi ko makou alii i ke kua no makou. Ae aku la o Samuela, a poni iho la oia ia Saula, i ka mea a ka Haku i hoike mai ai, a hoolilo ia ia i alii.

3. *A ike na kanaka ia Saula i ko lakou alii, pehea ka lakou hoohe ana?*

Hoohe aku la na kanaka ia Saula, i aku la, 'E ola ke alii i ke Akua.'

4. *Pehea ka Samuela olelo i ka Iseraela ma hope iho o ko lakou noi ana i alii kanaka no lakou?*

Penei ka Samuela olelo i ka Iseraela, 'E ao aku au ia oukou, i ka aoao maikai a me ka pololei; e weliweli aku oukou ia Iehova, a e malama oiaio aku ia ia, me ko oukou naau a pau, no ka mea, e hoomanao oukou i na mea nui ana i hana mai ai no oukou, aka, ina ma ka hewa ka oukou hana ana, e pau auanei oukou i ka make, o oukou, a me ko oukou alii.'

5. *A hele mai ka Amona e kaula i ko Iabesa-gileada, pehea o Saula?*

A lohe o Saula, ua hoopuni ka Amona ia Iabesa-gileada e kana, a i ko lakou noi ana i ke ola, olelo mai la o Nahasa ko Amona alihi-kaua, e poaloia na maka akau a pau o ko Iabesa-gileada, a lilo lakou i kauwa nana, okioki liilii o Saula i kana mau pipi kauo, i iho la, 'Pela na pipi kauo a ke kanaka i hele ole mai mahope o Saula;' hui pu me ia ka Iseraela, ekolu haneri me kanakolu tausani, a luku aku la lakou i ka Amona.

§ XLVI.

No ka paulele o Ionatana, a me ke kaula ana me ko Pilisetia.

1. *Owai o Ionatana?*

O ke keiki ia a Saula, he kanaka paulele i ka Haku; oia ka mea i pono ai ka Iseraela, i ka wa i nawaliwali ai kanaka, me ka haalele ia Saula.

2. *No ke aha la ka nui o ko Saula kanaka i haalele ai ia ia?*

No ka makau i ka lehulehu loa o ko lakou poe enemy; no ka mea, ua hele nui mai la ko Pilisetia me na kaakaua he kanakolu tausani e kaula ia Saula ma; haalulu iho la ka Iseraela, pee aku la ka nui, koe mai eono paha ha-

neri kanaka me Saula, a me kana keiki o Ionatana, o laua wale no ka i lako i ka pahikaua ; nolaila hoi, no ko lakou uuku, a no ke kokoke ana mai o ko Pilisetia, lalau wale ai o Saula i ka mohai e kaumaha aku i ke Akua, aole i lohe pono i ka leo o Samuela o ke kaula.

3 *Pehea la i pono ai ka Iseraela ia Ionatana?*

No kona manaoio ; aole mea hiki ole ia Iehova ke haawi i ke ola i ka poe nui, a me ka poe uuku ; ua hele aku o Ionatana laua wale no me ka mea nana i hali kana mea kua, e pepehi aku i ko Pilisetia poe kua ; pepehi iho la laua ia lakou, he iwakalua i make ia laua ; alaila, haalulu iho la ka honua, kakahewahewa ae la ko Pilisetia ia lakou iho, auhee aku la lakou ; alaila, lulumi mai la ka Iseraela e kokua aku ia Ionatana ma, a nui iho la ko Pilisetia i pau ia lakou i ka lukuia. Aneane like loa o Ionatana me Gideon ; aka, ua olelo o Saula e make o Ionatana.

4. *Heaha ka hewa o Ionatana i manao mai ai o Saula e pepehi ia ia?*

O ka ai ana o Ionatana i ka meli i kona pololi ana, i kana alualu ana i ko Pilisetia ; ua hooihiki aku la o Saula e make ke kanaka ke ai ia la, aole hoi o Ionatana i ike i kona hooihiki ana, a me kona papa ana i kanaka ; aka, ua hooheha aku la o Saula ia ia e make.

5. *Ua make anei o Ionatana i kona makua kane?*

Aole ; ua pakele no ia, no ke aloha o kanaka ia Ionatana, i ko lakou mea i lanakila'i ; i

iho la lakou ia Saula, 'Aole e make o Ionatana ;' a ua malama pono ia mai no ia e ke Akua, a ua lilo ia i hoaaloha no Davida.

§ XLVII.

No ko Saula kua ana me ka Ameleka, a me kona hookuli ana.

1. *Pehea la ka ke Akua ia Saula i ke kua me ka Ameleka?*

Na Samuela ke kaula i hoike aku ka ke Akua kauoha ia Saula, no ko lakou hana ino ana mai ia lakou ma ka nahelehele, 'E hele e pepehi i ka Ameleka ; e luku i na kanaka, na wahine, na keiki, na pipi, na hipa, na kamelo, a me na hoki, aohe mea koe aku.'

2. *Pehea la o Saula i keia kauoha e luku i ka Ameleka?*

Hele no ia e luku i ka Ameleka ; aka, ua hookoe no ia ia Agaga, i ko Ameleka alii, a me na pipi maikai, a me na hipa maikai, aka, ua olelo aku oia ia Samuela, 'Ua hana aku au i ka ka Haku mea i kauoha mai ai ; ua hookoe nae na kanaka i na hipa, a me na pipi maikai, i mea e kaumaha aku ai ia Iehova.'

3. *Pehea iho la o Samuela?*

I aku la o Samuela ia Saula, 'O ka hoolohe ka pono ; aka, ua pale ae la oe i ka olelo a Iehova ; nolaila ia i pale ai i kou alii ana.' Pepehi iho la Samuela ia Agaga a make, a haalele aku la ia ia Saula.

§ XLVIII.

No Davida.

1. *Owai ka ke Akua mea i makemake ai i alii no ka Iseraela mahope iho o ko Saula hewa ana ?*

O Davida ke kahuhipa, o ka muli loa o ka Iese mau keiki, no Betelehemā ; oia ke kanaka maikai a ke Akua i koho mai ai i alii no ka Iseraela, ua poni aku la o Samuela ia ia e like me ka ke Akua kauoha ana mai ; aole nae i lilo koke ke aupuni ia ia, i kona wa kamalii.

2. *A uluhiaia iho la o Saula e ka uhane ino, heaha ka Davida hana i pono ai ia ?*

Ua hele mai la o Davida io Saula la e hula me ke akamai i ka mea kani, a ua kipaku aku la i ka uhane ino.

3. *Heaha ka hana kupaianaha a Davida i ka wa i kua mai ai ko Pilisetia ia Saula ma ?*

Ua pepehi aku la o Davida ia Golia, i ko Pilisetia kanaka koa, he kanaka nui loa a me ka ikaika, hookahi anana a me ka iwilei a me ke kapuwai hookahi o kona kiekie.

4. *No ke aha la i pepehi ai o Davida ia Golia?*

No ka aa ana mai ana i ka poe kua o ke Akua ; ua hele pinepine mai o ua o Golia me kona hookano, a me ka i ana mai, 'E ho mai kahi kanaka i hoakaua no'u ; a ina make au ia ia e lilo makou i kauwa na Saula, na ko oukou alii ; aka, ina make oia ia'u, e lilo mai oukou i kauwa na makou ; ke aa aku nei au i ko Iseraela poe kua.' Ike iho la o Davida,



DAVIDA LAUA ME GOLIA.

ua pau i ka hohe ka Iseraela, ohi iho la oia ma kahawai i na ala elima, a maa aku la oia i kekahi ala, pa ia, a komo aku la i ka lae o Golia, haule iho la ilalo ke alo; unuhi ae la o Davida i ka Golia pahikaua, a oki iho la i kona poo.

5. *No ke aha la i huhu ai o Saul i Davida mahope iho o ka make ana o Golia ia ia?*

No ke mele ana o na wahine; a ike iho la ko Pilisetia ua make ko lakou koa, pau lakou i ke auhee imua o ka Iseraela, he nui no hoi ka poe i make; alaila, mele aku la na wahine penei, 'He umi tausani ka Davida i pepehi ai, he tausani hoi ka Saula,' nolaila, i huhu ai o Saula ia Davida, hou aku la i ka ihe ia ia, ua alo ae la o Davida, pakele ae la no kona hili-nai ana i ka Haku. Alaila, hoolilo iho la o Saula ia Davida i lunatausani; hele naauao no ia imua o na kanaka, ua aloha lakou ia ia, a o Ionatana nae ka mea i aloha nui ia ia.

6. *A ike o Saula i ka naauao o Davida, pehea la kona manao ia ia?*

He manao makau a me ka huhu; kena aku la i kana kauwa e pepehi ia ia; aka, ua hoolaulea o Ionatana i kona makuakane; alaila, kua hou aku la o Davida ma i ko Pilisetia, he nui no ka poe i make ia ia.

7. *A huhu hou o Saula ia Davida a hou hou aku la i ka ihe ia ia, pahea la Davida?*

Alo hou ae la o Davida, a holo aku la i kona hale; kena iho la o Saula i kanaka e hele malaila, a e kiai a e pepehi ia ia i ke kakahiaka:

aka, ua kuu iho la o Mikala kana wahine ia ia mawaho o ka puka makani, pakele aku la ia ; waiho iho la o Mikala i ke kii ma ko Davida wahi i moe ai.

8. *A olelo huhu aku la o Saula ia Ionatana e kii aku ia Davida e lawe mai e make ia, pehea la o Ionatana ma ?*

Nināu mai la o Ionatana i kona makuakane, 'No ke aha la e pepehiia'i o Davida?' huhu iho la o Saula, a hou aku la i ka ihe ia ia, a hala ae la, hai aku la oia ia Davida ; holo aku la ia i ka aina e, a i kona pololi ana haawi aku la ke kahuna o Ahimeleka i ka berena laa ia ia, a me ka pahikaua a Golia ? a mahuka aku la ia i ka aina o ko Pilisetia, a noho ia me Akisa ke alii o ke kulanakauhale o Gata.

9. *U'ahaia o Ahimeleka ma?*

Ua huhuia e Saula, ua lukuia na kahuna he kanawalukumamalima ; ua kena aku la o Saula ia Doega no Edoma e pepehi ia lakou.

10. *A pee aku la o Davida i ke ana ma ka nahelehele, owai ka poe i hui pu me ia malaila ?*

O kona mau makua, a me kona poe hoahana, a me ka poe popilikia, a me ka poe aie, a me ka poe uluhua, ua hui pu lakou me Davida, lilo oia i luna no lakou. Ke aka no paha ia no ka hele ana o na kanaka io Iesu la, i lilo ia i alii no lakou.

11. *Pehea la o Saula ma i ka wa i pee ai o Davida ma ka nahelehele ?*

I ka wa i pee ai o Davida ma ka nahelehele, me ka olelo aku, 'O Iehova ko'u kokua, nana

no e hoopai i ka hewa o ko'u mau 'enemi;' ua imi pinepine aku o Saula ma ia ia me kona poe kua; aole hoi ke Akua i haawi mai ia ia i kona lima, aka, ua haawii'ku o Saula i ka lima o Davida.

12. *A haawi aku la ke Akua ia Saula i ka lima o Davida, pehea iho la ia?*

Ua aloha aku o Davida ia Saula, i ka mea i poniiia no ka Haku, aole ia i manao e pepehi; a komo walewale no o Saula i ke ana a Davida ma i pee ai, oki malu iho la o Davida i ke kihi o ko Saula aahu; a i kekahi manawa i hiamoe ai o Saula ma i ka po, kii maalea mai o Davida ma e lawe malu aku i ka Saula ihe e ku ana ma kona poo; ku mamao aku la o Davida, kahea mai la ia Abenera i ka Saula pukaua, hooheua mai la ia ia i kona malama pono ole ana i ke alii.

13. *Pehea la ko Saula manao i kona make ole ana ia Davida?*

A ike iho la o Saula i ka oiaio o ko Davida aloha, i iho la oia ia ia, 'Ua pono oe, ua hewa au; ua hana ino aku au ia oe, a ua hana pono mai oe ia'u.

14. *U'ahaia o Saula mahope iho o kona alu-
alu kolohe ana ia Davida?*

Ua popilikia iho la ia, ua hele hou mai ko Pilisetia e kua ia Saula ma, ua make aku o Samuela mamua, ua kipakuia'ku o Davida, ua luku e ia'ku na kahuna pule e ia, ua haaleleia mai la o Saula e ka Haku, aohe ona mea e pono ai, makau iho la ia, imi aku la i ka wa-

hine uhane ino, e hai mai i ka pono ia ia ; kua ikaika mai la ko Pilisetia ia ia, make na keiki ana ekolu, a ku iho la o Saula i ka pua, a haule iho la maluna iho o kana pahikaua, make iho la ia ma Gileboa.

15. *A lilo o Davida i alii no ka Iuda, owai ke alii no na ohana e ae a Iseraela?*

O Iseboseta ke keiki a Saula, na Abenera ia i hooalii ; kua loihi mai no ia ia Davida ma, a manao iho la o Abenera e haawi i ka Iseraela a pau ia Davida.

16. *U'ahaia o Abenera?*

Ua pepehi malu ia oia e Ioaba e ka Davida alihikaua, no ka make ana o kona kaikaina o Asahela ia Abenera i ke kua.

17. *U'ahaia o Iseboseta?*

Ua pepehi malu ia o Iseboseta e kana mau luna koa elua.

18. *A make o Iseboseta, pehea la o Davida?*

Hoopai aku la o Davida i na mea nana i pepehi malu aku o Iseboseta, alaila, hooliloia'e la ia i alii no ka Iseraela a pau ; waiho aku la ia i ka pahuberita ma Ierusalem : lanakila loa ae la ia maluna o kona mau enem i a pau, a he kanaha makahiki o kona alii ana.

19. *A pomaikai o Davida i ke aupuni nui, heaha la kona hewa?*

Ua moe kolohe aku o Davida ia Bateseba, i ka wahine a Auria, a ua kauoha aku ia Ioaba e waiho aku ia Auria i kahi e make ai i ke kua.

20. *Aole anei i mihi o Davida i kona hewa nui?*

Ua mihi loa o Davida i kona hewa nui ; ua hai aku i kona hewa i ke Akua, me ka pule aku ia ia e hoomaemae mai i kona naau, ua kakau iho la i ka halelu mihi i ke kanalimakumamakahi, ua kalaia mai hoi kona hewa, aka, ua loa ia ia kekahi poino i keia ao.

21. *Heaha ka pino o Davida i keia ao mahope o kona hewa ana ?*

Ua pepehi mai ke Akua i kana keiki a Bate-seba i hanau ai. Ua moe kolohe o Amenona ka Davida keiki ia Tamala, i ko Abesaloma kaikuawahine ; pepehi aku la o Abesaloma ia Amenona a make, a mahope iho, kipi aku la oia i kona makuakane, kipaku aku la ia ia mai loko aku o Ierusalema, moe kolohe no i kana mau wahine ; a ua kipi hou mai la o Seba ia ia : oia hoi kekahi mau mea i pino ai o Davida no kona hewa.

22. *A auhee iho la o Davida ia Abesaloma, a kakau iho la i ke kolu o ka Halelu, u'ahaia o Abesaloma ?*

Ua pepehi koke ia no o Abesaloma, i kona alualu ana i kona makuakane ; a i ke kua ana me Ioaba ma, holo kona miula malalo ae o ka laau, hihia loa iho la kona poo i ka lalalaau, a kau no ilaila, a hou aku la o Ioaba i kona naau i na kaolele ekolu, a make, pino no ia i kona hewa, a ua uwe nui ia iho la ia e Davida.

23. *U'ahaia o Seba o ke kipi mahope iho o Abesaloma ?*

Ua okiia kona poo, a ua kiolaia ia mawaho

o ka pa o ke kulanakauhale, kahi i alualu aku ai o Ioaba ia ia.

24. *A maluhia ko Davida aupuni, pehea iho ia ia?*

A pakele o Davida i kona mau enemi a pau, hoomaha iho la ke kaula ana, kakau iho la ia i ka umikumamawalu o ka Halelu, a helu iho la i ka Iseraela, a make i ka mai luku, he kanahiku tausani o kona kanaka, a mahope iho, i kona wa elemakule, haawi iho la i kona aupuni i kana keiki ia Solomona, me kana kauoha maikai.

25. *Heaha ka Davida kauoha maikai ia Solomona?*

Eia ka Davida kauoha maikai ia Solomona, 'E hooikaika oe, e malama i ke kauoha a kou Akua, a e hele ma kona mau kapu, a me kona mau kanawai, a me kana mau olelo a pau; i pomaikai oe i ka mea a pau au e hana aku ai.'

§ XLIX.

No Solomona.

1. *Pehea ko Solomona alii ana?*

He maikai loa ko Solomona alii ana; he aupuni nui kona, mai ka muliwai o Euperate, a i ke Kaiwaenahonua, a i ke kihi o Aigupita, he maluhia nae; ua makemake aku la oia ia Iehova, a ua hele no ia ma ke kauoha a Davida.

2. *A i ka wa a Solomona i kaumaha aku ai i na mohaikuni, hookahi tausani ma Gibeona, heaha ka mea a ka Haku i olelo mai ai ia ia?*

I mai la ka Haku ia Solomona, 'E noi mai oe i ka mea a'u e haawi aku ai ia oe.'

3. *Heaha ka mea a Solomona i noi aku ai i ka Haku?*

O ka naauao, ka mea a Solomona i noi aku ai i ka Haku, i hiki ai ia ia ke malama pono aku i ko ke Akua poe kanaka.

4. *Ua loaa anei ia Solomona kana mea i noi aku ai?*

Ae; ua haawi mai no ke Akua i ka naauao ia Solomona, a haawi hou mai no oia ia ia i ka waiwai a me ka hanohano; aohe alii e ae e like me ia.

5. *No ke aha la i pepehi ai o Solomona ia Ioaba?*

No ka Ioaba pepehi malu ana ia Abenera, a me Amasa, na alihikaua nui, i ko laua manawa i manao ai e hana pono ia Davida.

6. *No ke aha la i pepehiia'i o Adonia, o ke kaikuaana o Solomona?*

No kona mau hewa nui elua, o kona hooalii ana ia ia iho i ko Davida wa elemakule, a o kona noi ana i ke alii ia Abisaga, i kekahi wahine a Davida i wahine nana.

7. *I ka hoopaapaa ana o na wahine elua i ke keiki make, a me ke keiki ola a laua, pehea la i loaa'i ia Solomona ka makuwahine o ke keiki ola?*

I aku la o Solomona, 'E lawe mai i ka pahikaua, a e hookaawale i ke keiki ola; ae mai

la kekahi wahine, aka, hoole ae la ka maku-wahine, 'Aole loa e pepehi.' I mai la o Solomona, 'Oia ka makuwahine, e haawi aku i ke keiki ia ia : ' makau iho la na kanaka ia Solomona i kona akamai io ; aohē kanaka e ae e like me ia ; aka, o Iesu ka mea i oi loa aku mamua ona.

8. *Heaha ka mea kupanaha a Solomona i hana aku ai i ke Akua ?*

O ka luakini nui ka mea kupanaha a Solomona i hana aku ai i hale pule no Iehova, e like me kana olelo ia Davida i kahi e hoomana ai o ka Iseraēla i ke Akua, a e kaumaha aku ai i na mohai.

9. *Heaha ke ano o ka luakini a Solomona i hana'i ?*

Iwakalua kubita o ka laula o ka luakini, kanaono kubita o ka loa, kanakolu ke kiekie, okoa hoi na keena, ekolu papa i hookuiia ma-waho a puni, okoa hoi kona ranai, kahi e komo ai ma ke kala, ekolu kanaha kubita o kona kiekie, ua hoopiliia hoi ka laau a me ka pohaku i ke goulda, he nui wale ; aohē hale e ae e like me ia.

10. *Nohea mai ke goulda he nui wale i kapili-ia'i ma ka laau a me ka pohaku o ka luakini ?*

He nui wale ke goulda, a me ke kala a Davida a me kona poe kanaka i haawi olioli mai ai mamua no ka hale o ke Akua, he nui no hoi ka Solomona.

11. *Owai ke ahii a Solomona i hoolimalima ai i ka laau no ka luakini ?*

O Hirama, ke alii no Turo, ka hoaaloa o Davida, oia ka mea a Solomona i hoolimalima ai i ka laau ma Lebanona, no ka luakini.

12. *Ehia la o Solomona kanaka i hana'i i ka laau, a me ka pohaku, no ka luakini?*

Kanakolu tausani i kua i ka laau, kanawalu tausani i kalai pohaku, kanahiku tausani i halihali i ka mea kaumaha.

13 *Ehia la makahiki o ka Solomona hana ana i ka luakini?*

Ehiku makahiki o ka Solomona hana ana i ka luakini; a paa, waiho ae la ia i ka pahu-berita iloko o kahi hoano loa, a me na kerubima nui elua, alaila, hoolaa aku la oia i ka hale ia Iehova, i ka makahiki hookahi sautani a me kumamaha, mamua aku o ka Mesia.

14. *Pehea la o Solomona i hoolaa ai i ka luakini o Iehova?*

Houluulu mai la o Solomona i ka Iseraela, a hoolaa aku la i ka luakini ia Iehova, me ka pule pono aku ia ia imua o ke alo o ka Iseraela, a me ka mohai nui ana aku i na pipi he iwakalua a me kumamalua tausani, a me na hipa hookahi haneri a me ka iwakalua tausani, me ka hoolaa nui aku i ke Akua.

15. *A pau ka Solomona pule ana, pehea la i hoi-ke mai ai ke Akua i kona makemake ana i ka luakini?*

Ua iho mai la ke ahi mai ka lani mai i pau ai na mohaikuni, a ua hoopihaiia ka hale i ka nani o Iehova; i iho la oia ia Solomona, 'Ua lohe au i kau pule, ua koho au i keia hale, i kahi e waiho mau ai ko'u inoa.'

16. *Owai ka mea i hele mai i ike i ko Solomona akamai?*

O na alii a pau o ka honua, a o ke aliwahine, no Seba kekahi, (ka mea a Iesu i olelo mai ai :) a ninau mai la oia ia Solomona i ka mea hihia, a me ka mea paakiki, a ua pau i ka hoakakaia'ku e ia ; mahalo loa oia i kona naauao, a me ka mea kupanaha ana i hana'i.

17. *Ehia la a Solomona mau mele i kakau ai?*

Hookahi tausani a me kumamalima ka Solomona mau mele i kakau ai, he nui nae na palapala e ae ana i palapala'i, ekolu wale no palapala ana i koe mai, a keia manawa.

18. *Owai ka mea i hoowalewale ia Solomona?*

O kana mau wahine no na aina e, o na mea i malama ole ia Iehova, na lakou no ia i hoowalewale e hele ma ko lakou aoao ino.

19. *Heaha ka Solomona olelo no ka hoowalewale ana?*

I mai la o Solomona, 'E ka'u keiki, ina e hoowalewale mai ka poe hewa ia oe, mai ae aku oe.'

20. *A i ka ae ana o Solomona i ka poe hoowalewale ia ia e malama i na kii, pehea mai ke Akua ia ia?*

I mai la ke Akua ia Solomona, 'No kau hana hewa ana i keia, e hemo no kou aupuni, a e lilo aku ia i kau kauwa, e koe mai no hoi kekahi ohana no kau keiki, no ka pono o Davida.

21. *Heaha ka Solomona olelo hoikaika i kona wa i mihi ai i kona hewa?*

no e hoopai i ka hewa o ko'u mau 'enemi;' ua imi pinepine aku o Saula ma ia ia me kona poe kua; aole hoi ke Akua i haawi mai ia ia i kona lima, aka, ua haawii'ku o Saula i ka lima o Davida.

12. *A haawi aku la ke Akua ia Saula i ka lima o Davida, pehea iho la ia?*

Ua aloha aku o Davida ia Saula, i ka mea i poniiia no ka Haku, aole ia i manao e pepehi; a komo walewale no o Saula i ke ana a Davida ma i pee ai, oki malu iho la o Davida i ke kihi o ko Saula aahu; a i kekahi manawa i hiamoe ai o Saula ma i ka po, kii maalea mai o Davida ma e lawe malu aku i ka Saula ihe e ku ana ma kona poo; ku mamao aku la o Davida, kahea mai la ia Abenera i ka Saula pukaua, hooheua mai la ia ia i kona malama pono ole ana i ke alii.

13. *Pehea la ko Saula manao i kona make ole ana ia Davida?*

A ike iho la o Saula i ka oiaio o ko Davida aloha, i iho la oia ia ia, 'Ua pono oe, ua hewa au; ua hana ino aku au ia oe, a ua hana pono mai oe ia'u.

14. *U'ahaia o Saula mahope iho o kona alu-alu kolohe ana ia Davida?*

Ua popilikia iho la ia, ua hele hou mai ko Pilisetia e kua ia Saula ma, ua make aku o Samuela mamua, ua kipakuia'ku o Davida, ua luku e ia'ku na kahuna pule e ia, ua haaleleia mai la o Saula e ka Haku, aohe ona mea e pono ai, makau iho la ia, imi aku la i ka wa-

hine uhane ino, e hai mai i ka pono ia ia ; kua ikaika mai la ko Pilisetia ia ia, make na keiki ana ekolu, a ku iho la o Saula i ka pua, a haule iho la maluna iho o kana pahikaua, make iho la ia ma Gileboa.

15. *A lilo o Davida i alii no ka Iuda, owai ke alii no na ohana e ae a Iseraela ?*

O Iseboseta ke keiki a Saula, na Abenera ia i hooalii ; kua loihi mai no ia ia Davida ma, a manao iho la o Abenera e haawi i ka Iseraela a pau ia Davida.

16. *U'ahaia o Abenera ?*

Ua pepahi malu ia oia e Ioaba e ka Davida alihikaua, no ka make ana o kona kaikaina o Asahela ia Abenera i ke kua.

17. *U'ahaia o Iseboseta ?*

Ua pepahi malu ia o Iseboseta e kana mau luna koa elua.

18. *A make o Iseboseta, pehea la o Davida ?*

Hoopai aku la o Davida i na mea nana i pepahi malu aku o Iseboseta, alaila, hooliloia'e la ia i alii no ka Iseraela a pau ; waiho aku la ia i ka pahuberita ma Ierusalem : lanakila loa ae la ia maluna o kona mau enem i a pau, a he kanaha makahiki o kona alii ana.

19. *A pomaikai o Davida i ke aupuni nui, heaha la kona hewa ?*

Ua moe kolohe aku o Davida ia Bateseba, i ka wahine a Auria, a ua kauoha aku ia Ioaba e waiho aku ia Auria i kahi e make ai i ke kua.

20. *Aole anei i mihi o Davida i kona hewa nui ?*

Ua mihi loa o Davida i kona hewa nui ; ua hai aku i kona hewa i ke Akua, me ka pule aku ia ia e hoomaemae mai i kona naau, ua kakau iho la i ka halelu mihi i ke kanalimakumamakahi, ua kalaia mai hoi kona hewa, aka, ua loaa ia ia kekahi poino i keia ao.

21. *Heaha ka porno o Davida i keia ao mahope o kona hewa ana ?*

Ua pepehi mai ke Akua i kana keiki a Bate-seba i hanau ai. Ua moe kolohe o Amenona ka Davida keiki ia Tamala, i ko Abesaloma kaikuawahine ; pepehi aku la o Abesaloma ia Amenona a make, a mahope iho, kipi aku la oia i kona makuakane, kipaku aku la ia ia mai loko aku o Ierusalem, moe kolohe no i kana mau wahine ; a ua kipi hou mai la o Seba ia ia : oia hoi kekahi mau mea i poino ai o Davida no kona hewa.

22. *A auhee iho la o Davida ia Abesaloma, a kakau iho la i ke kolu o ka Halelu, u'ahaia o Abesaloma ?*

Ua pepehi koke ia no o Abesaloma, i kona alualu ana i kona makuakane ; a i ke kaua ana me Ioaba ma, holo kona miula malalo ae o ka laau, hihia loa iho la kona poo i ka lalalaau, a kau no ilaila, a hou aku la o Ioaba i kona naau i na kaolele ekolu, a make, poino no ia i kona hewa, a ua uwe nui ia iho la ia e Davida.

23. *U'ahaia o Seba o ke kipi mahope iho o Abesaloma ?*

Ua okiia kona poo, a ua kiolaia ia mawaho

o ka pa o ke kulanakauhale, kahi i alualu aku ai o Ioaba ia ia.

24. *A maluhia ko Davida aupuni, pehea iho la ia?*

A pakele o Davida i kona mau enemi a pau, hoomaha iho la ke kaula ana, kakau iho la ia i ka umikumamawalu o ka Halelu, a helu iho la i ka Iseraela, a make i ka mailuku, he kanahiku tausani o kona kanaka, a mahope iho, i kona wa elemakule, haawi iho la i kona aupuni i kana keiki ia Solomona, me kana kauoha maikai.

25. *Heaha ka Davida kauoha maikai ia Solomona?*

Eia ka Davida kauoha maikai ia Solomona, 'E hooikaika oe, e malama i ke kauoha a koe Akua, a e hele ma kona mau kapu, a me kona mau kanawai, a me kana mau olelo a pau; i pomaikai oe i ka mea a pau au e hana aku ai.'

§ XLIX.

No Solomona.

1. *Pehea ko Solomona alii ana?*

He maikai loa ko Solomona alii ana; he aupuni nui kona, mai ka muliwai o Euphrate, a i ke Kaiwaenahoua, a i ke kihi o Aigupita, he maluhia nae; ua makemake aku la oia ia Iehova, a ua hele no ia ma ke kauoha a Davida.

2. *A i ka wa a Solomona i kaumaha aku ai i na mohaikuni, hookahi tausani ma Gibeona, heaha ka mea a ka Haku i olelo mai ai ia ia?*

I mai la ka Haku ia Solomona, 'E noi mai oe i ka mea a'u e haawi aku ai ia oe.'

3. *Heaha ka mea a Solomona i noi aku ai i ka Haku?*

O ka naauao, ka mea a Solomona i noi aku ai i ka Haku, i hiki ai ia ia ke malama pono aku i ko ke Akua poe kanaka.

4. *Ua loa anei ia Solomona kana mea i noi aku ai?*

Ae; ua haawi mai no ke Akua i ka naauao ia Solomona, a haawi hou mai no oia ia ia i ka waiwai a me ka hanohano; aohe alii e ae e like me ia.

5. *No ke aha la i pepehi ai o Solomona ia Ioaba?*

No ka Ioaba pepehi malu ana ia Abenera, a me Amasa, na alihikaua nui, i ko laua manawa i manao ai e hana pono ia Davida.

6. *No ke aha la i pepehiia'i o Adonia, o ke kaikuaana o Solomona?*

No kona mau hewa nui elua, o kona hooalii ana ia ia iho i ko Davida wa elemakule, a o kona noi ana i ke alii ia Abisaga, i kekahi wahine a Davida i wahine nana.

7. *I ka hoopaapaa ana o na wahine elua i ke keiki make, a me ke keiki ola a laua, pehea la i loa'a'i ia Solomona ka makuwahine o ke keiki ola?*

I aku la o Solomona, 'E lawe mai i ka pahikaua, a e hookaawale i ke keiki ola; ae mai

la kekahi wahine, aka, hoole ae la ka maku-wahine, 'Aole loa e pepehi.' I mai la o Solomona, 'Oia ka makuwahine, e haawi aku i ke keiki ia ia : ' makau iho la na kanaka ia Solomona i kona akamai io ; aohē kanaka e ae e like me ia ; aka, o Iesu ka mea i oi loa aku mamua ona.

8. *Heaha ka mea kupanaha a Solomona i hana aku ai i ke Akua ?*

O ka luakini nui ka mea kupanaha a Solomona i hana aku ai i hale pule no Iehova, e like me kana olelo ia Davida i kahi e hoomana ai o ka Iseraēla i ke Akua, a e kaumaha aku ai i na mohai.

9. *Heaha ke ano o ka luakini a Solomona i hana'i ?*

Iwakalua kubita o ka laula o ka luakini, kanaono kubita o ka loa, kanakolu ke kiekie, okoa hoi na keena, ekolu papa i hookuiia mawaho a puni, okoa hoi kona ranai, kahi e komo ai ma ke kala, ekolu kanaha kubita o kona kiekie, ua hoopiliia hoi ka laau a me ka pohaku i ke goulda, he nui wale ; aohē hale e ae e like me ia.

10. *Nohea mai ke goulda he nui wale i kapiliia'i ma ka laau a me ka pohaku o ka luakini ?*

He nui wale ke goulda, a me ke kala a Davida a me kona poe kanaka i haawi olioli mai ai mamua no ka hale o ke Akua, he nui no hoi ka Solomona.

11. *Owai ke ahii a Solomona i hoolimalima ai i ka laau no ka luakini ?*

O Hirama, ke alii no Turo, ka hoaaloha o Davida, oia ka mea a Solomona i hoolimalima ai i ka laau ma Lebanona, no ka luakini.

12. *Ehia la o Solomona kanaka i hana'i i ka laau, a me ka pohaku, no ka luakini?*

Kanakolu tausani i kua i ka laau, kanawalu tausani i kalai pohaku, kanahiku tausani i halihali i ka mea kaumaha.

13 *Ehia la makahiki o ka Solomona hana ana i ka luakini?*

Ehiku makahiki o ka Solomona hana ana i ka luakini; a paa, waiho ae la ia i ka pahu-berita iloko o kahi hoano loa, a me na kerubima nui elua, alaila, hoolaa aku la oia i ka hale ia Iehova, i ka makahiki hookahi sautani a me kumamaha, mamua aku o ka Mesia.

14. *Pehea la o Solomona i hoolaa ai i ka luakini o Iehova?*

Houluulu mai la o Solomona i ka Iseraela, a hoolaa aku la i ka luakini ia Iehova, me ka pule pono aku ia ia imua o ke alo o ka Iseraela, a me ka mohai nui ana aku i na pipi he iwakalua a me kumamalua tausani, a me na hipa hookahi haneri a me ka iwakalua tausani, me ka hoolea nui aku i ke Akua.

15. *A pau ka Solomona pule ana, pehea la ihoike mai ai ke Akua i kona makemake ana i ka luakini?*

Ua iho mai la ke ahi mai ka lani mai i pau ai na mohaikuni, a ua hoopihaiia ka hale i ka nani o Iehova; i iho la oia ia Solomona, 'Ua lohe au i kau pule, ua koho au i keia hale, i kahi e waiho mau ai ko'u inoa.'

16. *Owai ka mea i hele mai i ike i ko Solomona akamai?*

O na alii a pau o ka honua, a o ke aliwahine, no Seba kekahi, (ka mea a Iesu i olelo mai ai :) a ninau mai la oia ia Solomona i ka mea hibia, a me ka mea paakiki, a ua pau i ka hoakakaia'ku e ia ; mahalo loa oia i kona naauao, a me ka mea kupanaha ana i hana'i.

17. *Ehia la a Solomona mau mele i kakau ai?*

Hookahi tausani a me kumamalima ka Solomona mau mele i kakau ai, he nui nae na palapala e ae ana i palapala'i, ekolu wale no palapala ana i koe mai, a keia manawa.

18. *Owai ka mea i hoowalewale ia Solomona?*

O kana mau wahine no na aina e, o na mea i malama ole ia Iehova, na lakou no ia i hoowalewale e hele ma ko lakou aoao ino.

19. *Heaha ka Solomona olelo no ka hoowalewale ana?*

I mai la o Solomona, 'E ka'u keiki, ina e hoowalewale mai ka poe hewa ia oe, mai ae aku oe.'

20. *A i ka ae ana o Solomona i ka poe hoowalewale ia ia e malama i na kii, pehea mai ke Akua ia ia?*

I mai la ke Akua ia Solomona, 'No kau hana hewa ana i keia, e hemo no kou aupuni, a e lilo aku ia i kau kauwa, e koe mai no hoi kekahi ohana no kau keiki, no ka pono o Davida.

21. *Heaha ka Solomona olelo hoikaika i kona wa i mihi ai i kona hewa?*

I mai la o Solomona, "E makau aku i ke Akua, a e malama i kona kanawai, oia ka pono nui no kanaka ; no ka mea, e lawe mai no ke Akua i na hana a pau iloko o ka ahaolelo, o ka mea pono, a me ka mea hewa."

§ L.

No Rehoboama, a me Ieroboama, a me ka laua mau keiki, a me ka mokuahana ana o ka Iseraela, a me na moo alii.

1. *A make o Solomona iawai la kona aupuni?*

Lilo kona aupuni i kana keiki ia Rehoboama ; aka, ua mokuahana koke iho la no ia ia laua me Ieroboama.

2. *Pehea ka Ieroboama olelo a me ka ka poe kanaka ia Rehoboama ?*

I aku la Ieroboama a me na kanaka, 'Ua hookaumaha mai kou makuakane i ka makou auamo, e hoomama iki ae oe ia makou.'

3. *Pehea mai la o Rehoboama ?*

I mai la o Rehoboama, 'A i ka po akolu hoi mai oukou ;' ninau aku la oia i ka poe kahiko i malama i kona makuakane ia Solomona, i aku la, 'Heaha ka oukou manao ia'u e hai aku ai i kanaka ?'

4. *Pehea ka ka poe kahiko ia Rehoboama ?*

I aku la ka poe kahiko, 'Ina e lokomaikai aku oe i kanaka, e malama mau mai no lakou ia oe.'

5. *Pehea o Rehoboama ?*

Ua haalele o Rehoboama i ka manao o ka poe kahiko, a ua huli mahope o ka manao o na kamalii i hanai pu ia'i me ia, ka poe i olelo mai, 'E hookaumaha hou aku oe i ka auamo a kou makuakane i kau ai maluna o kanaka.'

6. *A i ko Rehoboama hoolohe ole ana i ka pono, pehea iho la na kanaka ?*

Haalele koke no ka nui o ka Iseraela ia Rehoboama, hailuku aku lakou i kona luna auhau, ia Adorama, kuokoa na ohana he umi, a o Ieroboama ke kauwa a Solomona ko lakou alii ; koe mai hoi na ohana elua, o ka Iuda a me ka Beniamina, a me na kahuna, mamuli o ka Davida ma lakou, a o ko lakou aupuni, ua kapaia iho la : 'O ke aupuni o Iuda ;' a o na ohana e ae he umi me ko lakou mooalii okoa, ua kapaia iho la ko lakou aupuni, 'O ke aupuni o Iseraela.'

7. *Owai na'lii o ke aupuni o Iuda ?*

O keia mau alii he iwakalua, o Rehoboama, o Abiama, o Asa, o Iehosapata, o Iehorama, o Ahazia, o Atalia ke aliiwahine, o Iehoasa, o Amazia, o Uzia, o Iotama, o Ahaza, o Hezekia, o Manase, o Amona, o Iosia, o Iehoahaza, o Iehoiakima, o Iehoiakina, a me Zedekia ; o lakou ka poe alii no ke aupuni o Iuda, mai ka wa ia Solomona a hiki i ka manawa i pio ai lakou i Babulona, eha haneri makahiki.

8. *Owai ka poe alii no na ohana he umi, no ke aupuni o Iseraela ?*

O keia mau alii he umikumamalima, o Iero-

boama I., o Nadaba, o Baasa, o Ela, o Zimeri, o Omeri, o Ahaba, o Ahazia, o Iehorama, o Iehu, o Iehoaza, o Ioasa, o Ieroboama II., o Zakaria, o Saluma, o Menahema, o Pekahia, o Peka, a me Hosea ; o lakou ka poe alii hewa no na ohana he umi no ke aupuni o Iseraela, mai ka mokuahana ana a hiki i ko lakou pio ana i Babulona.

9. Heaha ko Ieroboama hewa nui i ka wa ia ia ke aupuni o Iseraela ?

O kona hoohiolo ana i ka Iseraela ma ke kii ; no ka mea, aole o Ieroboama i makemake e hele kona poe kanaka i Ierusalema e hoomana ia Iehova, o lilo hou lakou mamuli o ka Davida ma ; hana iho la oia i na kii gould elua, kaumaha aku la oia me na kanaka i ka mohai ia mau akua wahahee.

10. A ao mai la ke kaula a ke Akua ia Ieroboama no kona hewa, pehea iho la ia ?

Kikoo aku la kona lima, i iho la, 'E paa aku ia ia ;' maloo koke iho la kona lima, alaila, i aku la oia i ke kaula, 'E pule aku oe ia Iehova i kou Akua no'u, i ola kuu lima.'

11. Pehea ko Rehoboama noho ana ia manawa?

Aole o Rehoboama i noho paa ma ka pono a kona makua a Solomona i kauoha mai ai ia ia ; aka, ua huli no ia e malama i na akua wahahee ; a hookuu mai ke Akua ia Sisaka i ko Aigupita alii, e hele mai e kaula ikaika ia Rehoboama, a ua lawe wale aku i kona waiwai, a me kekahi waiwai o ka hale o Iehova, a me na paku gould a Solomona i hana'i.

12. *Pehea la i hoopaiia'i ko Ieroboama ma hewa i keia ao ?*

Ua lukuia kona poe kanaka i ke kaua, elima haneri tausani ; ua lilo kana mau keiki i ka ilio, a me ka manu o ka lewa, hookahi wale no i koe, o Abiia ka mea i malama i ka Haku.

13. *Owai ka mea nana i luku o ko Ieroboama poe kanaka he nui wale ?*

O Abiama* ke keiki a Rehoboama ; a make aku la kona makuakane, lilo iho la ke aupuni o Iuda ia ia, manao iho la ia e kii aku e hoi-hoi mai i na ohana he umi, i ka poe i lilo ia Ieroboama, kii aku no ia ia lakou me na kanaka eha haneri tausani, olelo aku la ia lakou, 'Ua haawi mai ke Akua i ke aupuni o Iseraela ia Davida, a me kana mau keiki ; o ke Akua me makou, aole o oukou pomaikai.'

14. *Pehea iho la o Ieroboama ma i ka Abiama olelo ?*

Kaua nui mai o Ieroboama, a me kona poe kanaka ewalu haneri tausani ; auhee iho la lakou imua o Abiama ma, mai pau lakou i ka lukuia, ekolu wale no haneri tausani i koe ; ua lanakila o Abiama ma, no ko lakou hilina'i ana ia Iehova.

15. *A pepehi mai ka Haku ia Ieroboama a make, iawai kona aupuni ?*

Lilo iho la ke aupuni o Iseraela i kana keiki ia Nadaba, elua makahiki ; alaila, kipi mai o

* O Abiia kekahi inoa ona.

Baasa, a make o Nadaba ia ia ; lilo no Baasa i alii, a pepehi loa oia i ko Ieroboama hale a pau.

§ LI.

No Asa.

1. *Owai la o Asa ?*

O ke keiki ia a Abiama, he alii maikai ia no ke aupuni o Iuda ; hookahi kanaha makahiki a me kumamakahi o kona alii ana ma Ierusalem.

2. *Heaha ka Asa olelo i kona poe kanaka ?*

Ua olelo pono aku o Asa i kona poe kanaka e imi aku ia Iehova, i ke Akua o kolakou mau makua, a e malama pono hoi i kona kanawai, a me kana mau kauoha, pela hoi keia alii i hoopololei ai i kona aupuni.

3. *I ko Asa noho pono gna, owai ka alihikaua nui i kaua mai ia ia ?*

O Zera, ka alihikaua no Aitiopa.

4. *Ehia o Zera kanaka kaua i hele mai me ia ?*

Ua hele o Zera me na kanaka hookahi miliona, a me na kaakaua ekolu kaneri, e kaua wale mai ia Asa ma.

5. *Ehia o Asa mau kanaka kaua ?*

Ekolu haneri tausani o ka Iuda, i makaukau i ka ihe a me ka paku, elua haneri a me kanawalu tausani o ka Beniamina i makaukau

i ke kakaka a me ka paku, o lakou no ko Asa
poe kanaka kaua.

6. *Pehea la o Asa ma i pono ai ke kaua aku i
ko Zera poe kanaka he nui loa ?*

Pule aku la o Asa ia Iehova, i aku la, 'E
hiki wale no ia oe ke kokua mai me ka poe
nui, a me ka poe mana ole ; e kokua mai oe ia
makou, e Iehova, e ko makou Akua ; no ka
mea, na hilinai aku makou ia oe ; a iloko hoi
o kou inoa e hoouka aku ai makou i kela poe
lehulehu loa.' Kaua iho la lakou ; pepehi mai
la ke Akua i ko Aitiopa imua o ke alo o Asa,
auhee lakou, a lanakila loa ae la o Asa ma ; a
ua hoi pomaikai mai la i Ierusalem, me ka
waiwai pio he nui loa.

7. *Heaha ka olelo maikai a ke kaula a Aza-
ria ia Asa ma ?*

I aku la o Azaria ia Asa ma, penei, 'E hoo-
lohe mai oukou ia'u, e Asa, a me ka Iuda, a
me ka Beniamina a pau ; o Iehova pu kekahi
me oukou i ka wa e noho pu aku ai oukou me
ia ; e loa mai no oia ia oukou ke imi aku ou-
kou ia ia ; aka, ina e haalele aku oukou ia ia,
e haalele mai no ia ia oukou.'

8. *Pehea ko Asa aloha i ke Akua i kona lana-
kila ana ?*

Ua houtrulu mai la o Asa i kona poe kana-
ka ma Ierusalem ma ka luakinī, kaumaha
aku la i na pipi pio ehiku haneri, a me na hipa
pio ehiku tausani, a ua hoohiki lakou, e imi
lakou ia Iehova me ko lakou naau a pau ; ho-
kai iho la o Asa i na kii akua ma Iudea, a ua

hemo no ke alii ana o kona makuwahine o Maaka, no kona hana ana i kii nona, a ua kio-la i kona kii i ke ahi ; a ua hana aku no o Asa i ka mea pono imua o ke alo o Iehova.

9. *Pehea iho la ko Asa aupuni ?*

Maluhia iho la ko Asa aupuni, aole i kauaia mai e kekahi aina, a hiki i ke kanakolukuma-malima makahiki o kona alii ana ; a i ke ono hoi, manao mai la o Baasa ke alii o ka Iseraela e kolohe mai ia ia ; a kii aku la o Asa ia Benehadada ke alii o Suria e kokua mai ia ia, o kona kina no ia, a lilo ko Asa aupuni i kana keiki ia Iehosapata.

§ LII.

No Baasa, a me Ela, a me Zimeri, a me Omeri, na'lii o ka Iseraela.

1. *Pehea ko Baasa alii ana ?*

Ua alakai hewa no o Baasa i ka Iseraela, nolaila i olelo mai ai ka Haku, e kailiia'ku kana mau keiki.

2. *A i ka make ana o Baasa iawai kona aupuni?*

Lilo ko Baasa aupuni ia Ela i kana keiki, elua makahiki o kona alii ana.

3. *U'ahaia o Ela ?*

Ua pepehi malu ia o Ela, i kona inu ana a ona iloko o ka hale o kana puuku o Areza.

4. *Nawai o Ela i pepehi ?*

Na kekahi luna kaakaua o Ela, na Zímeri, a ua hooalii iho la oia ia ia iho i alii no ka Iseraela ; a make ia ia ko Baasa hale a pau.

5. *Pehea ka loihi o ko Zimeri alii ana ?*

Ehiku wale no la o ko Zimeri alii ana ; ua hooalii no nae ka Iseraela ia Omeri i alii no lakou ; alaila, puhi iho la o Zimeri i kona hale maluna iho ona, a make iho la oia ia ia iho.

6. *Pehea ko Omeri alii ana ?*

Ua hana hewa loa no o Omeri, ua hoohalike me Ieroboama, he umikumamalus makahiki o kona alii ana ; alaila make ia, a lilo ke aupuni ia Ahaba.

§ LIII.

No Ahaba, a me kana wahine, a me Elia ke kaula, a me Iehosapata, a me Benehadada.

1. *Pehea la ko Ahaba alii ana ?*

Hewa loa aku la o Ahaba i kona alii ana maluna o ka Iseraela ; ua mare aku la oia ia Izebela i ka wahine no ka aina e, a ua hooikaikaisia mai no ia e ia e hana ino ; kolohe pu iho laua a malama aku la ia Baala i ko laua akua hoopunipuni ; aka, o kona kahu o ka luna o kona hale, o Obadia kona inoa, he kanaka malama pono no ia ia Iehova.

2. *Heaha ka olelo a ke kaula a Elia ia Ahaba no kona hewa ana ?*

I aku la o Elia ia Ahaba, 'Aole e ua mai ka ua i keia mau makahiki ekolu ;' nui iho la ka papaala.

3. *Pehea i loa'a'i ia Elia ka ai ia mau makahiki papaala ?*

Pee iho la o Elia ma ke kahawai o Kerisa hookahi makahiki, na na manu koraka i hali-hali mai i ai nana i kela la i keia la ; hele aku la ia i ka wahinekanemake i Serepetā, nana no Elia i hanai mai i na makahiki elua ; aole nae i emi kana pahu palaoa a me kona hue aila.

4. *Heaha ka Elia hana mana no kona makamaka ?*

A make ke keiki a ka wahinekanemake, na Elia no ia i hoolā hou.

5. *A hoi mai Elia i ka Iseraela, pehea kana hana iluila !*

Halawai no Elia me Ahaba, i aku la ia ia, 'E houluulu mai i ka Iseraela, a me na kau-la o Baala eha haneri me kanalima ;' a hoakoakoia mai la lakou ma ka mauna ma Karemela, i iho la o Elia, 'Pehea ka loihi o ko oukou kanalua ana iwaena o na manao elua ? Ina o Iehova ke Akua, e hahai ia ia, ina o Baala, e hahai ia ia.'

6. *Pehea la i hoakakaia'i ke Akua oiaio ?*

I aku la o Elia, 'E kaumaha oukou i kekahi pipi, a e kaumaha hoi au i kekahi ; aole make kuni i ke ahi ; e kahea oukou i ko oukou akua, a e kahea hoi au ia Iehova ; a o ke Akua i haawi mai i ke ahi, oia ke Akua ; ae mai la lakou.

7. Heaha ka ka poe kaula o Baala ?

Kaumaha ae la ko Baala mau kaula i ka pipi hookahi, a kahea nui aku la lakou ia Baala a kokohe e po ka la ; okioki iho la ia lakou iho me ka pahi, a kahe mai la ke koko, aohe mea i lohe mai.

8. A ikea ae la ka lapuwale o ka lakou pule, pehea hoi ka Elia ?

Kaumaha aku la o Elia i kana pipi, a maukau ka wahie, ninini lakou i na pahu wai he umikumamalua maluna iho ; alaila, pule aku la ia, 'E hoolohe mai oe ia'u, e Iehova, i ike keia poe kanaka, oe no Iehova ke Akua ;' alaila, haule mai la ke ahi a ka Haku, pau ka mohai kuni, o ka pipi, o ka wahie, o ka pohaku, o ka lepo, a me ka wai i nininiia iho ai maluna.

9. Pehea na kanaka i ko lakou ike ana i ka Elia ?

Moe iho la na kanaka, i aku la lakou, 'O Iehova, oia ke Akua ; o Iehova, oia no ke Akua.'

10. U'ahaia ko Baala mau kaula hoopunipuni?

Ua pau lakou i ka pepehiia e Elia.

11. Pehea la ka loa ana o ka ua mahope iho o na makahiki papaala ekolu ?

I ka Elia pule ana, ike aku la kana kauwa i ke ao i ka puka ana'e, mai loko ae o ke kai me he lima kanaka la ; a hiki koke mai no ka ua he nui loa.

12. Heaha ka Iezabela olelo ia Elia ?

O ka Iezebela olelo e hoohalike au ia Elia me kekahi o na mea ana i pepehi ai.

13. *Pehea la o Elia i pakele ai i ka inaina o ia wahine kolohe loa ?*

Holo aku la Elia i ka aina e ; a moe iho la i ka po, hoala mai la ka anela ia ia, hanai iho la ia ia, oia kona mea ikaika ai i na la hookahi kanaha ; hiki aku la oia i Horeba i ka mauna o ke Akua, alaila, ikea aku la ka Haku e ia.

14. *A ninau mai la ka Haku ; 'Heaha kau o nei, e Elia,' pehea ka Elia olelo ia ia ?*

I aku la o Elia i ka Haku, 'Ua hooikaika aku la au no Iehova ke Akua alihikaua ; no ka mea, ua haalele ka Iseraela mau mamo i kou berita, ua hoohiolo i kou mau lele, ua pepehi lakou i kau mau kaula, me ka pahikaua, owau wale no koe, a ua imi mai lakou e kaili i ko'u ola.'

15. *Pehea mai ka Haku ia Elia ma Horeba ?*

I mai la ka Haku ia Elia, 'E hoi oe ma ka nahelehele o Damaseko, e poni ia Hazaela i alii no Suria, a ia Iehu i alii no ka Iseraela, a ia Elisai hoi i kaula mahope iho o'u. Ua koe mai nae ia'u ehiku tausani kanaka iloko o ka Iseraela i kukuli ole ia Baala.'

16. *Owai ka poe i kaula wale mai ia Ahaba ma ?*

O Benehadada ma ke alii no Suria a me na alii he kanakolukumamalua, hele mai lakou e kaula ; aka, ua auhee lakou ia Ahaba ; a mahope iho kaula hou mai ua alii la, a ua lukuia aku kona kanaka hookahi haneri tausani imua

o Ahaba, a holo ka poe i koe i Apeka, a ua hioloia e ka pa na tausani he iwakaluakuniamahiku, ua lanakila o Ahaba, pio iho la o Benehadada ; no ka mea, ua olelo ko Suria, 'Q Iehova ke Akua no na puu, aole no na papu.'

17. A noi mai la o Benehadaka i ola, pehea iho la o Ahaba ?

Hookun aku la o Ahaba ia Benehadada ; nolaila, i i mai ai ka Haku, 'E make auanei o Ahaba i ko Suria ;' a hoi aku la ke alii o Suria, makee ae la o Ahaba i ka malawaina a kona kanaka.

18. Nawai ka malawaina a Ahaba i makemake ai ?

Na Nabota no Iezereela, ka malawaina ma Samaria a Ahaba i makemake ai ; aka, aole o Nabota i haawi aku i ke alii, aole hoi ia i makemake e kuai ; no ka mea, ua ili mai no ia mai kona makua mai ; pono ole iho la ko Ahaba naau.

19. Pehea la i loa'i ia Ahaba ka malawaina o Nabota ?

Na Iezebela i palapala aku i ko Iezereela poe kanaka, 'E niania aku ia Nabota, penei, Ua hoino wale o Nabota i ke Akua a me ke alii, alaila, hailuku ia ia ;' kakau iho la oia i ko Ahaba inoa ma ua palapala la ; a make iho la o Nabota, i ae la o Iezebela ia Ahaba, 'Ua make o Nabota, e komo ae oe i kana malawaina.'

20. A i ko Ahaba komo ana i ka malawaina o Nabota, pehea mai ka Haku ia ia !

boama I., o Nadaba, o Baasa, o Ela, o Zimeri, o Omeri, o Ahaba, o Ahazia, o Iehorama, o Iehu, o Iehoaza, o Ioasa, o Ieroboama II., o Zakaria, o Saluma, o Menahema, o Pekahiu, o Peka, a me Hosea ; o lakou ka poe alii hewa no na ohana he umi no ke aupuni o Iseraela, mai ka mokuahana ana a hiki i ko lakou pio ana i Babulona.

9. Heaha ko Ieroboama hewa nui i ka wa ia ia ke aupuni o Iseraela ?

O kona hoohiolo ana i ka Iseraela ma ke kii ; no ka mea, aole o Ieroboama i makemake e hele kona poe kanaka i Ierusalema e hooma-na ia Iehova, o lilo hou lakou mamuli o ka Davida ma ; hana iho la oia i na kii gould elua, kaumaha aku la oia me na kanaka i ka mohai ia mau akua wahahee.

10. A ao mai la ke kaula a ke Akua ia Ieroboama no kona hewa, pehea iho la ia ?

Kikoo aku la kona lima, i iho la, 'E paa aku ia ia ;' maloo koke iho la kona lima, alaila, i aku la oia i ke kaula, 'E pule aku oe ia Iehova i kou Akua no'u, i ola kuu lima.'

11. Pehea ko Rehoboama noho ana ia manawa?

Aole o Rehoboama i noho paa ma ka pono a kona makua a Solomona i kauoha mai ai ia ia ; aka, ua huli no ia e malama i na akua wahahee ; a hookuu mai ke Akua ia Sisaka i ko Aigupita alii, e hele mai e kaula ikaika ia Rehoboama ma, a ua lawe wale aku i kona waiwai, a me kekahi waiwai o ka hale o Iehova, a me na paku gould a Solomona i hana'i.

12. *Pehea la i hoopaiia'i ko Ieroboama ma hewa i keia ao ?*

Ua lukuia kona poe kanaka i ke kauhā, elima haneri tausani ; ua lilo kana mau keiki i ka ilio, a me ka manu o ka lewa, hookahi wale no i koe, o Abiia ka mea i malama i ka Haku.

13. *Owai ka mea nana i luku o ko Ieroboama poe kanaka he nui wale ?*

O Abiama* ke keiki a Rehoboama ; a make aku la kona makuakane, lilo iho la ke aupuni o Iuda ia ia, manao iho la ia e kii aku e hoi-hoi mai i na ohana he umi, i ka poe i lilo ia Ieroboama, kii aku no ia ia lakou me na kanaka eha haneri tausani, olelo aku la ia lakou, 'Ua haawi mai ke Akua i ke aupuni o Iseraela ia Davida, a me kana mau keiki ; o ke Akua me makou, aole o oukou pomaikai.'

14. *Pehea iho la o Ieroboama ma i ka Abiama olelo ?*

Kaua nui mai o Ieroboama, a me kona poe kanaka ewalu haneri tausani ; auhee iho la lakou imua o Abiama ma, mai pau lakou i ka lukuia, ekolu wale no haneri tausani i koe ; ua lanakila o Abiama ma, no ko lakou hilina'i ana ia Iehova.

15. *A pepehi mai ka Haku ia Ieroboama a make, iawai kona aupuni ?*

Lilo iho la ke aupuni o Iseraela i kana keiki ia Nadaba, elua makahiki ; alaila, kipi mai o

* O Abiia kekahi inoa ona.

Baasa, a make o Nadaba ia ia ; lilo no Baasa i alii, a pepehi loa oia i ko Ieroboama hale a pau.

§ LI.

No Asa.

1. *Owai la o Asa ?*

O ke keiki ia a Abiama, he alii maikai ia no ke aupuni o Iuda ; hookahi kanaha makahiki a me kumamakahi o kona alii ana ma Ierusalem.

2. *Heaha ka Asa olelo i kona poe kanaka ?*

Ua olelo pono aku o Asa i kona poe kanaka e imi aku ia Iehova, i ke Akua o ko lakou mau makua, a e malama pono hoi i kona kanawai, a me kana mau kauoha, pela hoi keia alii i hoopololei ai i kona aupuni.

3. *I ko Asa noho pono gna, owai ka alihikaua nui i kaua mai ia ia ?*

O Zera, ka alihikaua no Aitiopa.

4. *Ehia o Zera kanaka kaua i hele mai me ia ?*

Ua hele o Zera me na kanaka hookahi miliona, a me na kaakaua ekolu kaneri, e kaua wale mai ia Asa ma.

5. *Ehia o Asa mau kanaka kaua ?*

Ekolu haneri tausani o ka Iuda, i makaukau i ka ihe a me ka paku, elua haneri a me kanawalu tausani o ka Beniamina i makaukau

i ke kakaka a me ka paku, o lakou no ko Asa
poe kanaka kaua.

6. *Pehea la o Asa ma i pono ai ke kaua aku i
ko Zera poe kanaka he nui loa ?*

Pule aku la o Asa ia Iehova, i aku la, 'E
hiki wale no ia oe ke kokua mai me ka poe
nui, a me ka poe mana ole ; e kokua mai oe ia
makou, e Iehova, e ko makou Akua ; no ka
mea, ua hilinai aku makou ia oe ; a iloko hoi
o kou inoa e hoouka aku ai makou i kela poe
lehulehu loa.' Kaua iho la lakou ; pepehi mai
la ke Akua i ko Aitiopa imua o ke alo o Asa,
auhee lakou, a lanakila loa ae la o Asa ma ; a
ua hoi pomaikai mai la i Ierusalem, me ka
waiwai pio he nui loa.

7. *Heaha ka olelo maikai a ke kaula a Aza-
ria ia Asa ma ?*

I aku la o Azaria ia Asa ma, penei, 'E hoo-
lohe mai oukou ia'u, e Asa, a me ka Iuda, a
me ka Beniamina a pau ; o Iehova pu kekahi
me oukou i ka wa e noho pu aku ai oukou me
ia ; e loa mai no oia ia oukou ke imi aku ou-
kou ia ia ; aka, ina e haalele aku oukou ia ia,
e haalele mai no ia ia oukou.'

8. *Pehea ko Asa aloha i ke Akua i kona lana-
kila ana ?*

Ua houlunulu mai la o Asa i kona poe kana-
ka ma Ierusalem a me ka luakini, kaunaha
aku la i na pipi pio ehiku haneri, a me na hipa
pio ehiku tausani, a ua hoohiki lakou, e imi
lakou ia Iehova me ko lakou naau a pau ; ho-
kai iho la o Asa i na kii akua ma Iudea, a ua

hemo no ke alii ana o kona makuwahine o Maaka, no kona hana ana i kii nona, a ua kio-la i kona kii i ke ahi ; a ua hana aku no o Asa i ka mea pono imua o ke alo o Iehova.

9. *Pehea iho la ko Asa aupuni ?*

Maluhia iho la ko Asa aupuni, aole i kauaia mai e kekahi aina, a hiki i ke kanakolukuma-malima makahiki o kona alii ana ; a i ke ono hoi, manao mai la o Baasa ke alii o ka Iseraela e kolohe mai ia ia ; a kii aku la o Asa ia Benehadada ke alii o Suria e kokua mai ia ia, o kona kina no ia, a lilo ko Asa aupuni i kana keiki ia Iehosapata.

§ LII.

No Baasa, a me Ela, a me Zimeri, a me Omeri, na'lii o ka Iseraela.

1. *Pehea ko Baasa alii ana ?*

Ua alakai hewa no o Baasa i ka Iseraela, nolaila i olelo mai ai ka Haku, e kailiia'ku kana mau keiki.

2. *Ai ka make ana o Baasa iawai kona aupuni ?*

Lilo ko Baasa aupuni ia Ela i kana keiki, elua makahiki o kona alii ana.

3. *U'ahaia o Ela ?*

Ua pepehi malu ia o Ela, i kona inu ana a ona iloko o ka hale o kana puuku o Areza.

4. *Nawai o Ela i pepehi ?*

Na kekahi luna kaakaua o Ela, na Zimeri, a ua hooalii iho la oia ia ia iho i alii no ka Iseraela ; a make ia ia ko Baasa hale a pau.

5. *Pehea ka loihi o ko Zimeri alii ana ?*

Ehiku wale no la o ko Zimeri alii ana ; ua hooalii no nae ka Iseraela ia Omeri i alii no lakou ; alaila, puhi iho la o Zimeri i kona hale maluna iho ona, a make iho la oia ia ia iho.

6. *Pehea ko Omeri alii ana ?*

Ua hana hewa loa no o Omeri, ua hoohalike me Ieroboama, he umikumamalua makahiki o kona alii ana ; alaila make ia, a lilo ke aupuni ia Ahaba.

§ LIII.

No Ahaba, a me kana wahine, a me Elia ke kaula, a me Iehosapata, a me Benehadada.

1. *Pehea la ko Ahaba alii ana ?*

Hewa loa aku la o Ahaba i kona alii ana maluna o ka Iseraela ; ua mare aku la oia ia Iezabela i ka wahine no ka aina e, a ua hooikaikasia mai no ia e ia e hana ino ; kolohe pu iho laua a malama aku la ia Baala i ko laua akua hoopunipuni ; aka, o kona kahu o ka luna o kona hale, o Obadia kona inoa, he kanaka malama pono no ia ia Iehova.

2. *Heaha ka olelo a ke kaula a Elia ia Ahaba no kona hewa ana ?*

I aku la o Elia ia Ahaba, 'Aole e ua mai ka ua i keia mau makahiki ekolu ;' nui iho la ka papaala.

3. *Pehea i loa'a'i ia Elia ka ai ia mau makahiki papaala ?*

Pee iho la o Elia ma ke kahawai o Kerisa hookahi makahiki, na na manu koraka i hali-hali mai i ai nana i kela la i keia la ; hele aku la ia i ka wahinekanemake i Serepeta, nana no Elia i hanai mai i na makahiki elua ; aole nae i emi kana pahu palaoa a me kona hue aila.

4. *Heaha ka Elia hana mana no kona makamaka ?*

A make ke keiki a ka wahinekanemake, na Elia no ia i hoolā hou.

5. *A hoi mai Elia i ka Iseraela, pehea kana hana iluila !*

Halawai no Elia me Ahaba, i aku la ia ia, 'E houluulu mai i ka Iseraela, a me na kau-la o Baala eha haneri me kanalima ;' a hoakoakoia mai la lakou ma ka mauna ma Kare-mela, i iho la o Elia, 'Pehea ka loihi o ko oukou kanalua ana iwaena o na manao elua ? Ina o Iehova ke Akua, e hahai ia ia, ina o Baala, e hahai ia ia.'

6. *Pehea la i hoakakaia'i ke Akua oiaio ?*

I aku la o Elia, 'E kaumaha oukou i kekahi pipi, a e kaumaha hoi au i kekahi ; aole make kuni i ke ahi ; e kahea oukou i ko oukou akua, a e kahea hoi au ia Iehova ; a o ke Akua i haawi mai i ke ahi, oia ke Akua ; ae mai la lakou.

7. Heaha ka ka poe kaula o Baala ?

Kaumaha ae la ko Baala mau kaula i ka pipi hookahi, a kahea nui aku la lakou ia Baala a kokoke e po ka la ; okioki iho la ia lakou iho me ka pahi, a kahe mai la ke koko, aohe mea i lohe mai.

8. A ikea ae la ka lapuwale o ka lakou pule, pehea hoi ka Elia ?

Kaumaha aku la o Elia i kana pipi, a makaukau ka wahie, ninini lakou i na pahu wai he umikumamalua maluna iho ; alaila, pule aku la ia, 'E hoolohe mai oe ia'u, e Iehova, i ike keia poe kanaka, oe no Iehova ke Akua ;' alaila, haule mai la ke ahi a ka Haku, pau ka mohai kuni, o ka pipi, o ka wahie, o ka pohaku, o ka lepo, a me ka wai i nininiia iho ai maluna.

9. Pehea na kanaka i ko lakou ike ana i ka Elia ?

Moe iho la na kanaka, i aku la lakou, 'O Iehova, oia ke Akua ; o Iehova, oia no ke Akua.'

10. U'ahaia ko Baala mau kaula hoopunipuni?

Ua pau lakou i ka pepehiia e Elia.

11. Pehea la ka loa ana o ka ua mahope iho o na makahiki papaala ekolu ?

I ka Elia pule ana, ike aku la kana kauwa i ke ao i ka puka ana'e, mai loko ae o ke kai me he lima kanaka la ; a hiki koke mai no ka ua he nui loa.

12. Heaha ka Iezabela olelo ia Elia ?

O ka Iezebela olelo e hoohalike au ia Elia me kekahi o na mea ana i pepehi ai.

13. *Pehea la o Elia i pakele ai i ka inaina o ia wahine kolohe loa ?*

Holo aku la Elia i ka aina e ; a moe iho la i ka po, hoala mai la ka anela ia ia, hanai iho la ia ia, oia kona mea ikaika ai i na la hookahi kanaha ; hiki aku la oia i Horeba i ka mouna o ke Akua, alaila, ikeia aku la ka Haku e ia.

14. *A ninau mai la ka Haku, 'Heaha kau o nei, e Elia,' pehea ka Elia olelo ia ia ?*

I aku la o Elia i ka Haku, 'Ua hooikaika aku la au no Iehova ke Akua alihikaua ; no ka mea, ua haalele ka Iseraela mau mamo i kou berita, ua hoohiolo i kou mau lele, ua pepehi lakou i kau mau kaula, me ka pahikaua, owau wale no koe, a ua imi mai lakou e kaili i ko'u ola.'

15. *Pehea mai la ka Haku ia Elia ma Horeba ?*

I mai la ka Haku ia Elia, 'E hoi oe ma ka nahelehele o Damaseko, e poni ia Hazaela i alii no Suria, a ia Iehu i alii no ka Iseraela, a ia Elisai hoi i kaula mahope iho o'u. Ua koe mai nae ia'u ehiku tausani kanaka iloko o ka Iseraela i kukuli ole ia Baala.'

16. *Owai ka poe i kua wale mai ia Ahaba ma ?*

O Benehadada ma ke alii no Suria a me na alii he kanakolukumamalua, hele mai lakou e kua ; aka, ua auhee lakou ia Ahaba ; a mahope iho kua hou mai ua alii la, a ua lukuia aku kona kanaka hookahi haneri tausani imua

o Ahaba, a holo ka poe i koe i Apeka, a ua hioloia e ka pa na tausani he iwakaluakuniamahiku, ua lanakila o Ahaba, pio iho la o Benehadada ; no ka mea, ua olelo ko Suria, 'Q Iehova ke Akua no na puu, aole no na papu.'

17. *A noi mai la o Benehadaka i ola, pehea iho la o Ahaba ?*

Hookun aku la o Ahaba ia Benehadada ; nolaila, i i mai ai ka Haku, 'E make auanei o Ahaba i ko Suria ;' a hoi aku la ke alii o Suria, makee ae la o Ahaba i ka malawaina a kona kanaka.

18. *Nawai ka malawaina a Ahaba i makemake ai ?*

Na Nabota no Iezereela, ka malawaina ma Samaria a Ahaba i makemake ai ; aka, aole o Nabota i haawi aku i ke alii, aole hoi ia i makemake e kuai ; no ka mea, ua ili mai no ia mai kona makua mai ; pono ole iho la ko Ahaba naau.

19. *Pehea la i loa'i ia Ahaba ka malawaina o Nabota ?*

Na Iezebela i palapala aku i ko Iezereela poe kanaka, 'E niania aku ia Nabota, penei, Ua hoino wale o Nabota i ke Akua a me ke alii, alaila, hailuku ia ia ;' kakau iho la oia i ko Ahaba inoa ma ua palapala la ; a make iho la o Nabota, i ae la o Iezebela ia Ahaba, 'Ua make o Nabota, e komo ae oe i kana malawaina.'

20. *A i ko Ahaba komo ana i ka malawaina o Nabota, pehea mai ka Haku ia ia !*

I mai la ke kaula o Elia ia Ahaba, 'Ua pe-
pehi anei oe? a ua komo ae nei no hoi? Ke
i mai nei o Iehova, I kahi i palu ai na ilio i ko
Nabota koko, malaila e palu ai na ilio i kou
koko, e kailiia aku hoi kau mau keiki, a e pau
hoi o Iezebela i ka aiia e na ilio ma ka pa o
Iezereela.

21. *A lohe o Ahaba i ka hoopai ana o ko Na-
bota make ana, pehea iho la ia?*

Hooahaahaa iho la o Ahaba ia ia iho; aka,
ua hele ia mahope o na kaula wahahee; no ka
mea, i kona manao ana e kii aku e lawe hou
mai nona ia Ramota-gileada, mai loko mai o
ka lima o ko Suria; ninau aku la oia i kana
poe kaula hookahi lau, i mai lakou ia ia, 'E
kii aku, e pomaikai no oe; kono ae la oia ia
Iehosapata e hele pu me ia.

22. *Pehea iho la o Iehosapata ia Ahaba?*

Ae aku o Iehosapata ia Ahaba; aka, ua ni-
nau aku la oia, 'Aole anei he kaula a Iehova
e ninau hou aku ai kaula ia ia?'

23. *Heaha ka Ahaba i ka ninau ana mai o
Iehosapata i ke kaula e?*

I mai la o Ahaba, 'Hookahi no kanaka e
ninau aku ai kaula ia Iehova, o Mikaia; aka,
ua inaina aku au ia ia, no ka mea, aole loa oia
i wanana mai i ka pono no'u, o ka hewa wale
no.'

24. *Heaha ka Mikaia olelo ia Ahaba?*

Ua hoakaka aku o Mikaia i ka make o Aha-
ba ma Ramota-gileada.

25. *A i ka like ole ana o ka Mikaia olelo me
ko Ahaba makemake, pehea iho la ia?*

Huhu iho la o Ahaba ia Mikaia, hahao aku la ia ia i ka halepaahao ; hele pu aku la ia me Iehosapata i ke kauhā, wehe aku la i kona kapa alii i ike ole ia mai ai ; aka, ua lena walewale kekahi kanaka no Suria i ke kakaka, ku aku la o Ahaba i ka pua, a make iho la iloko o kona kaakaua ma Ramota-gileada ; a i ka holoi ana o kona kaa ma Samaria, palu iho la na ilio i kona koko, i ko Nabota wahi i make ai mamua.

26. Pehea ka Iehosapata hana ana i ke kauhā ma Ramota-gileada ?

Hele no ia i ke kauhā me kona kapa alii, kuhi mai la ko Suria, oia ke alii no Iseraela, mai make no ia, aka, ua pakele ae la ia, a hoi aku la i Ierusalema me ka maluhia.

27. Heaha ka ke kaula olelo ia Iehosapata i kona hoolāuna nui ana i ke alii hoomana ia Bala ?

I mai la ke kaula o Iehu ia Iehosapata, 'He pono anei nou ke kokua aku i ka aia, a me ka makemake aku i ka poe inaina ia Iehova ? E huhuia auanei ; aka, ua pono kou hoomakaukau ana i kou naau e imi aku i ke Akua.'

28. Pehea iho la o Iehosapata i ka Iehu ao ana mai ia ia ?

Ua alakai pono aku la o Iehosapata i kona poe kanaka me ka malama pono i ke Akua, hoonoho aku la oia i na lunakanawai i na kulānakanuhale, a olelo pono aku ia lakou, 'E malama pono i ka oukou hana ana, no ka mea, no Iehova ko oukou hoopai ana ;' pela hoi ia

i hauoha'i i na kumu, a me na kahuna, a me na luna ma Ierusalem a i kona wahi e noho ai, 'E hoopono oukou, me ka makau aku ia Iehova, a me ka naau hemolele.'

29. *A hele mai ka poe kua nui, o ko Moaba a me ko Amona a me ko Edoma, pehea iho la o Iehosapata ?*

Makau iho la o Iehosapata ma, hoopololi iho la lakou me ka pule aku ia Iehova e kokua mai ; i aku la o Iehosapata, 'E ko makou Akua, aole anei oe e hoopai ia lakou ? aole e hiki ia makou ke hoouka aku ia poe lehulehu loa i hele mai e kua ia makou ; aole hoi makou i ike i ka pono e hana aku ai ; aka, ke kau nei ko makou mau maka ia oe'

30. *Heaha ka ke Akua olelo ia Iehosapata ma ?*

I aku la ke kaula o Iahaziela, 'E hoolohe mai oukou, e ka Iuda a me ko Ierusalem, a me ke alii o Iehosapata ; ke i mai nei o Iehova ia oukou penei, 'Mai makau oukou i kela poe lehulehu loa, no ka mea, aole no oukou ke kua, no ke Akua no ia.'

31. *A lohe ke Akua i ka Iehosapata pule, pehea iho la ia ?*

Kulou iho la o Iehosapata a me ka Iuda, hoomana aku la ia Iehova ; alaila, i aku la ke alii i kona poe kanaka, 'E hoolohe mai ia'u, e ka Iuda a me ka Iseraela ; e manao aku ia Iehova i ko oukou Akua, alaila, e hookupaaia mai oukou, e manaoio i kana poe kaula, alaila, e pomaikai io no oukou.' Alaila, olelo aku la ia i ka poe olioli e hele mamua o ka poe kua me ka himeni aku penei,

‘E hooles aku oukou ia Iehova,
No ka mea, he mau loa kona aloha.’

32. *A i ko Iuda hooles ana ia Iehova, pehea iho la ko lakou mau enemi ?*

Pepehi aku la ko Moaba a me ko Amona i ko Edoma ; alaila, pepehi iho la lakou ia lakou iho a pau i ka make, aole mea hookahi i pakele aku.

33. *Pehea iho la o Iehosapata ma ?*

Houluulu iho la o Iehosapata ma i ka waiwai pio he nui loa i na la ekolu, a hoi lanakila mai i Ierusalem, me ka hooles nui ana ia Iehova ; maluhia ae la ko Iehosapata aupuni, makau nui mai la ko na aina e.

§ LIV.

No Ahazia, a me ko Elia pii ana iluna, 896 makahiki
mamua aku o ka Mesia.

1. *Owai o Ahazia ?*

O ke keiki ia a Ahaba, ia ia ke aupuni o Iseraela mahope iho o ko Ahaba make ana.

2. *Pehea ka Ahazia hana ana ?*

Aole o Ahazia i malama ia Iehova ; haule iho la oia a eha. Hoouna aku la ia i na elele ia Baalezebuba, i ke akua hoopunipuni no Ekerona, e ninau ia ia no kona ola ; aka, ua hallowai e lakou me Elia.

3. *Pehea ka Elia olelo i ka Ahazia mau elele ?*

I aku la o Elia i ka Ahazia mau elele, 'E hoi i ke alii, e olelo aku ia ia, No ke Akua ole anei ma Iseraela nei, i kii aku ai oe ia Baalezebuba, i akua no Ekerona? nolaila, e iho ole mai ai oe ilalo mai kou wahi moe mai.'

4. Heaha ka Ahazia i hana aku ai ia Elia?

Kena aku la o Ahazia i ka luna koa, me kona papa kanalima e paa aku ia Elia.

5. Pehea aku la o Elia i ka poe koa i kii mai ai ia ia?

I aku la o Elia i ka luna koa, 'Ina he kana-ka au no ke Akua, e haule mai ke ahi i pau ai oe a me kou kanalima?' pela hoi ka lua o ka papa kanalima, ua pau lakou a me na luna elua i ke ahi; a i ka nonoi ana mai o ke kolu o ka luna papa i ola, i mai la ka anela ia Elia, 'E hele pu me ia me ka makau ole;' hele aku la oia i ke alii, hoomaopopo aku la i kona hewa, a me kona make.

6. Ua ko anei ka Elia olelo ia Ahazia?

Ae; make iho la o Ahazia i kona wahi i moe ai, a lilo koke aku no kona aupuni i kona kaihaina, ia Iehorama.

7. U'ahaia o Elia?

Ua lawe ola ia o Elia e Iehova i ka lani, ao-le loa i halawai kona kino me ka make.

8. Pehea la ko Elia pii aua i ka lani me kona kino?

Kokoke i ka wa e laweia'ku ai o Elia, hele pu lana me Elisai ma ka muliwai o Ioredane, (e makaikai ana na keiki a ka poe kaula, he kanalima,) hahau iho la o Elia i ka wai me

kona aahu, kaawale ae la ka muliwai, hele laua ma kahi maloo i kela kapa ; a hiki mai ke kaa ahi, a me na lio ahi, hookaawaleia ae la laua, pii ae la o Elia maloko o ka puahio-bio i ka lani.

§ L V.

No Elisai, a me kana mau hana mana, a me Iehorama ke alii o Iseraela, a me Naamana.

1. *A hala o Elia i ka lani, pehea iho la o Elisai ?*

Ua ikaika ae la ko Elisai manao, e like me Elia, lilo no ia i kaula nui mahope iho ona ; lalau iho la oia i kona aahu, hahau hou iho la i ka wai, kaawale hou ae la o Ioredane, hele aku la o Elisai i Ieriko, e hoomaikai i ka wai ino malaila, a hiki aku la ia i Betela, kahi o ko Ieroboama pipi goulda, ua hoomaewaewaia mai la oia e na kamalii, ka poe i i mai ia ia, 'E pii oe iluna, e ka ohule ; e pii oe iluna, e ka ohule.'

2. *U'ahaia ua mau kamalii la i hoino ai ia Elisai ?*

Ua huhuia mai la lakou e ke Akua, hookahi kanaha a me kumamalua o na kamalii i hoino ia Elisai, i pau ai i ka haehaeia e na bea elua.

3. *Owai ko Elisai alii ia manawa ?*

O Ieroboama, ke alii o ka Iseraela, ke keiki a Ahaba.

4. *Pehea ka Iehorama hana ana ?*

Ua hana ino no o Iehorama i ka Haku, aka, ua kipaku i ke kii o Baala ; a ua kono ae ia Iehosapata e hele me ia, a me ko Edoma alii, i ke kaula i ko Moaba ; mai pau lakou i ka make i ka wai ole ma ka nahelehele o Edoma.

5. *Pehea la i pono ai o Iehorama ma i ka popilikia ma Edoma ?*

I ka hana mana a Elisai, (aole nae ia i mahalo iki ia Iehorama ; aka, ua mahalo ia ia Iehosapata ;) i aku la o Elisai, ' E hana i auwaha a paapu keia awawa, e piha auanei i ka wai, e inu oukou, a e haawi mai no Iehova i ko Moaba, i ko oukou lima.'

6. *A i ka loa ana o ka wai ia Elisai no ka poe kaula, pehea iho la ko Moaba ?*

A kakahiaka ae, malamalama nui iho la ka la maluna o ka wai, ike aku la ko Moaba i ka wai, he ulaula me he koko la, i iho la lakou, ' O ke koko no ia, ua make na'lii ia lakou iho, e kii ko Moaba i ka waiwai pio ;' alaila, kii aku la lakou, a ua pepehiia mai la imua o na'lii o Iehorama ma ; a ike iho la ko Moaba alii i kona pilikia i ka ikaika loa o kona poe enemi, kaumaha aku la i kana makahiapo, (i ka mea ia ia ke aupuni mahope ona,) i mohaikuni ; alaila hoi aku la ka poe i kaula mai.

7. *Pehea la i kokua ai o Elisai i ka wahine ilihune i hoopii ai ia ia ?*

Mai lilo na keikikane elua a ka wahinekanemake ilihune, no ka aie ; aole ona waiwai e pau ai, o ka ipu aila wale no ; i aku la o Eli-

sai, 'E kii aku i na ipu kaawale he nui wale e ukuhi a piha ;' piha ae la na ipu a 'pau i ka aila i hoomahuahusia'e la ; a olelo aku la o Elisai, 'E kuai aku oe, a e hookaa aku i kau aie, a e ola oe me kau mau keiki i ke koena.'

8. *Heaha ka Elisai hana mana no kona makamaka ma Sunema ?*

I ko Elisai hele pinepine ana i ke kulana-kauhale o Sunema, malama pono mai kekahi wahine me kana kane ia ia ; aole nae a lana keiki ; i iho la o Elisai i ka wahine, 'A puni ka manawa, e puliki oe i ke keikikane : ' ko iho la kana olelo, a nui ae la ke keiki, make iho la ia i ka la ; kii koke aku la ka makuwahine ia Elisai, hele mai no ia e pule aku ia Iehova, moe iho la ma ke kino o ua keiki make la, ola hou ia, a haawi hou aku no ke kaula i ke keiki i kona makamaka.

9. *Owai ka mai lepera a Elisai i hoola ai ?*

O Naamana, he kanaka nui no Benehadada, he alihikaua no Suria ; lohe no ia i ke kauwawahine no Iseraela mai, he kaula mana malaila, hele mai no ia me ka Benehadada palapala ia Iehorama, e ola kona mai lepera.

10. *Pehea la o Iehorama ?*

Kuhi iho la o Iehorama, he palapala kolohē, he mea kua paha, huhu iho la ia ; a lohe o Elisai, i mai la, 'E hele mai ia io'u nei, e ike no ia he kaula no maloko o ka Iseraela.'

11. *Pehea aku la o Elisai ia Naamana ?*

A hiki o Naamana i ka hale o Elisai ma Samaria, i aku la o Elisai, 'E hele oe e auau ilo-

ko o Ioredane, ehiku ka anau ana, a e mae-mae no oe.'

12. *Ua makemake anei o Naamana i ka Elisai olelo ?*

Aole o Naamana i makemake i ka Elisai olelo i kinohi ; aka, ua anau no, a ola kona lepera ; manao iho la ia o Iehova wale no ke Akua, oia kana mea e hoomana aku ai ; alaila, koi mai oia ia Elisai e lawe i kana mau kala, aole loa hoi ia e lawe.

13. *No ke aha la i pili nai ai ka mai lepera o Naamana ia Gehazi ?*

No kona makee waiwai a me kona hoopuni-puni ; e ake o Gehazi, o ka Elisai kauwa i loa mai ka Naamana mau kala ; hahai malu aku la ia ia, me ka olelo aku, na kona haku ia i hoouna mai e kii i ke kala ; a hoi mai, huna iho la ia ; aka, ua ike no o Elisai, i ae la oia ia Gehazi, 'E pili mai no ko Naamana lepera ia oe ;' keokeo iho la ia me he hau la.

14. *A i ka poholo ana o ke koi i ka wai, hea-ha iho la ka Elisai ?*

I ke kua ana i ka laau hale o na keiki a na kaula, poholo iho la ke koi o kekahi i ka wai, minamina loa ia, no ka mea, no hai ua koi la ; hoolei iho la o Elisai i ka lalalaau i ka wai, lana mai la ka hao, loa hou mai la ia ia.

15. *No ke aha la i huhu mai ai o Benehadada ia Elisai ?*

No ka makemake no e kua malu mai ia Iehorama ma, a ua hoakaka e o Elisai ia ia i ko Benehadada manao, pakele iho la o Iehorama, o ko Elisai alii.

16. *Pehea mai o Benehadada ia Elisai ?*

Kena mai o Benehadada i kona poe kuaa he nui loa, e hopu ia Elisai ma Dotana, e lawe pio aku ia ia ; hoopuni ae la lakou i ke kulanakauhale, makau loa iho la ka Elisai kanwa.

17. *A puni o Elisai i ka poe koa no Suria, pehea iho la ia ?*

I aku la o Elisai i kana kauwa, 'Mai makau, he nui ka poe me kakou, uuku ka poe me lakou ;' a i ka Elisai pule ana, paapu ka mauna i na kaa ahi a me na lio ahi, a puni o Elisai, hoopai mai la ke Akua i ko Suria i ka makapo ; alaila, alakai aku la o Elisai ia lakou i Samaria, i kahi i noho ai ke alii ; a i ka Elisai pule hou ana, hookaakaa mai la ka Haku i ko lakou maka.

18. *Pehea ke alii o Iehorama i ka poe i alakai pio ia'i e Elisai ?*

I iho la ke alii, 'E ko'u makua, e pepehi paha au ia lakou ;' a i ka hoole ana mai o Elisai, hanai aku la oia ia lakou a kuu aku la.

19. *Pehea ko lakou alii o Benehadada ma ia hope iho ?*

Hoakoakoa ae la o Benehadada i kona poe kuaa a pau, hele nui mai la e hoopuni ia Samaria ; loihi ka hoopuni ana, wi loa iho la ko loko, ai iho la na wahine elua i ke keiki a kekahi o laua, i ka pololi ; huhu wale iho la o Iehorama ia Elisai, manao iho la ia e oki i kona poo ; aka, ua hoi koke no o Benehadada ma, a mai iho la ia.

20. *O ke aha la ko lakou hoi koke ana aku mai Samaria aku ?*

Ua lohe lakou i ke oeoe ana o na kaa a me na lio, kuhi lakou ua hiki mai ko Aigupita, a me ka Heta e kaula mai; naholo lakou, waiho iho la lakou i ka lakou ai, a me ka ukana, lilo iho la ia mau mea ia Iehorama.

21. *A hiki aku la o Elisai ma Damaseko, pehea mai o Benehadada ia ia?*

Hooona mai la o Benehadada ia Hazaela, e haawi i ka makana ia Elisai, a e ninau ia ia i ke ola ana o kona mai.

22. *Pehea aku la o Elisai ia Hazaela?*

I aku la ia, E hoi oe e olelo aku ia ia, 'E hiki no ke ola oe, aka, ua hoike mai o Iehova ia'u e make no ia;' ua uwe iho la o Elisai i kona ike ana, e lilo no Hazaela i alii no Suria, alaila, e hoomainoino mai ia i ko Iseraela.

23. *Pehea iho la o Hazaela i kona alii ia Benehadada?*

Hoi aku la o Hazaela, i aku la ia Benehadada, 'Ua olelo mai oia ia'u, E ola io no oe;' aka, ua kau aku la o Hazaela i ke kapa pulu maluna o kona maka, make iho la oia ia ia, a lilo o Hazaela i alii mahope ona.

§ LVI.

No Iehu ke alii no Iseraela.

1. *O ke aha ka Iehu hana nui i kona alii ana?*
O kona hokai ana i ko Baala pule.

2. *Heaha ke kauoha a ka Haku ia Iehu i kona wa i ponii'i ?*

Ua kauoha mai la ka Haku ia Iehu, e luku i ko ka hale o Ahaba, i hoopai pono ia'ku ke koko o ka ke Akua poe kaula i make wale ai ia Iezebela.

3. *Pehea iho la o Iehu i keia kauoha a ka Haku ?*

Pepehi aku la o Iehu i ke alii ia Iehorama, i ke keiki a Ahaba, a i ke alii o Iuda ia Ahazia, a i ke keiki a Iorama, a ka hunona a Ahaba, a me kona poe hoahanau he kanahakumamalu, kena aku la hoi oia e oki aku ke poo o na keiki a Ahaba he kanahiku.

4. *Pehea iho la o Iezebela ka mea i make ai o Nabota, a me ka ka Haku poe kaula ?*

A hiki aku la o Iehu i Iezereela, nana iho la o Iezebela ia ia maloko mai o ka puka makani, i iho la ia, 'Ua maluhia anei o Zemer, ka mea i pepehi i kona haku?' Olelo aku la o Iehu i na kanaka, 'E kiola mai ia ia ilalo nei;' ua kiola ia iho la ia, ua paumaele ka pa a me na lio i kona koko, hehiia iho la ia ilalo o na wawae, a pau hoi ia i ka aiiia e na ilio.

5. *Heaha ka Iehu i hana aku ai i ka poe pule ia Baala ?*

Kii aku la o Iehu i ka poe pule ia Baala, e hoakoakoa e kaumaha aku i ka mohai ia Baala; a piha loa ka hale, kena aku la o Iehu i kona poe koa e luku ia lakou, wawahi iho la lakou i ka hale a me ke kii o Baala.

6. *O ke aha ka olelo haanou a Iehu i olelo ai ia Iehonadaba ?*

I aku la o Iehu ia Iehonadaba, 'E hele mai kua e nana mai oe i ko'u hooikaika ana no Iehova.'

7. *Ua pono anei ka Iehu hooikaika ana no Iehova ?*

Aole i pono loa ko Iehu hooikaika ana. O ka make ana o ka Ahaba a me ko Baala ia ia, o ko ke Akua manao no ia, no Iehova ko lakou make ; aka, ua hookiekie paha o Iehu, aole ia i malama i ke kanawai o Iehova me kona naau a pau, ua hahai aku la ia ma ka hewa o Ieroboama, a ua hooemi mai ka Haku i ka Iseraela, a ua pepehi mai o Hazaela ia lakou ma ka aoao hikina o Ioredane.

§ LVII.

No Atalia, Iehoiada, a me Iehosa.

1. *A i ha make ana o Ahazia ke alii o Iuda, iawai la kona aupuni ?*

Ia Atalia i kona makuwahine i ka mea nana ia i alakai hewa, oia ke kaikamahine a Ahaba.

2. *Pehea la i lilo ai o Atalia i alii no Iuda ?*

I ka make ana o Ahazia ia Iehu, pepehi hou o Atalia i ka Ahazia mau keiki, a hooalii iho la ia ia iho ; aka, ua hunais'e la o Iehoasa e Iehosabeata, e ke kaikuwahine o Ahazia, ka wahine a ke kahuna nui a Iehoiada ; pakele iho la ia.

3. *Pehea aku la o Iehoasa ?*

A hiki i ka hiku o ko Iehoasa makahiki, hoakoakoa mai la o Iehoiada i ka poe malama ia Iehova, kau aku la i ka lei maluna ona, haawi aku i ke kauoha, a ua poni ae ia ia i alii no Iuda.

4. *Pehea iho la o Atalia ?*

A lohe mai la o Atalia i ka lakou hoolea ana me ka olelo, 'E ola ke alii i ke Akua,' hele mai ia me ka huhu, nahaehae iho la kona kapa, i iho la, 'O ke kipi, o ke kipi noka keia ;' a ua kipakuia'ku la ia e Iehoiada ma, a make iho la ia lakou.

5. *Pehea ko Iehoasa alii ana ?*

Ua pono ko Iehoasa alii ana, i ka wa e ola ana o Iehoiada, ua hana no ia i ka mea pono imua i ke alo o Iehova, na mea a Iehoiada i i mai ai ia ia ; hookahi haneri kumamakolu o ko Iehoiada mau makahiki, make iho la ia, a kanu pu ia me na'lii no kana hana maikai ana ; alaila hewa ke alii o Iehoasa.

6. *Heaha ko Iehoasa hewa, mahope iho o ka make ana o ke kahuna nui ?*

Ua ae koke aku la o Iehoasa i na'lii malalo iho ona e malama i na kii ; a ua aoia mai no hoi e na kaula a Iehova i hoouna mai ai ; aole nae i lohe pono o Iehoasa ma.

7. *Heaha ka Zekaria olelo ia Iehoasa ma, no ko lakou hewa ?*

I mai la ke kaula o Zekaria, o ke keiki a Iehoiada ia Iehoasa ma, 'Ke i mai nei ke Akua, No ke aha la oukou i ae ai maluna o ke kana-

wai o Iehova i pomaikai ole ai oukou? No ko oukou haalele ana ia Iehova, nolaila ia i haalele mai ai ia oukou.'

8. *Pehea mai la o Iehoasa ma ia Zekaria i kona ao pono ana aku ia lakou?* ●

Ua hailuku mai la o Iehoasa ma ia Zekaria, a make maloko o ka pahale o ka luakini.

9. *U'ahaia o Iehoasa, a me na'lii i alakai hewa ia ia?*

Ua pau ia mau alii i ka lukuia e ko Suria, a ua lilo ko lakou waiwai ia Hazaela, a loa ia Iehoasa ka mai nui, ua pepehiia mai oia ma kona wahi moe e na kauwa ana elua, o Zabada, a me Iehosabada, a ua lilo kona aupuni ia Amazia i kana keiki.

§ LVIII.

No Amazia, a me Ioasa, ke alii o Iseraela ma Samaria.

1. *Pehea la ko Amazia alii ana?*

A loa ia Amazia ke aupuni o Iuda, make koke ia ia na kauwa elua i pepehi ai i kona makuakane; alaila ia i hoakoakoa i ka poe kaua eha haneri tausani, [400,000,] e kaua aku i ko Edoma, no ko lakou kipi ana; aka, ua hoihoi aku ka Haku i ka Iseraela i hoolimalimaia hookahi haneri tausani: no ka mea, aole ke Akua me lakou; a ua lanakila aku la ke alii maluna o ko Edoma, aka, ua malama no

ia i ko Edoma akua ; alaila, hele ia e kua aku ia Ioasa i ke alii o Iseraela.

2. *No ke aha ko Amazia kua ana ia Ioasa ?*

No ke kolohe ana o ko Ioasa poe kanaka, o kela haneri tausani i hoihoiia'ku ai me ko lakou huhu, ka poe i pepehi wale i ka Iuda ekolu tausani ; nolaila ko Amazia kua ana ia Ioasa, aka, ua haawiia'ku ia i kona lima.

3. *Heaha ka mea i pio ai o Amazia ia Ioasa ?*

O kona malama ana i na akua o Edoma, nolaila i pio ai o Amazia, a ua auhee ka Iuda, a lanakila loa o Ioasa, a hoohiolo iho la ia i kekahi pa o Ierusalem, eha haneri kubita.

4. *U'ahaia o Amazia ?*

Ua hookuuia o Amazia e Ieroboama II., e ke keiki a Ioasa, a mahope iho, ua ohumuia ma Ierusalem, holo aku la i Lakisa, a malaila ia i pepehiia'i e kona poe kanaka.

§ LIX.

No Uzia, a me Iotama.

1. *Iawari ke aupuni o Iuda mahope iho o kolakou pepehi ana ia Amazia ?*

Ua hoalii na kanaka ia Uzia i ke keiki a Amazia i alii no Iuda, ekolu hoi ona inoa, o Uzia, o Oziana, a me Azaria.

2. *Pehea ko Uzia alii ana ?*

Ua pono ko Uzia alii ana, ua pomaikai wale

kona aupuni i kona wa i imi aku ai ia Iehova, i ko Zekaria mau la, ua kokua mai ke Akua ia ia i kona kana ana i ko Pilisetia me ko Amona, he alii ia i makemake i ka mahiai, he kanalimakumamalua makahiki o kona alii ana ma Ierusalema ; aka aole loa ia i hewa.

3. *Heaha ko Uzia hewa i kona alii ana ?*

O kona lawe wale ana i ka oihana o ke kahuna nui, i kona wa i pomaikai nui ai, hookiekie ae la kona naau, komo wale ia iloko o ka luakini e kuni i ka mea ala, hele mai na kahuna, huhu iho la oia ia lakou.

4. *Pehea la i hoopaiia'i ko Uzia hewa ?*

Ua hoopai mai la ke Akua ia Uzia i ka mai lepera, ka mai pili loa ia ia a hiki i kona wa e make ai, a lilo kona aupuni i Iotama i kana keiki.

5. *Owai ka poe kaula i ke au ia Uzia ?*

O Hosea, a me Ioela, a me Amosa, a me Obadia, a me Mika, ka poe i hoakaka e i ke pio ana o na mamo a Iseraela, o Isaia ka mea i hoike mua i ko lakou pio ana ma Babulona, a me ko lakou ola a me ke aupuni maikai i ka Mesia.

6. *Pehea ko Iotama alii ana ?*

Pomaikai wale o Iotama i kona alii ana ; ua lanakila ia maluna o ka Amona, ua lilo no ia i alii nui, no ka mea, ua hoomakaukau i kona aoao imua o ke alo o Iehova o kona Akua ; a pau na makahiki he umikumamaono o kona alii ana ma Ierusalema, lilo ke aupuni i kana keiki ia Ahaza.

§ LX.

No Iona.

1. *Heaha ka ke Akua kauoha ia Iona?*

Ua kauoha mai la Iehova ia Iona, 'E ku oe, e hele aku i Nineva, e ao aku ia.'

2. *Pehea iho la o Iona?*

Holo iho la o Iona ma ka moana i kahie; a loa ka ino nui, mai nahaha ka moku; a ua hooleiia o Iona i ke kai, a ua moniia e ka ia nui a Iehova i hoomakaukau ai; po akolu kona moe ana iloko o ka ia, pule iho la ia malaila, olelo mai ke Akua i ka ia, a ua luai aku ia Iona ma ka aina maloo.

3. *Ua lohe anei o Iona i ke kauoha hou a Iehova ia ia?*

Ae; ua kauoha hou mai la o Iehova ia Iona, i mai la, 'E hele aku i Nineva, e hai aku i ka olelo a'u i kauoha aku ai ia oe;' hele aku la ia i ua kulanakauhale nui la, he kanaono mile ke poai; hai aku la i ka ke Akua olelo.

4. *Pehea ko Nīneva?*

Lohe koke no ko Nineva i ka ke Akua olelo, kauoha iho la ko Nineva alii i kona poe kanaka e hoopololi, a e haalele i ka hewa; a ua ike mai ke Akua, ua huli mai lakou mai ko lakou hewa mai; a ua hooiaio o Iesu i ko lakou mihi ana; ua pakele hoi lakou i ka make.

§ LXI.

No Ahaza.

1. *Pehea ko Ahaza alii ana?*

Aole o Ahaza i hana i ka mea pono imua o Iehova; ua hana aku no ia i na kii; ua puhi aku i kana mau keiki i ke ahi i mohai, e like me ka hewa o ka poe ike ole ia Iehova.

2. *Pehea la i hoopai mai ai ke Akua i ka hewa o Ahaza ma?*

Ua hoohaahaa iho la ke Akua i ka Iuda no ka hewa o Ahaza ma, ua haawi ia lakou i ka lima o ko lakou poe enemy; ua pepehi ko Suria i kekahi poe, a ua lawe pio ia'ku kekahi poe he nui no i Damaseko, a ua pepehi mai o Peka ke alii o Samaria i ko Iuda poe koa hoo-kahi haneri me ka iwakalua tausani, i ka la hookahi; no ka mea, ua haalele lakou ia Iehova i ke Akua o ko lakou mau makua: elua haneri tausani o ka lakou mau wahine, a me na keiki i alakai pio ia'ku i Samaria; mai lilo hoi lakou i kauwa na ko Samaria.

3. *Pehea la lakou i pono ai?*

No ke kauoha pono a ke kaula a Odeda, ua ho'hoiia'ku la lakou i ko lakou poe hoahansu ma Ieriko; aka, ua lilo kekahi poe e ae i ko Edoma, a ua lilo kekahi mau kulanakauhale i ko Pilisetia.

4. *Pehea ka Ahaza hana ana i kona pilikia ana?*

Nonoi aku i ke alii o Asuria e kokua mai,

a ua hana hewa loa aku la o Ahaza, ua hokai wale i ka luakini, a pani aku la a paa ; hana no ia i kuahu e, no ko Damaseko akua, a me na lele e ae ; a lilo kona aupuni i kana keiki ia Hezekia.

§ LXII.

No ke pio ana o ka Iseraela i ke au ia Peka, a i ke au ia Hosea.

1. *Owai ka mea i lawe pio aku i ka Iseraela i ke au ia Peka ?*

I ke au ia Peka, i ke alii o Iseraela, i ka mea i pepehi ia Pekahia, i ke alii mamua ona, na kii mai ko Asuria alii, o Tigelatapilezera, a lawe pio aku la i ko Gileada, a me ko Galilaia, 740 makahiki mamua aku o ka Mesia.

2. *Owai ke alii o Iseraela mahope iho o Peka?*

O Hosea, o ka mea i kipi mai a pepehi ia Peka, oia ke alii mahope iho ona, oia no keka-hi i hana hewa imua o ke alo o Iehova, a ua lilo hou aku kona poe kanaka i pio.

3. *Owai ka mea i lawe pio aku i ka Iseraela i Asuria, i ke au ia Hosea, 721 makahiki mamua aku o ka Mesia ?*

O Salemanezara ke alii no Asuria. Ua hahao iho la oia ia Hosea i ka halepaahao ; a ekolu makahiki o kona hoopuni ana ia Samaria, a lilo aku ia ia ia, lawe pio aku la oia i ka

Iseraela i Asuria ; a ua hoonoho aku la ia lakou ma Hala, a me Habora ma ka muliwai o Gozana, a me na kulanakauhale o ko Media.

4. *No ke aha la i hookuu aku ai ke Akua i ka Iseraela i lawe pio ia'ku lakou ?*

No ka mea, ua hana hewa aku na mamo a Iseraela ia Ichova i ko lakou Akua ; ua malama lakou i na kii, a ua hookomo lakou i ka lakou mau keiki i ke ahi, i huhu mai ai ke Akua ia lakou.

5. *Owai ka poe i hoonohoia mai ma Samaria?*

O ko na aina e mai, o ko Babulona kekahi, oia ka poe a ke alii o Asuria i lawe mai, a hoonoho mai ia lakou ma na kulanakauhale o Samaria ; aka, ua lukuia mai kekahi poe o lakou e na liona a ke Akua i hoouna mai ai iwaena o lakou ; alaila, hoihoi mai ke alii i kekahi kahuna ana i lawe pio aku ai, a hoonoho hou ia ia ma Samaria e ao mai i kona poe kanaka i ka aoao o ko Iseraela Akua ; a o ka lakou mau mamo ka poe e noho ana ma Samaria, i ka wa i hoouna aku ai o Iesu i kana mau haumana e hai aku i kana olelo i ka poe hipa hihiiu o ka Iseraela.

§ LXIII.

No Hez kia, a me Senakeriba, a me Isaia.

1. *Owai ke alii o Iuda i ka wa i pio ai ka Iseraela ma Asuria ?*

O Hezekia ke alii o Iuda i ka wa i pio ai na ohana a Iseraela he umi i ke au ia Peka a ia Hosea.

2. *Pehea ko Hezekia alii ana?*

He pono ko Hezekia alii ana, ua hana no ia i ka mea maikai imua o ke alo o Iehova e like me ka Davida; na wehe hou i ka hale o ke Akua, a ua hooikaika i na kahuna e hana ma ka oiaio; olioli pu ia me na kanaka i ka ke Akua hoomakaukau ana mai i kona poe kanaka; a ua huli koke mai lakou ma kona make-make.

3. *Heaha ka Hezekia i hana aku ai i ka moo keleawe a Mose i hana'i ma ka nahelehele?*

Wawahi aku la o Hezekia i ka moo keleawe; no ka mea, ua kuni na kanaka i ka mea ala nona.

4. *A i ke kii ana mai o Senakeriba i ko Suria alii e lawe i na kulanakauhale i paa i ka pa, pehea o Hezekia?*

I mai la o Hezekia i ko Suria alii, 'E hoi aku mai o'u aku nei;' ua haawi aku la oia i ke kala a me ke gula he nui loa, mai loko mai o ka luakini.

5. *Pehea iho la o Senakeriba i ka loa ana ia ia ka waiwai nui a Hezekia ma?*

Ua noho malie i kekahi mau makahiki, alaila, hele hou mai la e kua ia Hezekia ma me ka olelo hookano loa.

6. *Heaha ka olelo hookano a Senakeriba ma?*

I mai la ka alihikana o ko Suria alii, o Rabeseka, i ko Ierusalema, 'Eia ka olelo a ke

alii, Mai hoolohe oukou ia Hezekia i kona hoo-walewale ana ia oukou me ka olelo aku, Na Iehova kakou e hoola mai. Owai hoi na akua o ko na aina i hoopakele i ko lakou aina i ko'u lima? E hiki anei ia Iehova ke hoopakele ia Ierusalemia i ko'u lima?'

7. *Pehea o Hezekia ma i ko Suria hookano?*

Ua hooikaika aku la o Hezekia i kona poe kanaka, i aku la, 'Mai makau i ko Suria alii, a me kona poe lehulehu loa, ia ia ka lima kanaka, aka, ia kakou o Iehova o ko kakou Akua e kokua mai ana;' a ua hilinai no na kanaka i ka Hezekia olelo: pule aku la o Hezekia laua o Isaia ke kaula ia Iehova e hoola mai.

8. *U'ahaia o Senakeriba ma?*

Ua lukuia mai lakou. Ua hoolohe mai ke Akua i ka pule a Hezekia laua o Isaia, a ua hoouna mai i ka anela, nana no i pepehi mai na luna a me na koa o ko Suria alii ia po, hoo-kahi haneri me kanawalukumamalima tausani, a pau lakou i ka make; hoi hilahila aku la o Senakeriba i kona aina, noho iho la ma Nineva, a komo i ka hale o kona akua hoopunipuni o Niseroka, e hoomana ia ia, a ua pepehiia mai ia e kana mau keiki i ka pahikaua.

9. *A loaia ia Hezekia ka mai nui, pehea ia?*

Mai loa iho la o Hezekia, a ua olelo mai o Isaia ia ia, 'E hooponopono oe i kou hale, no ka mea, e make ana oe;' pule aku la ia ia Iehova me ka waimaka, a haawi hou mai la ke Akua ia ia i na makahiki hou he umikumamalima: a i ka Hezekia noi ana i hoailona, ua

hoi hope ka la, ua hoi hope ke aka ma ka mea la i na degere he umi.

10. *A ola ka mai o Hezekia, pehea kana hana ana?*

A ola ka mai o Hezekia, kakau iho la ia i kona manao aloha ia Iehova, o kona manao, e hoolea ia ia i kona mau la a pau loa; aka, ua hookiekie kona naau i kona pomaikai, a hoike aku la i kona waiwai i ka poe luna o ko Babulona alii o Berodaka-baladana.

11. *Heaha ke ano o ka Isaia wanana?*

Ua hoakaka o Isaia i ka lilo ana o ko Iuda i Babulona, a me ka make ana o ko Babulona i ko Media, a me ke ola ana o ke pio o Ieseraela, a me ka hiki ana mai o ka Mesia, a me kana hana ana, a me kona make ana, a me ka mai-kai loa o kona aupuni mau loa.

§ LXIV.

No Manase, a me Amona, a me Iosia, a me Iehoahasa.

1. *Owai o Manase?*

O ke keiki ia a Hezekia, ia ia ke aupuni o Iuda, mahope iho o kona make ana.

2. *Pehea ko Manase alii ana?*

Ua hana ino loa o Manase i kona alii ana; ua malama aku i na kii, ua hookomo i kana mau keiki i ke ahi, ua luku no i kona poe kanaka, he kahuna anaana ia, a ua kiiia mai ia

e ko Babulona luna koa, na lakou ia i hoopaa i ke kaulahao, a lawe pio aku i Babulona.

3. *Pehea iho la o Manase i kona pio ana?*

Mihi iho la ia i kona hewa, pule aku la ia Iehova, a ua loheia mai no kana pule, ola ae la kona pio ana, a hoihoiia mai ia i Ierusalem a i kona aupuni; a ma ia hope mai, ua pono kana hana ana, ua ike pono ia o Iehova ke Akua, ua kiola aku la ia i na kii, a kauoha pono aku la i ka Iuda, e malama aku ia Iehova, i ke Akua no Iseraela.

4. *Pehea ka Manase keiki o Amona?*

A lilo ke aupuni i ke keiki a Manase, ia Amona, ua hana ino loa ia, ua malama i na kii, a hala na makahiki elua, pepehi mai la no kona poe kanaka ia ia a make, a ua hoolilo i kana keiki ia Iosia i alii.

5. *Pehea ka Iosia hana ana?*

Ua loa ia ia ke aupuni i kona wa kamalii, awalu wale no ona mau makahiki; a umikumamaono ae la kona mau makahiki, alaila, imi aku la oia ia Iehova, i ke Akua o Davida, o kona kupuna, ua kiola i na kii, ua hoohuli i ko Iuda ma ke kanawai a Mose i loa ia ia ma ka luakini; a ike iho la ma ke kanawai i ko ke Akua manao e hoopai i ka hewa o ka poe i malama ole ia ia, ehaeha iho la kona naau, a ua kii aku e ninau ia Huleda i ke kaulawahine i ka pono.

6. *Pehea ka Huleda olelo i ka Iuda?*

Ua hoakaka mai o Huleda i ko ke Akua hahu ana mai ia aina, no ko lakou hoomana ana i na kii.

7. Hezha ka Huleda olelo ia Iosia ?

Eia ka Huleda olelo ia Iosia, 'Ke i mai nei Iehova, No ka mea, na palupalu kou naan, a ua hoohaahaa iho oe ia oe iho imua o ke alo o ke Akua, i kou hoolohe ana i kana olelo, owau no kekahi i hoolohe aku ia oe, a e hoohuiia oe me kou mau makua me ka pomaikai, aole hoi oe e ike i ka poino e hiki mai ana i keia wahi.'

8. A lohe o Iosia i ka ke Akua olelo a Huleda i hai mai ai ia ia, pehea iho la ia ?

Hooikaika nui iho la i kona poe kanaka e malama pono i ko ke Akua kanawai ; a ua ahaaina lakou i ka ahaaina moliaola, e like me ke kanoha a Iehova.

9. Ehia makahiki o ko Iosia alii ana ?

Kanakolukumamakahi na makahiki o ko Iosia alii ana ma Ierusalem ; a hele mai la ko Aigupita alii o Neko i kona aina, me ka manao e kua i ko Asuria, hele aku la o Iosia e kipaku ia ia, ku iho la ia i ka pua, a ua hoihoii mai ma Ierusalem a make iho la.

10. Healia ko Iosia pomaikai i kona make ana ?

O ko ke Akua lawe e ana ia ia i ka lani i ka puuhonua mau loa, aole ia i ike i ka poino ana o ko Ierusalem i ko lakou wa i pio ai.

11. Heuha kē Ieremia olelo no Iosia laua me kana keiki o Iehoahaza ?

I ka uwe ana o na kanaka i ka make ana o Iosia, i mai o Ieremia, 'Mai uwe onkou i ka mea i make ; aka, e uwe nui oukou i ka mea

e hele ana i kahi e, no ka mea, aole ia e hoi mai, aole hoi e ike hou i kona onehanau.'

12. *U'ahaia o Iehoahaza?*

A lilo ko Iosia aupuni ia ia, ua lawe pio ia'ku ia i Aigupita e ko laila alii, e ka mea nana i hoolilo i kekahi keiki a Iosia, ia Elia-kima i alii ma Ierusalema, a ua kapa hou ia kona inoa o Iehoiakima.

§ LXV.

No Iehoiakima, a me Iehoiakina, a me Zedekia, a me ke pio ana o ka Iuda, i ka makahiki 606 mamua aku o ka Mesia.

1. *Pehea ko Iehoiakima alii ana?*

Ua hana hewa aku la o Iehoiakima imua o ke alo o ke Akua, ua hoomaau aku i kona poe kaula, ua pepehi oia ia Uria i ke kaula maikai i ka pahikaua, a ua puhi i ke ahi i kekahi palapala a ke Akua a Ieremia ma i kakau ai: a ua haawi ae la o Iehova ia ia i ka lima o Nebukaneza, ua paa iho la ia i ke kaulahao: a ua lawe pio ia'ku la kekahi mau alii, o Daniela ma, i Babulona.

2. *Iawai he aupuni o Iuda, mahope iho o Iehoiakima?*

I kana keiki ia Iehoiakina, ke aupuni o Iuda i na mahina ekolu

3. *Pehea iho la ko Iehoiakina alii ana?*

Ua hana hewa aku la o Iehoiakina e like me

kona makuakane, a kii hou mai la o Nebukaneza ma e hoopuni ia Ieruselema.

4. *U'ahaia o Iehoiakina ma?*

Ua lawe pio ia'ku o Iehoiakina, a me kona makuwahine o Nehnseta, a me na'lili malalo ona, a me kona poe kanaka ikaika, he umi tausani pio a ke alii i lawe aku ai i kona aina i Babulona, malaila i noho aku ai o Iehoiakina iloko o ka halepaahao, i na makahiki he kanakolukunmamahiku.

5. *Owai ke alii o Iuda mahope iho o Iehoiakina?*

O ke kaikaina o kona makuakane, o Zedekia, oia ke alii a Nebukaneza i hoonohe ai ma kona noho alii ma Ieruselema, o ka hope loa ia o ko Iuda mau alii.

6. *Pehea ka Zedekia hana ana, a me kona poe kanaka?*

Ua hana hewa loa aku la o Zedekia, e like me Iehoiakima, a ua haalele i ko Babulona alii, a ua kii aku ia Aigupita, e nonoi i na lio, a me na koa e kokua mai, aole ia i hoolohe i ka Akua olelo, a Ieremia i hai mai ai ia ia; ua hahao ia Ieremia iloko o ka halepaahao, ua hoomaloka kona poe kanaka i ka olelo a ke Akua, a na kolohe aku hoi i kana poe kaula.

7. *U'ahaia Zedekia ma?*

Ua hoopuniia mai lakou e Nebukaneza ma, ua pepehiia mai kekahi poe, ua lilo o Zedekia ma i ko Babulona alii, ua pepehiia kana mau keiki imua o kona alo, a ua poaloia kona mau maka, a ua paa iho la ia i ke kupee keleawe,

a na lawe pio ia'ku i Babulona, a me ka nui o kona poe kanaka ikaika, a me ko lakou waiwai ; a na pau ka hale o ke alii, a me na hale o na kanaka koikoi, a me ka luakini i ke puhii i ke ahi e Nebuzaradana, ka luna kaua a Nebukaneza, a na hoohioloia iho la na pa c o Ierusalema ; kanahiku makahiki o lakou : noho pio ai i ka aina e, no ko lakou huli ana na akua e ; aka, na koe mai ka poe kanaka waiwai ole, i mea mahiai na ke alii, a o Gedalia ko lakou luna. Pela i pau ai na aupuni o na mamo a Iseraela.

§ LXVI.

No Daniela ma, a me Nebukaneza.

1. *Owai ka poe pio i pomaikai ma Babulona ?*

O Daniela, a me Saderaka, a me Mesaka, a me Abedenego, ka poe i malamaia e Nebukaneza, a na aoia mai lakou i ko laila olelo, na ke Akua i haawi mai ka naauao loa ia lakou.

2. *Heaha ka mea i punahele ai o Daniela i ke alii o Babulona ?*

O ka Daniela hoike ana i ke alii i kana moe, a me ke ano o ke kii nui ana i ike ai.

3. *Heaha ke ano o ka Nebukaneza moe ?*

O ke poo gula, o Nebukaneza ia, me ke aupuni o Babulona ; a o ka umauma kala a me na lima, o ke aupuni o ko Media a me ko Peresia

ia ; a o ka opu keleswe a me na uha, o ko Ma-kedonia aupuni ia ; a o na wawae hao, a me na kapuai hao i hui pu ia me ka palolo, o ko Roma aupuni ia ; a o ka pohaku i nahaha liilii ai na kii la, o ke aupuni ia o ka Mesia, he mea ia e pau ai na aupuni e ae, aole loa hoi ia e pau.

4. *Pehea iho o Nebukaneza ia Daniela ma ?*

Ua hoolilo ae la o Nebukaneza ia Daniela i alii malama aina ma Babulona, a me kona mau hoalauna ekolu i alii malalo iho ona ; aka, ua huhu ke alii ia lakou ekolu mahope iho.

5. *No ke aha la i huhu ai o Nebukaneza i ko Daniela mau hoalauna ?*

No ka mea, ua hana aku la o Nebukaneza i ke kii gula nui, kanaono kupita o ke kiekie, a eono ka laula ; a ua kauoha aku la i na kaka a pau e moe iho e hoomana i ke kii ana i hooku ai, a ina hoole kekahi, e kiolaia ia i ka umu ahi, pahiku ka wela ana ; aole nae lakou i malama iki i kona kii.

6. *U'ahaia o Saderaka, o Mesaka, a me Abedenego ?*

Ua nakinakiiia lakou a paa, a me ko lakou kapa pu no nae, a ua kiolaia lakou iloko o ka umu ahi, make iho la i ka lapalapa ka poe nana i kiola ; aka, ua malama pono ia mai o Saderaka, a me Masaka, a me Abedenego, e ka anela i hele pu maloko o ke ahi ; mahalo loa ke alii, a kahea aku la ia lakou e puka mai ; aole i wela iki lakou, a me ko lakou lauoho, a me ko lakou mau kapa.

7. *Pehea ka manao o Nebukaneza i keia hana manu a ke Akua ?*

I mai la o Nebukaneza, 'Ke kau nei au i ke kanawai no na kanaka a pau, o ka poe i hoino i ke Akua o Saderaka, a me Mesaka, a me A'bedenego, e okiokiia'e lakou a kaawale, a e hooliloia'e ko lakou hale i puu opala, no ka mea, aole akua e ae e hiki ia ia ke hoola e like me neia.'

8. *Heaha ka lua o ka moe a Nebukaneza a Daniela i hoakaka hou aku ai ?*

O ka laau ulu nui a hala loa i ka lani, e kuaia'na hoi ilalo, a e waiho ana ke kumu i na makahiki ehiku ma ke kula.

9. *Heaha ke ano o ua laau la a Nebukaneza i ike ai i kana moe ?*

O Nebukaneza ia, ua kiekie loa ia, a ua lilo na aina a pau nona : a ua hookiekie loa kona naau ; aka, ua kipakuia aku ia mai waena aku o kanaka, a ua ai ia i ka weuweu, e like me ka pipikauo, ua pulu ia i ka hau, ua ulu kona hulu, e like me ka hulu o ka aito, a o kona maiao, e like me ka maiao o na manu, a hala na makahiki ehiku, e like me ka Daniela hoike ana mai i ke ano.

10. *A pau na makahiki ehiku o ko Nebukaneza poino ana, pehea iho la ia ?*

Ua hoi pono mai kona manao, a ua hoihoia mai no ia i kona aupuni : hoomaikai aku la oia ia Iehova, i iho la, 'Ua hana no ia ma kona makemake i ka puali o ka lani, a iwaena o ko ka honua. Owau, o Nebukaneza nei, ke

hoomaikai aku nei au, ke hapai aku nei hoi me ka mahalo aku i ke Alii o ka lani ; ua pau kana mau hana i ka oiaio, a me kona mau aoao i ka pololei, a o ka poe e hele me ka hacheo, e hiki no ia ia ke hooahaaha ia lakou.'

§ LXVII.

No Belehaza, a me kana ahaaina,

1. *Pehea ka ahaaina a Belehaza a ke keiki a Nebukaneza?*

Ua ahaaina pu o Belehaza me kona mau alii hookahi tausani, inu lakou i ka waina i na ipu goula mai loko mai o ka luakini a Solomoua i hana'i ; a ua hoolea lakou i na akua goula, kala, hao, keleawe, laau, a me ka pohaku.

2. *Heaha ka hana mana i makau loa ai o Belehaza?*

I ka ahaaina bewa ana, hiki mai la ka lima, kakau iho la ma ka puna o ka hale, i neia mau huaolelo, 'MENE, MENE, TEKELA, UPARESINA.' Haalulu loa ke alii.

3. *Heaha ke ano o ia mau hua a Daniela i hoakaka mai ai i ke alii?*

MENE : Ua helu mai ke Akua i kou aupuni, a ua hooki. TEKELA : Ua kaulia oe ma ka pao-na, a ua ikea kou nele. PERESA : Ua hookaa-waleia kou aupuni, a ua haawiia aku i ko Me-dia, a me ko Peresia.

4. *Ua ko ae la anei ke ano o ia mau hua ?*

Ae ; ia po, ua pepehiia mai o Belchaza, a ua lilo ke aupuni ia Dariu, i ke alii o Media.

§ LXVIII.

No Dariu, a me ke kiola ana ia Daniela i ka lua liona.

1. *Pehea ko Daniela noho ana i ke au ia Dariu ?*

A lilo ke aupuni nui o Babulona ia Dariu, hoonoho iho la oia i na'lii, hookahi haneri me ka iwakalna maluna iho o lakou, a o Daniela ka mua o ua mau luna nui la ; alaila, imi lakou i ka hala o Daniela e hewa ai ; aole i loa ka hala ma kona malama ana i ke aupuni, no ka mea, he kanaka hoopono loa ia.

2. *Pehea la lakou i hooheva'i ia Daniela ?*

Ua olelo nui lakou ia Dariu, e kau ke kanawai menei ; 'O ka mea i noi aku i ke Akua, a i ke kanaka paha ; i ke alii wale no, i na la he kanakolu, e kiola ia i ka lua liona ;' kaulia iho la ko ke alii inoa a paa, aole e lole hou ae. Lohe o Daniela, ua kania ke kanawai, hele aku no ia i kona hale, kukuli iho la, ekolu ana pule ana i kela la i keia la, e like no mamua ; a lohe lakou, hai aku la lakou i keia hewa i ke alii.

3. *Pehea iho la ke alii i ka lakou kahihi ana i kana punahele ?*

Huhu iho la oia ia ia iho i kona ae ana, aka, aole e hiki ia ia ke hoopakele i kana punahele ; kiola aku la lakou ia Daniela iloko o ka lua liona. I aku la ke alii ia ia, 'Ma kou Akua au e malama nei, e hoola ia oe ;' alaila, hoi ia i kona hale me ka lealea ole, aole ona hiamoe iki ia po.

4. *A kakahiaka ae, heaha ka Dariu olelo ia Daniela iwaena kōnu o na liona ?*

A kakahiaka nui, kii mai la ke alii e kahea ia ia, 'E Daniela, e ke kauwa a ke Akua ola, e hiki no anei i ke Akua au e malama nei, ke hoopakele mai ia oe i na liona ?

5. *Pehea o Daniela ?*

I mai la Daniela, 'E ke alii, e ola mau loa oe. Ua hooana mai ko'u Akua i kona anela, e pani i ka waha o na liona, i eha ole ai au ia lakou nei, no ko'u hala ole imua o kona alo ;' alaila, olioli nui iho la ke alii, a ua hapai ola ia mai o Daniela, aole i eha iki, no kona manaoio ana i kona Akua, pomaikai aku la ia.

6. *U'ahaia ka poe i hooheia wale ia Daniela ?*

Ua hoopaiia lakou e ke alii ; ua pau lakou i ke kiolaia iloko o ka lua liona, me ka lakou mau wahine, a me na keiki, ua pau ko lakou mau iwi i ka haihaia e na liona. Ua ko iho la ka olelo a Davida no ka mea kolohe,

• Ua eli oia i ka lua a poupon.

• Ua haule iho la ia ilalo o ka auwaha ana i hana'i ?'

7. *Pehea ko Dariu manao i ke ola ana o Daniela ?*

Eia ka manao a Dariu i palapala'i, no na

kanaka a pau ma ka honua, 'Ke kauoha aku nei au i na kanaka ma na moku a pau o ko'u aupuni, e haalulu me ka makau aku i ke Akua o Daniela, no ka mea, oia ke Akua ola, e kupa mau loa ana, a o kona aupuni ka mea aole loa e hoohioloia.'

§ LXIX.

No Kuro, a me ka hoi ana mai o na Iudaio, i ka makahiki 536 mamua aku o ka Mesia.

1. *Aole anei i mihi na Iudaio, ka poe mamo a Iserae'a i ko lakou noho pio ana ma Babulona i ka makahiki kanahiku?*

Mihi no kekahi poe, minamina kekahi poe i ka luakini, me ka manao pono i ke Akua. I iho la lakou,

'Ma na muliwai o Babulona i noho iho ai kakou,
'Uwe iho la kakou i ko kakou hoomanao ana ia Ziona.'

A ua hai aku la o Daniela i ko lakou hewa i ke Akua, pule aku la ia ia e kala mai, a e hoi-hoi ia lakou i Ierusalema; a ua hookuuiia lakou.

2. *Owai ke alii i hookuu aku i ka poe Iudaio i pio ma Babulona, e hoi aku i ko lakou aina?*

O Kuro ke alii o Peresia; i aku la oia, 'Na Iehova, ke Akua o ka lani, i haawi mai ia'u i na aupuni a pau o ka honua, a ua kauoha mai ia'u e hana i hale nona ma Ierusalema. Owai ka mea iwaena o oukou, o kona poe kanaka?'

o ke Akua pu kekahi me ia, e hoi aku ia i Ierusalem, e hana i ka hale no Iehova, no ke Akua o Iseraela, (oia ke Akua io.)

3. *Ehia poe Iudaio i hoi aku i Ierusalem, mai ko lakou pio ana ma Babulona?*

Kanahakumamaiwa tausani eiwa haneri kumamahiku poe pio i ola, a ua hoi mai i Ierusalem.

4. *Ehia ipu o ka luakini i hoihoia mai?*

Elima tausani eha haneri ipu a Nebukaneza i lawe aku ai, ua hoihoia mai no ia e Kuro, ma ka lima o ka moopuna a Iehoiakina, o Zerubabela kona inoa, ka luna o ka poe Iudaio i hoi ola mai i Ierusalem.

5. *Ileaha ka lakou hana i ko lakou hoi ana mai i Ierusalem?*

Ua hana hou lakou i ke kuahu, a me ka luakini hou, aka, ua uwe hou kekahi poe kahiko i ka like ole o keia luakini me ka luakini a Solomona i hana'i.

6. *Owai ka poe i hoole i ka lakou hana?*

O ko Samaria, ka poe launa ole i na Iudaio, a me kekahi alii mahope o Kuro, o Aretake-reke kona inoa, ua hoole lakou, nolaila i paa wawe ole ai ka hale.

7. *Owai ko lakou mea i pono ai, a i paa ai ka luakini?*

O kekahi alii hou ma Peresia, o Dariu kona inoa, a o na kaula o Hagai, a me Zekaria, ua hooikaika lakou i ka poe Iudaio, e hana i ka hale a paa, a hala na makahiki he iwakalua, hoolaa aku la lakou i ka hale i ke Akua me ka

olioli, elima haneri me ka umikumamalima makahiki mamua aku o ka Mesia ; aka, oia ka luakini a Iesu i komo ai, o ka mea ia i oi aku ai ka nani o keia hale mamua o kela hale.

8. *Owai ke kakauolelo makaukau loa, i hoo-ponopono aku i ka noho ana o na Iudaio ma Ierusalem?*

O Ezera, ke kakauolelo e noho ana ma Babulona ; makemake loa ia e hele ma Ierusalem, a ua hoomakaukau i kona naau e imi i ke ano o ke kanawai o Iehova, a me ka malama. Ua ae mai ke alii o Ahasuero i kona manao, ua lokomaikai nui oia ia ia, a ua hoolilo oia ia ia i luna no ka poe Iudaio ma Ierusalem, a me ka poe i hele pu me ia ilaila ; oia ka mea i hoo-ponopono i ko lakou noho ana.

§ LXX.

No Eseta, a me Moredekai, a me Ahasuero, a me Hamana.

1. *Owai o Eseta?*

O ka hunai ia a Moredekai, ka Iudaio no ka poe pio ma Babulona, o ke kaikamahine ia a ka hoahanan o ko Moredekai makua ; a mahope iho o ka hemo ana o Veseti, no kona hoo-kano, lilo aku la o Eseta i wahine na Ahasuero ke ali o Peresia, a me Media, a me Babulona, a me Kanaana ; hookahi haneri a me ka

iwakalua kumamahiku o kona mau okana, mai Benegale a hiki i Aitiopa.

2 *Pehea ka noho ana o Moredakai ma ma Susana, ke kulenakauhale i noho ai o Ahasuero?*

Ma ka pono ko Moredakai noho ana. Ua malama oia i ke alii i ka wa i manao ai na kauwa elua e pepehi malu i ke alii ia Ahasuero; aole hoi ia i kulou i ka punahele a ke alii ia Hamana; a ua huhuia mai ia, mai make o Moredakai ia ia, a me na Iudaio a pau.

3. *Pehea la i pono ai o Moredakai ma, i pa-kele ai lakou i ka huhu o Hamana?*

O Eseta ka mea i pono ai. Ua malama no ia i ka oielo a Moredakai, e like me kona wa kamalii; a i kana ahaaina ana me ke alii a me Hamana, i iho la o Ahasuero ia ia, 'Heaha kuu mea e noi mai ai, e Eseta? e loa no ia ia oe;,' olelo aku la o Eseta, 'E ola au a me ko'u poe kanaka, no ka mea, ua kuaiia makou a pau e make.' Ua palapala e aku la o Hamana i na'lii okana a puni, e lukn wale i ka poe Iudaio a pan i ka la hookahi.

4 *Pehea iko la ke alii i ko Eseta makemake?*

Ua kena aku la e kaawe ia Hamana i ka laau pea kiekie ana i kukulu ai i make ai o Moredakai, a haawi aku la i kona hale ia Eseta, a o kana oihana, ia Moredakai, i aku la ia laua, 'E palapala aku olua no ka poe Iudaio e like me ko olua makemake.'

5. *Pehea ka Moredakai pa'apala i na Iudaio?*

Palapala aku la o Moredakai i ka poe Iudaio a pan, e kupaa ma ko lakou ola, a e pepehi i na enemy a pau i lele mai ia lakou.

6. *Pehea ka poe Iudaio i ka Moredekai palapala?*

Olioli lakou, a ua kupaa lakou me ka makaukau; a ua make ko lakou mau enemy a Hamana i hookonokono ai, he kanahikukumamalina tausani a me na haneri ewalu, a ua make na keiki a Hamana he umi, e like me kona make ana. Ua haule iho la ko lakou kolohē ana maluna o ko lakou poo iho, a ua pakele ko ke Akua poe kanaka. Ua ko io ka Ezera olelo ia Ahasuero, 'Ua kau mai ka lima o ko makou Akua maluna o ka poe a pau i imi ia ia i pomaikai ai lakou; aka, ua ku e kona mana; a me kona huhu i ka poe i haalele ia ia.'

§ LXXI.

No Nehemia.

1. *Oitai o Nehemia?*

He Iudaio no ia, he luna lawekiaha no Ahasuero, ua hooliloia e ia i luna no ka poe Iudaio, i kukulu honi na pa o Ierusalem, aka, ua huhuia mai e Senabalata, a me Tobia, no kona hiki ana mai e imi i ka mea e pomaikai ai na mamo a Iseraela.

2. *Heaha ka Nehemia olelo i kona mau enemy?*

I aku la o Nehemia, 'O ke Akua o ka lani, oia ko makou mea e pono ai, nolaila, e ku ae

ai makou kana poe kauwa, a e hana aku,'....
 'he hana nui ka'u, aole au e haalele,... 'aole
 au e auhee.'

**3. Heaha ka Nehemia i ke kuai ana o ko
 Turo i ka la sabati ma Ierusalema?**

Hakaka iho la o Nehemia me na luna o Iuda,
 i iho la ia lakou, 'Ua hoomahuahua mai nei
 oukou i ka huhunia mai o ka Iseraela no ko
 oukou malama ole ana i ka la sabati.' Alaila,
 ua paniia mai na ipuka o ka pa i ka la sabati
 i halihali ole ia mai ai na ukana iloko ia la;
 aka, ua halihali mai na kanaka kuai i ko la-
 kou ukana, a noho iho la mawaho o ka pa i
 ka la sabati. I iho la o Nehemia ia lakou,
 "No ke aha la oukon e noho ai ma ka pili pa?
 ina e hana hou oukou pela, e kau aku ko'u
 lima maluna iho o oukou.'

**4. A pau na pa o Ierusalema, pehea ko lakou
 hoomana ana?**

Houluulu iho la i kahi hookahi o na kanaka
 a me na wahine, a me na mea lohe a pau, ku
 ae la iluna o Ezera ma ka awai, wehe ae la i
 ka Buke, ku ae la na kanaka, hoomaikai aku
 la o Ezera ia Iehova i ke Akua nui, i lokahi
 iho la na kanaka 'Amene;' alaila, heluhelu
 aku la o Ezera i ke kanawai o ke Akua ma ka
 Buke, a ua hai aku la i ke ano i lohe lakou;
 a i kekahi la, hoopololi lakou me ka mihi, a
 me ka hai aku i ko lakou hewa; i aku la ke-
 kahi mau pua a' Levi, "E ku ae oukon iluna,
 e hoomaikai aku ia Iehova, i ko onkou Akua
 mau loa; e hoomaikai mau ia'ku kou inoa ha-
 nohano; o oe wale no Iehova.'

§ LXXII.

No ka noho ana o ka poe Iudaio mahope mai o Nehemia, a me ka lilo ana i ko Roma.*

1. Inahea ka lilo ana o ka poe Iudaio i ko Roma?

Kanaono paha makahiki mamua aku o ka Mesia, ua lilo ko lakou aina ia Kaisara, i ke alii o Roma.

2 Owai ka mea a ko Roma i hoonohe ai i alii kiaaina no Iudea?

A lilo mai na aina o ka honua i ko Roma, hoonohe lakou ia Herode i alii no Iudea.

* Eia ka olelo a kanaka no ka noho ana o ka Iseraela mai ka wa ia Nehemia, a i ka wa i hiki mai ai ka Mesia.

A make aku la o Nehemia, ua lilo ka aina o ka Iseraela, a me ka aina o ke Alii o Ieresia, ia Alekanedero i ke Alii o Makedonia. He alii nui ia. He nui kona aina ma Europa, he nui no ma Asia, a ma Aferika kekahi. A make ia ma Babulona. mokuahana'e la kona aupuni i eha aupuni, e l'ke me ka Daniela, lilo ka poe Iudaio i ke Alii o Aigupita. Ma ia hope mai, hahai lakou mamuli o Anetioka, o ke Alii o Suria. Malama pono iho la oia i ka poe Iudaio me ka hoomalu.

A lilo ko Anetioka aupuni i kana keiki, ia Anetioka Epip ne, ke Alii aloha ole; kolohoe loa mai la oia i ka poe Iudaio, me ka hooluhihewa, a me ka pepehi wale, a me ke kusi wale atu ia lakou i kauwapi. Kanawalu tausani o lakou i make ia ia i ka pepehiia me ka pahi-kaia. Kanaha tausani o lakou i pau ia ia i ke kuaiia i

3. *A lanakila loa o Kaisara ke alii, pehea ka noho ana o ko ka honua ma ia hope i ka manawa i hiki mai ai ka Me ia ?*

Noho malie na lahuikanaka me ka manao e hiki mai ana kekahi mea nui, a na manao ka poe Iudaio e hiki mai ana ko lakou alii e ku okoa hou ai ko Iuda aupuni ; kakaikahi wale no ka poe kanaka i manaoio ia Iehova, ma ka naanpo no ka nui.

kauwa e hooluhihewaia. A ike na Iudaio i ka hewa io o kana hana ana, ku okoa ko lakou aina.

O Matia ke kahuna, oia kekahi alihikaua no ka poe Iudnio, mahope iho o ko lakou kolohe wale ia mai e ko Suria Alii. A o ka Matia mau keiki hoi kekahi mau alihikaua no lakou, o Iuda, o Simona, o Ionatana, o Eleazara, a me Ioane. Ua kapaia iho la lakou "Na Makabi." Ua ikaika loa lakou i ke kava aku i ko lakou poe enemy i lele mai ia lakou. A liulin loa mai, pio hou lakou i ke alii nui o Roma, o Iulio Kaisara ke'lii koa ; he nui wale kona aupuni. A pepehii ia e kona mau luna. o Anetonio ke'lii ; a make ia i kona pahi iho ma Aigupita, lilo ia aupuni noi ia Oketavio, i kapaia o Kaisara Augusato. *Luka II. 1.*

Mai ka wa a Nehemia i hana hou ai i na pa o Ierusalem, a hiki i ka wa ia Herode, i ka mea a ko Roma alii nui i hoonoho ai malaila i alii no Iudaia, eha hane-ri makahiki. Aole i malama maopopo ka nui o na Iudaio i ka makemake o ke Akua e like me ka Mose, aole hoi i maopopo ko lakou pomaikai.

§ LXXIII.

No ka hiki ana mai o ka Mesia.

1. Owai ka mea nui i hiki mai i ke ao nei i ke au ia Kaisara ke alii lanakila loa o Rōma?

O Iesu, ke Keiki a ke Akua, ka mea nui i hiki mai i ke au ia Kaisara, i ka wa i noho ai o Herode ma Ierusalem.

2. Nawai i hai e mai ko Iēsu hiki ana mai?

O ka poe kaula kekahi, a me ka anela, o Gaberiela kona inoa, ka mea i olelo mai ia Maria, 'E kau mai ka Uhane Hemolele maluna iho ou, a e malu mai ka mana o ka mea kiekie loa ia oe, no ia mea, e iia ka mea hemolele au i hanau aku ai he Keiki na ke Akua.'

3. Makea la i hanau mai ai o Iesu?

Ma kahi i hanaia'i na holoholona, ma Betelehem, kokoke no ma Ierusalem, malaila no ka hanau ana o Iesu.

4. Hea ka ka anela o ka Haku i olelo mai ai i ka poe kahuhipa?

Olelo mai la ka anela ia lakou, 'E, mai makau oukou; no ka mea, ke hai aku nei au i ka mea maikai ia oukou, i ka olioli nui, e lilo ana no na kanaka a pau; no ka mea, ua hanau iho nei i keia la, ma ke kulanakauhale o Davida, he ola no oukou, oia ka Mesia, ka Haku.'

5. Pehea la i loa'a'i o Iesu i ka poe magoi?

Ua alakaiia na magoi, na kanaka naauao ma ka hikina, e ka hoku, hele mai la lakou i Ie-



KA NA MAGOI IMI ANA IA IESU.

rusalema, ninau mai la, 'Anhea la ka mea i hanau i alii no ka poe Iudaio?' lohe lakou, aia ma Betelehema kahi i hanau ai ka Mesia; lele ae la ua hoku la mamua o lakou, a kau pono maluna o kona wahi; a ike lakou ia ia, hoomaikai aku la.

6. *Pehea la o Herode ia Iesu i kona wa i hanau ai?*

Manao iho la o Herode e pepchi ia ia, kauoha ae la i ka poe magoi, e hoike mai ia ia, aka, ua hoihoiia aku la lakou ma ke ala e; huhu iho la o Herode, kena aku la e luku i ka poe kamalili uuku ma Betelehema.

7. *Pehea la i pakele ai o Iesu?*

Ua lawe e ia aku la o Iesu i Aigupita, malaila ia i noho ai a make o Herode; alaila, hoi mai la e noho ma Nazareta, i Galilaia.

8. *No ke aha la i hele mai ai o Iesu i keia ao ino nei?*

Ua hele mai no Iesu e hana i ka makemake o kona Makua, e malama pono i ke kanawai, a e lilo ia i kalahala no ko ke ao nei; nolaila ia i lawe ai i ke kino kanaka nona, e noho pu me kanaka, e hoakaka i ka pono, a e make hoi no ko oukou hewa, i kalaia mai ia: i mai la ia, 'Ua hele mai ke Keiki a ke kanaka e imi i ka mea i nalowale e hoola.'

§ LXXIV.

No Ioane ke keiki a Zakaria a me Elisabeta.

1. *Owai ka mea i hoounaia mai me ka nanuaa ikaika o El'a e hoomakaukau i ke kuamoo inua o ka Mesia?*

O Ioane ke kaula nui, ka mea i bapetiso i kanaka mihi, a ua kuhikuhi ae la oia ia Iesu ia lakou; i aku la ia, 'E nana i ke Keiki hipa a ke Akua, nana e lawe aku i ka hala o keia ao;' a ua bapetiso hoi oia ia Iesu, i kona wa e hoomakaukau ai e ao hele ia mau aina.

2. *Heaha ka ke Akua olelo ia Iesu i kona wa i bapetisoia'i?*

Ua pane mai la ka leo mai ka lani mai, i mai la, 'O oe no ka'u keiki punahele, ua oluolu loa an ia oe.'

3. *U'ahaia o Ioane Bapetite?*

Ua huluia mai no Ioane e kekahi alii, e ke keiki a Herode, o Herode no hoi kona inoa, a me Herodia o kana wahine i moe kolohe ai, no kana ao pono ana ia ia; a ua hahaoia ia iloko o ka halepaahao, a i ke noi ana mai o ka Herodia kaikamahine, e like me ka makemake o kona makuwahine, ua okiia ko Ioane poo e Herode; aka, ua hoopomaikaiia kona uhane.

§ LXXV.

● No ka Iesu aohele ana.

1. *Pehea la ko Iesu noho ana i ke ao nei a me kona hele ana?*

Ua hooahaahaa loa o Iesu, noho no me ka ilihune, aole ona wahi i hoomoe ai i kona poo, a ua kaahela no ia e hana maikai ana.

2. *Mahea la oia i noho ai, a i aohele ai mahope iho o ko Ioane bapetiso ana ia ia?*

Ma Kaperenauma ko Iesu wahi i noho ai, a ua aohele no ia ma na kulanakauhale o Galilaea, a me kekahi mau aina e o ka Iseraela, ma Ierusalem hoi kahi i hele ai i na ahaaina a ka poe Iudaio.

3. *Heaha ka Iesu olelo i ka hoo-walewale ana mai o ka diabololo ia ia e hoolilo i ka pohaku i berena?*

I aku la Iesu, 'Aole e ola ke kanaka i ka berena wale iho no, aia i ka olelo a pau mai ka waha mai o ke Akua.'

4. *Heaha ka Iesu olelo ia Satana i kona hoo-walewale ana aku ia ia e haomana mai ia ia?*

I aku la Iesu ia ia, 'E hele oe pela, e Satana, ua palapalaia mai, E hoomana aku oe ia Iehova, i kou Akua, a e malama aku oe ia ia wale no.'

5. *Owai ka luna i kamailio mai me Iesu i ka po?*

O Nikodemo, kekahi luna o ka poe Iudaio, ua hele mai ia e kamailio me Iesu, no ka

manao, he kumu oiaio ia na ke Akua mai ; a lohe oia i ka pono, hana pono aku oia ia Iesu.

6. *Heaha ka olelo paakiki ia Nikodemo, a Iesu i olelo aku ai ia ia ?*

Olelo aku la Iesu ia ia, i aku la, 'Oiaio maoli ka'u e olelo aku nei ia oe, a i hooahanau hou ole ia ke kanaka, aole loa oia e ike i ke aupuni o ke Akua. '

7. *Heaha ka Iesu olelo nui i ka wahine o Samaria, i ka mea i mare i na kane elima, a'aila, lilo i ke kane mare ole ?*

I aku la Iesu ia ia, 'He Uthane ke Akua, a o ka poe e hoomana aku ia ia, he pono no lakou e hoomana aku ia ia ma ko lakou uhane, a me ka oiaio ; no ka mea, oia ke ano o ka poe a ke Akua i imi mai ai e hoomana aku ia ia.'

8. *Heaha ka ka wahine olelo i ko Samaria ?*

I iho la ia, 'E hele mai e ike i ke kanaka, nana i hai mai ia'u i ka mea a pau loa a'u i hana aku ai ; aole anei oia ka Mesia ?'

9. *A i hai pono aku Iesu i ka olelo a ke Akua i ko Nazareta, heaha ka lakou hana ia ia ?*

Ua kipaku ko Nazareta ia Iesu iwaho, imi lakou i kona make, manao lakou e kiola ia ia i ka pali ; aka, ua pakele oia i ko lakou lima.

10. *Owai ka Iesu mau haumana i hele pu me ia a i kapa hou ia ai he lunaolelo ?*

O Simona i kapaia aku ai e ia o Petero, a me kona kaikaina o Anederea, o Iakobo, a me Ioane, o Pilipo a me Baretolomaio, o Mataio, a me Toma, o Iakobo na Alapaio, a me Simona i oleloia'i o Zelote, o Iuda ka hoahanau o Iakobo, a me Iuda Isekariote, ka mea i kumakaia.

11. *Owai ka poe i manao e hoolilo ia Iesu i alii?*

O na kanaka elima tausani i hanaiia e ia, i maona i ka mea liiliii a kona mana i hooma-huahua ae ai.

12. *Owai na haumana i hele pu me Iesu i kahi i ano hou ai ia?*

O Petero, a me Iakoko, a me Ibane, a ua ike lakou i kona ano hou ana maluna o ka manna kiekie, a me kona nani, a me na mea i kamailio mai me ia.

13. *Owai na mea i kamailio mai me Iesu ma ka mauna i ano hou ai oia?*

O Mose o ke kaula nui nana i alakai ka Ise-raela mai Aigupita mai, a o Elia kekahi kaula nui i lawe ola ia'ku i ka lani; ua iho mai laua ma ka mauna a kamailio pu me Iesu no kona make ana.

14. *Heaha ka Iesu olelo i na kamalii uuku?*

Kahea aku la Iesu ia lakou e hiki mai io na la, i aku la, 'E ae aku i kamalii uuku ke hele mai io'u nei, mai hoole aku ia lakou, no ka mea, no ka poe me neia ke aupuni o ke Akua.'

15. *Heaha ka Iesu olelo i kekahi alii waiwai i ninau mai i kana mea e hana'i?*

A lohe ae la Iesu ia, i aku la, 'Hookahi mea i koe ia oe; e hele oe, e kuai aku i kou waiwai a pau, a e haawi aku i ka poe ilihune, a e loa ia oe ka waiwai ma ka laui; alaila, e hele mai oe e hahai mai ia'u.

16. *Pehea la ua alii waiwai la?*

A lohe ae la oia ia mea, minamina iho la ia, no ka mea, he nui loa kona waiwai.

17. *Heaha ka ka poe ilamuku i kenaia ai e paa aku ia ?*

Lohe iho la lakou i kona leo ; hoi wale mai lakou, a ninau ka poe Parisaio nana i kena, 'No ke aha la oukou i lawe ole mai ai ia ia ?' i aku la na ilamuku, 'Aole loa he kanaka e ae e like ka olelo me ka keia kanaka.'

18. *Owai ka poe i himeni aku ia Iesu ma ka luakini i ko ai ka Davida olelo ?*

O na kamalii i himeni aku, 'Hosana i ka Mamo a Davida ;' huhu na kakauolelo ko Iesu mau enemi ; aka, ua ko iho la ka Davida olelo, 'Noloko ae o ka waha o na keiki hou a me na mea omo, 'I hoomakaukau ai oe i ka hooles.'

19. *Heaha ka Iesu i ka poe kuai maloko o ka luakini a ka poe Iudaio i hana'i i ke au ia Darius ?*

Kipaku aku la iwaho o Iesu i ka poe kuai iloko o kona luakini, me ka olelo aku, 'E lawe aku ia mau mea ; ua palapalaia, He hale pule ko'u hale ; aka, ua hooliloia'e e oukou i ana no ka poe aihue.'

20. *Heaha ka Iesu olelo no ka hookupu i ke alii ?*

I aku la oia ia lakou, 'E haawi aku hoi i ka Kaisara ia Kaisara, a i ka ke Akua hoi i ke Akua.'

§ LXXVI.

No ka Iesu mau hana mana i kona noho pu ana mai,
me ko ke ao nei.

1. *Pehea la o Iesu i hana'i i na hana mana?*

Ua hana no Iesu i na hana mana i kona mana iho, i kana olelo no ; ua i aku oia i ka mai, a i ka makani, a i na uhane ino, a ua lohe ko-ke mai lakou ia ia ; aka, o ka poe kaula a me na lunaolelo, ua hana lakou i na hana mana, i ka mana a ka Haku i haawi mai ai ia lakou, ma ka inoa o ka Haku lakou i hana mana ai.

2. *Heaha ka Iesu mau hana mana i pono ai kanaka, a i akaka loa'i kona oiaio ?*

Eia na hana mana a Iesu i hana'i : o kona hoolilo ana i ka wai i waina, ma Kana i Galilaia ; a o kona hoola ana malaila i ka mai o kahi keiki a ka luna ma Kaperenauma ; a o ka hei nui ana o na ia i kona wa i hea aku ai ia Anederea, a me Petero, a me Iakobo, a me Ioane, i haumana nana ; a o kona hoola ana i ke kuni o ko Petero makuahonowaiwahine ; a o kona hoola ana i ka poe mai ma Galilaia ; a o kona hoomaemae ana i ka lepera mahope iho o kana olelo ana ma ka mauna ; a o kona hoola ana i ka mai lolo i kuukuuia iho, mai luna iho a loko o ka hale, ma Kaperenauma ; a o kona hoola ana i ka nawaliwali o ke kanaka e waiho ana ma ka wai o Beteseda ; a o kona hoola ana i ka lima maloo i ka la sabati, i huhuia'i e kekahi poe Parisaio ; a o kona



O IESU MA KA AHAINA MARE.

hoola ana i ka mai o ke kauwa a ka luna koa paulele nui ia ia ; a o kona hoola hou ana i ke keiki make a ka wahinekanemake ma Naina ; a o kona mahiki ana i ka daimonio, i ike ai ka makapo, a i olelo ai ka aa ; a o kona hoomalie ana i ka ino ma ka moanawai ma Genesereta i ka manawa i makau ai na haumana ana ; a o kona hoola ana i ke kanaka i uluhia e ka daimonio ma Gadara ; a o kona hoola hou ana i ka Iaeiro kuikamahine, a me ka wahine heekoko i na makahiki he umikumamalua ; a o kona hookaakaa ana i na maka o na kanaka makapo elua i hea mai ia ia he mamo a Davida ; a o kona hanai ana i na tausani kanaka elima me na popo berena elima, a me na ia elua, a koe mai na hinai hunahuna he umikumamalua ; a o kona hele ana maluna iho o ka ili o ka wai ; a o kona hoola ana i ke kaikamahine a ka wahine Helene i noi haahaa loa mai ia ia : a o kona hoola ana i na mai ma Dekapoli ; a o kona hanai ana i na tausani kanaka eha, me na popo berena ehiku, me na ia unku, a koe mai na hunahuna, a piha na hinai ehiku ; a o kona hoola ana i ka makapo ma Betesaida ; a o kona kipaku ana i ka uha-ne ino o ke keiki kupaka ; a o ka loa ana ia ia ke kala ma ka waha o ka ia, e hookupu ai ; a o kona wehe ana i ka la sabati i ka wahine i paa i ka mai i na makahiki he umikunamawalu, i huhu wale ia mai ai e ka luna halehalawai ; a o kona hookaakaa ana i na maka o ke kanaka i hanau makapaa i hookolokolo

ikaika ia e ka poe hoowahawaha ia Iesu ; a o kona hoomaemae ana i na lepero he umi, hoo-kahi wale no o lakou i hoonani i ke Akua ; a o kona hookaakaa ana i na makapo elua ma Ieriko ; a o kona hoola hou ana ia Lazaro, i kona makamaka i kanuia i ke ana a Iesu i uwe ai ; a o kona hoola ana i ka poe mai ma ka luakini ; a o kona hoomaloo ana i ka laau fiku hua ole ; a o kona hoola ana i ka pepeiao o Mareko a Petero i oki aku ai, ia Iesu i kumakaiaia'ku ai i kona poe enemii ; a o ka hei nui ana o na ia nui i ka upena a na haumana, mahope iho o kona ala hon ana ; oia na hana mana a Iesu i hana aku ai, i pono ai kanaka, a i akaka loa ai kona oiaio.

§ LXXVII.

No ko Iesu make ana.

1. *A kouoha mai Iesu i kana ahaaina, heaha iho la ia ?*

Hele aku la Iesu i ka mula o Getesemane, kaumaha loa iho la kona naan, me ka ehaeha loa i kana pule ana, a helelei ka hou e like me na kulu koko nui e haule ana ma ka lepo ; a ua hopuia ia malaila kahi i kumakaiaia'ku.

2. *Nawai la Iesu i kumakaia ?*

Na Iuda ka haumana oiaio ole, i kumakaia ia Iesu me ka honi, a haawi aku ia ia i kona mau enemii.

3. *Heaha ka uku i loaia ia Iuda ?*

He mau kala liilii, aneane e like me na hapa-lua he kanakolu ; a ike iho la ia ua hewa, hoi-hoi mai i ke kala, a pepehi iho la ia ia iho a make, a ua lilo aku i kona wahi.

4. *Owai ka mea i hoole i kona ike ana ia Iesu?*

O Petero, ka haumana i hahai ia Iesu i ka hale o ke kahuna nui o Kaiapa, ekolu kona hoole ana.

5. *A nana mai la Iesu ia Petero, pehea iho la ia ?*

Manao koke iho la ia ua hewa, a uwe mihi nui iho la, a hoi koke mai no ia ma ka pono ; a mahope iho, ua ikaika loa oia i ka hooiaio ia Iesu, i kona mau la a pau.

6. *Owai ke kiaaina i make ai o Iesu ?*

O Pilato, no Roma, o ke kiaaina ma Iudea, ua hoouna aku la oia ia Iesu ia Herode, i ke kiaaina o Galilaia, nana no ia i hoomaewaewa, a hoihoi mai ia Pilato, makemake ia e wehe ia ia, koi nui mai na Iudaio ia Pilato e make Iesu, holoi iho la o Pilato i kona lima iho, a haawi aku na lakou e pepehi, i iho la, 'Aole loa i loaia iki ia'u kona hewa.'

7. *U'ahaia o Iesu ia ia i lilo ai i ka lima o kona mau enem i ?*

Ua hahauia ia, ua hoomaewaewaia, ua paia i ka peahi lima, ua kakaia i ka laau, ua kuha-kuhaia, ua hoino wale ia, ua makiaia e la ia ma ka laau kea, ua hookaheia kona koko, ua paopaoia oia no ko kakou hewa, ua pepehiia oia no ko kakou hala.

8. *Nowai la i pule ai Iesu i kona kau ana ma ke kea?*

No ka poe i pepehi wale ia ia, i iho la, 'E ka Makua, e kala mai i ko lakou nei hewa, aole lakou i ike i ka lakou mea e hana nei.

9. *Heaha ka Iesu olelo i ka aihue mihi?*

I ae la Iesu ia ia, 'I keia la, o oe pu kekahi me au iloko o ka paredaiso.'

10. *Heaha na mea kupanaha i ka make ana o Iesu?*

Ekolu hora i pouli ai ka lani, nahae iho la ka paku iloko o ka luakini, mai luna a hala loa ilalo, haalulu ka honua, nakaka na pohaku nui, a ua hamama hou mai na luakupapau.

§ LXXVIII.

No ka waiho ana ia Iesu i ke pao, me kona ala hou ana, a me kona la hoano, a me kona pii ana iluna.

1. *Nawai Iesu i hahao i ke paokupapau?*

Na Iosepa no Arimataia, a me Nikedemo oia i hahao i ke pao hou a Iosepa i pao ai maloko o ka pohaku i kana mala, i halelua nona.

2. *Inahea ko Iesu ola hou ana?*

I ka po akolu, mahope iho o kona make ana, i kakahiaka nui o ko kakou la sabati, ua olokaa ae la ka anela i ke pani pohaku, ala hou mai la ka Haku, haalulu hou ka honua, a ua ala hou mai kekahi poe haipule i make.

3. *O ka la hea ka la hoano o ha hebedoma no ko Iesu poe kanaka, e hoomana nui ana i ke Akua?*

O ka la mua o ka hebedoma ka la hoano no ko Iesu poe kanaka, e hoomana nui ana i ke Akua. O ka la ia o Iesu i ala hou mai ai, mai ka make mai, a ua kapaia ia e Ioane, 'Ka 'La o ka Haku.' O ka la ia i houluulu pinepine ai kana mau haumana, e hoomaikai ia ia me ka pule, a me ka himeni aku ia ia, me ka hooloa nui i ke Akua, no ko Iesu lanakila ana maluna o ko ka po, a me kona hoola ana i ko ke ao nei. Ua lilo hoi ia la i la hoano no ko kakou mea nana i hana, nana hoi i hoola, i la sabati mau no hoi no ko Iesu ekalesia, a me ka poe a pau i lohe i kana olelo, a hiki wale aku i ka hope o keia ao.

4. *Owai ka mea i ike ia Iesu mahope iho o kona ola hou ana mai?*

O Maria no Magedalena mua, a o kana mau haumana, a me na ohua ona elima haneri; hookahi kanaha la i ikeia'i e lakou, alaila, hoi aku la ia i ka lani.

5. *Heaha ke kauoha ana i waiho mai i kana mau haumana i kona pii ana iluna?*

I aku la Iesu i kana mau haumana, 'E hai hele oukou, a e hoohaumana i na lahuikanaka a pau, e bapetiso aku hoi ia lakou iloko o ka inoa o ka Makua, a o ke Keiki, a o ka Uthane Hemolele.'

6. *A pii aku Iesu iluna mai ka mauna aku o Oliveta, heaha ka olelo a na anela i ka poe haumana?*

I iho la na anela ia lakou, 'E na kanaka o Galilaia, no ke aha la oukou e ku nei e nana aku i ka lani? O Iesu nei, ka mea i laweia'ku la i ka lani, mai o oukou aku, pela no ia e hoi hou mai ai, e like me ka oukou ike ana aku ia ia e pii ana i ka lani.'

§ LXXIX.

No na Lunaolelo.

1. *A i ka poino ana o Iuda, owai ka mea i pani i kona hakahaka?*

O Matia ka mea i hooliloia i lunaolelo, a ua helu pu ia iho la me ka umikumamakahi.

2. *Heaha ka Petero olelo i ka poe kanaka i ninau aku ia ia i ka la Penetekota, 'Heaha ka makou e hana'i?'*

I aku la o Petero ia lakou, 'E mihi, a e baptisoia oukou a pau iloko o ka inoa o Iesu Kristo, i kalaia'i ka hala, a e loa ia oukou ka makana o ka Uhane Hemolele.'

3. *Ehia kanaka i huli mai i ka pono ia la hookahi, i ko Petera hoike ana i ka olelo a ke Akua?*

Ekolu paha tausani i mihi i ko lakou hewa ia la hookahi, a huli mai ma ka pono, me ka paulele ia Iesu, ua lilo hoi lakou i ohua nona.

4. *Owai ka mea i pepehi mua ia no kona malama ana i ka pono o Iesu?*

O Setepano, ke kanaka maikai loa, ua hooiaio aku ia Iesu, huhu mai ka poe hoomaloka, hailuku mai lakou ia ia, e pule ana, 'E ka Haku e Iesu, e lawe aku oe i kuu uhane, . . . mai kau oe i keia hewa maluna o lakou.'

5. *Owai ka mea i malama i ke kapa o ka poe i hailuku ia Setepano ?*

O Saulo no Tareso, he kanaka hoomaau loa i ko Iesu poe, ua ha aku la oia ia lakou i ka olelo weliweli, a me ka make.

6. *U'ahaiia o Saulo ?*

Ua ao pono ia mai ia e Iesu, i ka anapu ana mai o ka malamalama nui, i kona hele ana i Damaseko, e hana paa i ka poe haipule, a ua hoohuliia kona naau i naau hou, a ua hooliloia ia i lunaolelo, nana e hai aku ka Iesu olelo i kela aina i keia aina, me ka hana mau ma ka pono ; a i kona lilo ana i kanaka hanau hou, ua kapaia kona inoa, o Paulo, a ua hoouna ka Haku ia Anania e hoola i kona makapo.

7. *Owai na mea i hoopunipuni i ke Akua, a haule koke i ka make ?*

O Anania a me Sapeira, ua hoohiki laua i ke Akua i ohua nona, me ka hookamani, a huna i ko laua waiwai me ka wahahee, a make e iho la laua, i ka huhu ana mai o ka Haku.

8. *Owai ka wahine make a Petero i hoola hou mai ai ?*

O Doreka, kahi wahine lokomaikai i ka poe ilihune.

9. *Heaha ka ka lunakoa, ka Korenelio olelo maikai ia Petero ?*

I mai la o Korenelio, 'Eia makou a pau loa

imua i ke alo o ke Akua e hoolohe i na mea a pau i kauohaia mai ai oe e ke Akua,

10 *Owai kekahi alii ino i pepehi ia Iakobo, i ka hoahanau o Ioane?*

O Herode, kekahi alii hookano, o ka moopuna a ka Herode i pau ai na kamalii ma Betelehema; a make o Iakobo ia ia, hana paa hou aku la ia Petero iloko o ka halepaahao.

11. *Nawai o Petero i wehe aku?*

Na ka anela o ka Haku i kala aku kona kaulahao, a ua hemo ia ia na pani paa, pakele aku la o Petero i ka lima o Herode.

12. *Uahaia o Herode?*

Ua pepehiia mai e ka anela a ka Haku no kona kolohe, a me kona hookano, a me kona hoonani ole ia Iehova; a ua make e no ia iloko o kona hewa.

13 *Owai kekahi wahine waiwai ma Pilipi i malama pono ia Paulo ma?*

O Ludia, ka wahine a Paulo i bapetiso ai me ko ka hale ona, na ka Haku hoi kona naau i hoomakaukau mai i lohe i ka olelo a Paulo i hai mai ai.

14. *No ke aha la i paa ai o Paulo a me Sila i ka halepaahao ma Pilipi?*

No ko lana kipaku ana i ka uhane ino o ka wahine wahahee i waiwai nui ai kona mau haku; manao iho la lakou ua lilo ia waiwai, huhu aku la ia Paulo ma.

15. *Heaha ka Paulo ma iloko o ka halepaahao?*

Pule aku la o Paulo ma i ke Akua, a me ka himeni aku ia ia i ke aumoe.

16. Heaha na mea kupanaha ilaila i ko Paulo ma hoolea ana i ke Akua ?

'Naueue nui koke iho la ka honua, haalulu ae la ke kumu o ka halepaahao, wehe koke ia iho la na puka a pau, a hemo wale no hoi na mea paa o lakou a pau.'

17. Pehea iho la ka mea ia ia ka halepaahao ma Pilipi ?

Unuhi ae la ia i kana pahikaua, me ka manao e pepehi ia ia iho ; i mai la o Paulo, 'Mai hana eha iki oe ia oe iho ;' a ninau haalulu aku la ua luna la ia laua, 'Heaha ka'u e hana'i i ola ou ?'

18. Pehea aku o Paulo ma ia ia ?

I mai la laua, 'A manao oiaio aku i ka Haku, ia Iesu Kristo, alaila, e ola oe a me kou ohana ;' bapetiso aku la hoi laua ia ia i kona manao oiaio ana i ke Akua me ka olioli ia ia.

19. Owai ke kanaka a Paulo i hoola hou ai ?

O Eutiko, ke kanaka i hiamoe i ka Paulo olelo ana, a ua haule ia ilalo mai ke kolu mai o ka papa o ka hale a make, a ua hoola hou o Paulo ia ia.

20. No ke aha la i huhu loa ai o Demeterio ia Paulo ma ma Epeso ?

No kona minamina ana i ka waiwai i loa ia ia i kana hana ana i na luakini kala liilii loa no Diana, he akua wahine lapuwale ma Epeso ; manao iho la o Demeterio ma, a i manaoio na kanaka i ka Paulo olelo, aole lakou e kuai hou ia mau kii, aole hoi e hoomana ia Diana.

21. Heaha ka Paulo olelo i ko Atenai, i ko lakou malama ana i na kii akua ?

I iho la o Paulo ia lakou, 'Aole no ke Akua i manao nui wale i na wa o keia naaupo ana, aka, i keia manawa, ke olelo mai nei ia i kanaka a pau ma na wahi a pau loa e mihi.'

22. Nawai i hoomaau loa mai o Paulo ma Ierusalem, a me na kulanakauhale ana i hai aku ai i ka olelo a Iesu ?

Na kekahi poe Iudaio, na ka mamua a Iseraela i manaoio ole ia Iesu, ua inaina lakou i ka Iesu mau lunaolelo ; a o kekahi poe kanaha a keu, ua hooihiki lakou i ke Akua aole e ai, aole e inu e mamua o ko Paulo make ia lakou.

23. Pehea la o Paulo i pakele ai ?

Na ke keiki a ko Paulo kaikuwahine i hai aku i ka lunakoa, a ua laweia'ku o Paulo e ko Roma mau koa i Kaisareia, i paa i ke kaulahao.

24. No ke aha la i haalulu ai ko Judea kiana o Pelika i ko Paulo hoike ana i ke ano o ka manaoio ia Kristo ?

A i kona kukulu ana i ka olelo no ka pono, a me ka hoomanawanui, a me ka hookolokoloia e hiki mai ana mahope, weliweli iho la o Pelika, i aku la, 'O hoi oe i keia wa, a e malama au i ka wa okoa, e kii hou aku ai ia oe.'

25. A waiho aku la o Pelika ia Paulo i kona hope ia Peseto me ka paa, pehea iho la ia ?

Hoopii aku la o Paulo i ke alii nui ia Kaisara ma Roma, aka, ua hookuu e iho la o Pe-

seto ia ia imua o kekahi alii, o Ageripa, [ka moopuna kualua a Herode,] i lohe ia ia ia.

26. *A hoike ae la o Paulo ia Ageripa i ko Iesu hoohuli ana ia ia, pehea iho la ia ?*

Alaila olelo mai o Ageripa ia Paulo, 'Ua kokoke oe e hoolilo mai ia'u i Kristiano,' [i mea e manaoio i ka Mesia.]

27. *A laweia'ku o Paulo ma Roma, heaha kana hana malaila ?*

Ua hai aku la oia i ka olelo a ke Akua ma Roma, i na makahiki elua, me ka hooikaika nui aku i na hoahanau ; malaila hoi ia i palapala'i i kana mau Episetole, ia Timoteo kekahi, a ia Pilemona kekahi, a i ko Epeso, a i ko Pilipo, a i ko Kolosa, a me ka poe Hebera, i ka makahiki kanaonokumamalua mahope mai o ka hanau ana o ka Mesia.

28. *Mahea la i palapala'i o Ioane i ka palapala hoike i ka hiki ana mai o ka Milenio ?*

Ma Patemosa ma ka moku uuku i ke Kai-waenahonua, kahi i kipakuia'i o Ioane e Dominitianana, no ka olelo a Iesu, malaila ia i palapala'i i ka buke Hoikeana, e hoakaka ai i ka pau ana o na pule hoopunipuni, a me ka hoo-pai ana i mea hewa, a me ka lilo ana o na aupuni o keia ao i aupuni no ka Mesia.

29. *Owai ka mea i ikeia'ku e Ioane ma Patemosa ?*

O Iesu Kristo kekahi, a o ka anela kekahi, i ikeia'ku ai e Ioane, e hoike mua ana ia ia i na mea nui e hiki mai ana ; olelo mai la Iesu ia ia, e palapala i kana mea i ike ai i na ekalo-sia ebiku ma Asia.


30. *A i ko Ioane manao ana e hoomana i ka anela, pehea iho la ia ?*

Papa koke mai la ka anela ia ia, i mai la, 'Mai hana oe pela, no ka mea, owau no kou hoalawehana ; e hoomana oe i ke Akua.' Pela hoi i papa ai o Petero ia Korenelio i kona hoomana ana ia Petero. Pela hoi o Paulo ma i papa ai i na kanaka naaupo i manao e hoomana i na lunaolelo. O ke Akua wale no ka mea a kanaka e pule pono aku ai.

31. *Nowai ka olelo a Ioane i palapala aku ai i ko Asia mau ekalesia ?*

No ka poe pepeiao lohe a pau loa ka olelo, no ka mea, ua olelo mai la Iesu ma ka Ioane palapala, 'O ka mea pepeiao lohe, e hoolohe ia i ka ka Uhane i olelo mai ai i na ekalesia ; a o ka mea i lohe, e hele mai ia ; a o ka mea makewai, e hele mai ia ; a o ka mea makemake hoi, e lawe wale i ka wai e ola'i—pomaikai wale ka poe i malama i kana mau kauoha.'


•














3 2044 038 358 388



